
क्षणहत् गाता

(कॉशुर तर्जम)



सन्तोश शाह 'नादान'



जारवा धुस्तकालय (संगावना भा दा के द्र) कमांक ... 2006



भगवत गीता

(कॉशुर तर्जमु)

(नोट : सॉरी हकूक छि श्री महाराज कृष्ण बम्बरू सुंदि नावु महफूज़)

किताबि हुंद नाव : भगवत गीता

कवियत्री : सन्तोष शाह 'नादान'

म्वल : Rs.100/-

छपन वॅरी : 2007

सहायता : पृथ्वी नाथ कौल 'सायिल'

सरपरस्ती : आर.के.बारती

कम्प्यूटर (D.T.P) ; रिंकू कौल

IILS D.T.P Centre Muthi, Jammu,

0191-2595136, 9419136369

किताब मेलनुक पताहः

- पोश गोंद रूप अरजुन दायुत,
 मोहला गुजराल, लेन न. 1, ओलड चुंगी,
 कैम्प रोड, तालाब तिल्लू, जम्मू। फोन 9419113193
- 2. दुर्गा प्रिंटिंग प्रेस, जम्मू।
- 3. चंडी आश्रम, (देवका के नज़दीक) उद्मपुर।
- 4. स्वामी कुमार जी आश्रम मुठ्ठी, जम्मू।
- भूषण लाल, धामिक पुस्तक बंडार, जम्मू।
- 6. कौल एलकट्रानिकस, पुरखू कैम्प, जम्मू।
- 7. स्वामी नन्द बब आश्रम, मुठ्ठी, जम्मू।
- 8. स्वामी स्वयमानन्द आश्रम, मुठ्ठी, जम्मू।
- 9. वादशाह कलंदर आश्रम, पटोली, जम्मू।
- 10. विजेशवर जोतिश कीयालय, चिनोर, जम्मू।

BHAGWAD GEETA

(Kashmiri Translation)



नाव : सन्तोष शाह (बम्बरू)

तख्खलुस : 'नादान'

पिता सुंद नाव : पं नंदलाल शाह

माताँमि हुंद नाव : श्रीमती शुभावती

महाराजु सुंद नाव: श्रीमहाराज कृष्ण बम्बरू

असली स्कूनत : मोह॰ गंजीवारा अनंतनाग, कश्मीर



युद्धाय कृतनिश्चयः

11 जून 2007 ई. चृन्द्रवारि दोह कॅर जम्मू कश्मीर कल्चरल अकादमी हुंद्य सक्रेटरी डॉ. रफ़ीक मसूदी सॉबन के.एल.सहगल हालस मंज़ श्रीमती संतोष शाह 'नादान' दॅस्य ग्यवुमुच अख एम.पी.3 सी.डी तु पाँच आडियो कैस्ट ज़ी यज्ज़त पछ्यन ब्रोह किन रिलीज़।

यि छु श्रीमद्भगवद गीतािख हंद्यन 700 श्लूकन हुंद कॉशिरि नज़्मि मंज़ तरजेषु युसे संतोष जी पान छु कॊरमुत तु पानय छुन साज़स प्यठ ग्यॅविश्व-रिक्रार्ड करुनोवमुत।

संतोष जी छि शायिरा। यिहुंज़ शार सोम्बरन 'पोशि गोंद' गयि 2005 ई. मंज़ छाप। संतोष जी मंज़ छि त्रे ग्वन यिकुवटु नज़िर गछान। स्व छि अख सफल शायिरा, मश्हूर लोक गायिका तु अख समर्पित बॅखुत्य। यिहुंज़ स्यठाह मशहूर कृष्णु लीला छि :

> 'स्वनु पोश व्यनु पोश लागै शेरे खसू म्यानि हेरे हरे कृष्णो'

श्रीमद्भगवद गीतायि हुंद्यन 18 अध्यायन (यिमन मंज़ कुल 700 श्लोक छि) हुंद तरजमु छि शायिरा ॲिकस तवील कॉशरि नज़्मि मंज़ करान तु तिम पतु मशहूर रिकार्डिंग सेंटरस प्यठ रिकार्ड करुनावान। अज़ छि यि खुशी हुंज़ कथ कि यि तरजमु छु किताँबी सूरतस मंज़ द्वन रिस्मख़तन (नागरी, नस्तालीक) मंज़ छाप स्पदान युथ ज़न लूख यि परिथ शायिरायि हुंज़ अदबी सलॉहियुच़ साम ह्यन तु यि करनु सरिक तरजमु करनस मंज़ कथ हदस ताम छि 'नादान' जी कामयाब स्पज़मुच़।

यंत्यथ छि यि कथ वनुन ति ज़रूरी कि संतोष जी छि कॉशरिस अदबस मंज़ गोडनिच शायिरा यिमव श्रीमद्भगवद गीतायि कॉशरि ज़बॉन्य मंज़ तरजमु छु कोरमुत। यि छि सानि खॉतुर फखरुच कथ। संतोष जी ब्रोंह छु चोरव कॉश्रयव शॉयिरव - स्वर्गीय पण्डित मानु भट्ट मान, पण्डित कृष्ण जू धर, पण्डित प्रेमनाथ कौल 'अर्पण' तु शहीद सर्वानन्द कौल 'प्रेमी' जियन भगवत गीता कॉशरिस मंज़ फिरमुच। संतोष नादान छि यिमन ब्रोंह दामुच तु बेहद ख़ूबसूरत अन्दाज़स मंज़ अिक अिक श्लोकुक मानि मतलब ज़ॉनिथ, समिजिथ तु व्यचॉरिथ कॉशरि नज़म मंज़ फिरिथ यानि तरजम किरथ पेश करान।

यथ किताबि मंज़ छि संतोष जी बॅतोरि अख तरजमु कार असि ब्रोंह कुन यिवान। तर्जम छुनु प्रथ कांह ह्यकान कॅरिथ। यि छि अख स्यठाह मुश्किल कॉम। तर्जमु कारस गछि तिमन सारिनय ज़बान्यन हुंज़ सही ज़ानकॉरी आसुन्य युहुंद सम्बंध किताबि सुत्य छु। गीतायि हुंद तर्जमु करनु खॉतिर गछि संस्कृत ज़बॉन्य हुंज़ सही ज़ानकॉरी आसुन्य।

संतोष जी छि संस्कृत, हिंदी, अंग्रीज़ तु कॉशिरि ज़बॉन्य हुंज़ ज़बर वाकिफियत इसिलए तर्जमु करनस मंज़ छस न ज़्यादु दुशवॉरी पेश आमुच। पान छि अख ज़बर शायिरा। शार वनुनुक छुस बाश। भगवान श्री कृष्णस छि विर्ज़ि विज़ि लोल बरान तु व्यवहारस मंज़ ति छि पानु लोल वरतावान।

यि किताब छि कॉशरिस भक्ति अदबस मंज़ अख मोलुल इज़ाफ तु मुमिकिन छु बॅिय ति केंह संस्कृत ज़बॉन्य हुंद्यन फन पनारन यिथि कॉशरिस मंज़ तर्जमु करनु तु स्पदन छाप।

संतोष जी दंस्य भगवत गीतायि हृंद्यन त्रन श्लोकन हुंद कोशुर अनुवाद करु बु युस में स्यठाह पसंद आव -अध्याय -1 (श्लोक-12)

> 'दुयेदिनुन मन प्रसन्न करुन छु यछान कोरव मंज़ बुड़ भीष्म तीज़वान पनुनिस स्थस प्यठ खॅसिथ सुह ज़न ग्रज़ान य्वद क्षेत्रस मंज़ शांख वायान॥'

अध्याय -2 (श्लोक-23)

'आत्मा छिन चॅटिश्य शस्त्र ह्यकान नु छुस ज़ॉलिश्य ॲगनुय ह्यकान आत्माहस पोन्य छुनु ॲदरॉविश्य ह्यकान नय छुस वाव ह्वखुनॉविश्य ह्यकान।'

अध्याय -10 (श्लोक-26)

'सारिवय कुल्यव मंज़ पीपल कुल बुय दीव रशव मंज़ नारद मुनी बुय गंदरवन मंज़ चित्रस्थ छुस बुय स्यद पुरुशन मंज़ कपिल मुनी बुय।। शायिरा छि अज़हद कूशिश करान कि तरजमस मंज़ गॅछ़ स्विय तेह बरकरार रोज़न्य यासु मूल संस्कृत पाठस मंज़ छि नज़िर गृहान।

कथ हदस ताम छि संतोष जी सफलन गॉमुच अम्युक अंदाज़ ह्यकन परनवॉल्य ज़बर पॉठ्य लगॉविथ।

यि कॉम छि सानि मातृशक्ति अन्द वातृनॉवमुच् बु छुस बेहद् शाद त व्यमेद छम वारयाहन सान्यन परिमुच्न कोर्यन मेलि यॅमि सूत्य प्रेरथ त व्यन्दु यियख गाशुरावन। ज़िन्दगी मंज़ छुनु कांह अखाह परिपूर मुकमल आसान। कांह नतु कांह कमी छि ज़रूर प्रथ ॲकिस 'मनुष्य' आसनुक एहसास करुनावान। यि कथ नज़िर तल थॉविथ पिज़ असि संतोष जी नि महनुच् पनुन्य व्यनु पोश सोनु पोश अर्पन करुन्य।

भूषणलाल कौल डी.लिट् 28 अगस्त, 2007 ई. श्रावण पूर्णिमा 'रक्षाबन्धन'

മാരു

दिय गथ

बगवान सुंज़ गथ ति छि ॲजीबुय, म्यॉन्य हश मॉज स्वर्गीय श्रीमती रूपावती बम्बरू बॉरिया स्वर्गीपँडिथ अर्जनाथ बम्बरू, ऑस चोरव वॅरियव प्यठु ब्यमार तु ऑस व्वन्य दोह पतु दोह स्यठा कमज़ोर गछ़ान। पॅतिमि विज़ि ओस नु कांह ति मे वरॉय तस ब्रोंह किन युस तॅमिस 24 गन्ट हेकिहे तॅतिनुय रूज़िथ तु तस बासुनॉविथ ज़ि बु छस तस सुत्य सुत्य। बु ऑसुस तॅमिस सुबहन तु शामन भगवत गीतायि हुंद्यन केंहन पदन हुंद मानि वारु वारु वॅनिथ तसुंद बय दूर करनुच कूशिश करान। युस बय बुजरस मंज़ सारिनुय नाल छु वलान। येलि ज़न गीता जी हुंज़ अरदॉहिम अद्या वॉच अंद तु मे वॉनमस -'बाबी बु क्याह करु व्वन्य, बु वॉचस चलनस, चॉन्य सीवा करुन्य छि स्यठा कठिन्य। तम्य कॅर तोरु सिर्फ ऑही दोपुन -'लगय बलायि'। अमि सुत्य गॅियस बु स्यठा शर्मन्दु तु रॅटिमस पाद। वोदुम स्यठा। दितिमस पद्यन मीठ्य। यि सात ज़न ओस भगवान सुंदी तरफु खबर क्याह ज़ीर तु में तुल कलम तु ह्योतुम गीता जी हुंद तर्जमु कॉशिर्य पॉठ्य करुन। बु ऑसुस तॅमिस सुबहन शामन मँज्य मँज्य भजन ति बोज़ुनावान। अदु य्वहय ज़न गोव वाख तु वचुन तु में लोग ल्वित ल्वित गीतायि तर्जमु करुन। मगर पानस प्यठ ओसुम नु ऐतबार, ज़ि बु ह्यकु यिछ कठिन्य कॉम अंद वातुनॉविथ।

मगर ज़न दोर भगवानन अवतार। में लोग पनुनिस ऑगरिस थोगरिस रस त कालुक तर्जम ओसुम पगाह ज़न गलथ्रय बासान। ज़न ओस भगवान अथु रॅटिथ में तिमन तिमन जायन पयुर द्यावनावान येत्यन येत्यन में काल ओस बास्योमुत आसान ज़ि यि गव न ठीख त सथ सथ फिर्य दिथ कौर में यि तर्जम तयार युस ज़न बु स्वर्गीय हश मॉज प्रथ शामन ऑसुसन बोज़नावान।

येमि दोह तॅम्य यि दिह्य त्रोव, तॅम्य मॉग बतु मे मा छि खबर ज़ि ॲमिस छु नेरुन। कुर्सी प्यठ बेहेनॉव्रम बतु बापथ, दोपमस ग्वडु बोज़ मे गॅयिय वुन्य यि दॅहिम अद्या तयार। स्व बूज़न सॉरुय। द्युतमस बतु तु जल जल बतु ख्यथ त्रॉविन प्राण। म्यॉनिस दिलस मंज़ ऑसुन स्व ज़ितिन्या त्रॉवमुच। मे दोप यि वॉच कृष्णु भगवानस निश।

तम्य संद्यन दोहन ति रूज़ुस बु यिम कॉशरिस मंज़ फिरिमुत्य श्लूक सारिनुय ब्रोह किन परान। अमि वननु तु वननु सूत्य लोग अथ रंग बेयि चमकिन। वारयाह श्लूक बदलॉव्य मे बेयि अकिलिट। कूशिश कॅरुम तु यछा ऑसुम ज़ि यिमन पदन ति गोछ सुय माने नेरुन यि गीताजी हुंद्यन पदन असली माने छु।

तर्जमस मंज़ छु मे श्री आर.के.बारती सॉबन ग्वडु प्यठु मदद कोरमुत। यिमव पोर अम्युक प्रूफ दोयि त्रेयि लटि तु डाकेटर ओमकार एन. कौल सॉबस सुत्य मशवरु कॅरिथ कोरुख यि मुकमल। ज़बान छ स्वय इस्तिमाल आमुच करन ख्वस ॲस्य कॉशिर्य बोलन छि। अवय छि रेवाती लफुज़ बदिलिथ आम बोलुवन्य कॉशिर्य लफुज़ लेखनु आमृत्य। यानि Phonetic तरीका। पत दिच्न पूरु पॉठ्य नज़र श्री डाकटर बी.एल.कौल सॉबन ति। तिमव ति बडोव म्योन होसला कॉशिर ज़बॉन तु नागरी कॉशिर लिपी श्वद लेखनस मंज़ कोर में श्री पृथ्वी नाथ कौल 'सायिल' सॉबन ति स्यठाह मदद।

यिमव सारिवय साहिबव वारयाहन किताबन छु अंग्रज़ी, हिन्दी, उर्दू तु कॉशिर्य तर्जमु कॅर्यमुत्य। यिहंद्य अथुवासन दिच् में स्यठाह ह्यमथ तु में प्रॉव यि कॉम अंद वातुनावनस मंज़ कामयाँबी।

व्यन्य छु परनवाल्यन ताम ज़ि तिहुं मशवर क्या आसन तु तिहुंज़ म्वलवन राय किम आिय आिस। मे राोज़ि तुहंद्यन नेक मशवरन हुंद इन्तिज़ार।

संतोश शाह 'नादान'

गीता महातम्य (1)

शोद ज़्यत युस परि गीता मायि सान बिय तु शूकु रास सु मूख्य दाम प्रावान युस गीता रुफ अमृत पनुनेन रगन बरान प्रनायमस मंज् युस रूच् शवान तस येमि ज़न्मुक्य तु परू ज़न्मुक्य पाप बेशक साँरी नाश सपदान शरीर मल न्येशि द्यनु श्रानु दूर सपदान संसॉर्य मल गीता ज्ञान रुफ ज़ल छु छलान कृष्णु बगवानुनि पम्पोशि म्वखु द्रामुच ज़ान अथ ग्यानस सॅनिथ रोज़ ख्यनु ख्यनु ग्यवान फलसफु येमि ज़िन्दगी हुंद युस रोज़ि वखनान बैयिन शास्त्रन हुंद प्रयोज़न छुसनु रोज़ान अमृत रुफ सार महाबारतुक युस आसान श्रु कृष्णुनि म्वखु मंज़ यस छि नेरान यि गीता रुफ गंगु ज़ल युस रोज़ि च्यवान सु संसॉर्य बैयि ज़ांह छुनु ज़न्म ह्यवान सॉरी व्वप्नीशद कामुदीनि बराबर ज़ान चावनवोल गूर्य बालुक कृष्णु बगवान वोछ ॲिमस गॉव हुंद अर्ज़न दीव आसान गीता रुफ अमृत गाँव द्वद छु आसान द्वद अमिकुय युस छु च्यवान मायि सान श्रापरनवोल आसुवुन छु श्वद बोज़्वान गीता शास्त्र व्वतम कुन तु कीवल ज़ान दीवकी नन्दन कृष्णन युस ग्योमुत छु आसान मानुन दीवकी नन्दन कुन महान बगवान थाद मंत्र तसुंद नाव ज़पुन छु आसान तस दिय सुंज़ सीवा कुन कर्तव्य ज़ान साँरी कर्म तस बुधि थॅविथ रिथ खसान

(2)

दोह अिक पारंवती शंकर जियस वनान बगवत गीताय' हं ज़ करुम पॉर्यज़ान गूज्य अिमच बु वॉलिंजि मंज़ थवुन्य यछ़ान छोट्य पॉठ्य म्वख चॉनि बु बोज़न्य यछ़ान प्रसन्न मन टाछि त्रुयि शंकर जी वनान कथ लख्यमी नारायन संज़ वनय चु रोज़ बोज़ान नारायनस पादन नेमिथ लख्यमी प्रछ़ान आलुछ नेन्द्र छा तोहि ति सतावान त्रेयलूकी हुंद आसुवुन चा बगवान प्यठ्य प्यठ्य वनतम बु छस परेशान

छुम गीता शास्त्र रुमु रुमु सन्योमुत अमिकुय बजर में हिन हिन गन्योमुत याद पॉव्य पॉव्य बु ख्यन ख्यन आनन्द तुलान छुन आलुछ, नेन्दर तमी में ब्रॉह किन दरान श्रुमदबगवथ गीता युस परान या बोज़ान छुस कलेशि बेयि द्वखन नाश सपदान युस ख्यन ख्यन बजर अम्युक थ्यकुनावान ग्यान बलु सु संसॉर्य सॅदरस तरान संसॉर्य द्वखव सुय रछ छुन व्यसरान अंतस प्यठ सु मूख्य दाम पावान

മാരു

ग्वडनिच अद्या

द्रतराष्ट्रन वोन सन्जयसः-

1. यिम दर्मीच जायि कोरख्येत्रस मंज़ समान, खद यछन वॉल्य् म्यॉन्य् कोरव सन्तान। बेयि सॉरी पान्डव सुन्द्य सन्तान, सन्जय वनतम क्या सनाह करान?


संजयन वोन

- व्युह पान्डव सेनाय हुंद वुछिथ दुर्योदन गछान।
 ग्वर दोनस निश तु यिम शब्द वनान।।
- यीच् बॅड ग्वरु म्यानि पान्डव सेना रोज़ वुछान। बनॉवमुच् चॉन्य शॅश्य दोपद पोथुरन जान।।
- 4-6. अथ सेनायि मंज़ बॅड्य बॅड्य तीर अंदाज़।
 बीमस, अर्ज़नस हिव्य बलवीर माहनाज़।।
 मनुशन मंज़ थोद शैब्य पुरुजित।
 कुन्तीबोज तु वीर युदामन्य।।
 बलवीर सांत्यिकतु ययुदाना विराट।
 राज़ दुपद बेयि दृष्टकीतू।।
 चेकितान बलवान कॉशी हुंद राज़ु।

सबुद्रायि हुंद पौथुर अबिमन्यू।। बलवान उत्तमौजा बैयि स्यठाह बलुवीर। द्रोपदी हुंद्य छि बैयि पौथुर पाँछु।।

- ही ब्रह्मनन मंज़ स्यठाह बिड ब्रह्मन।
 बोज़ सानि तरफु छि कम कम प्रदान।।
- होनाचार्य, बीशम पितामाह, करन।
 अशांवत्थामा, कृपाचार्य, विर्कन।।
 सोमदतुन पोथुर बूरिश्रवा तु चृय सान।
 सानि तरफुक्य छि यिम सॉरी प्रदान।।
- 9. शस्त्रव सुत्य सॅजिथ मॉहिर खदस मंज़। कम कम बलवीर मरनस तयार।। बेिय म्यानि बापथ य्वद ज़ानन वॉल्य। कम कम शूरवीर छि मरनस तंयार।।
- 10. बीशम पितामह बुथि कोरुवन सरदार। दूर्लब कोरव सेनािय हुंद करुन शुमार॥ पांडव पांथुर बीम पांडवन सरदार। छु सहल तिहुं जि सेनािय करुन शुमार॥





- 11. बीशम पितामहस हैफाज़त छै करुन्य।
 हुकुम दुर्योदन सेनायि दिवान।।
 पनुनि जायि प्यठ डॅटिथ रोज़वुनि सेनायि।
 दुर्योदन बीशमस हवालय करान।।
- 12. दुर्योदनुन मन प्रसन्न करुन छु यछान।
 कोरवन मंज़ बुडु बीशम तीज़वान।।
 पनुनिस स्थस प्यठ खॅसिथ सह ज़न ग्रज़ान।
 य्वदु ख्येत्रस मंज़ शंख वायान।।
- 13. तिम पतु कोरव गॅव हॅग वायान। नगारु, शंख बाजि तु डोलव सान।। कृत्य खोचुनॉविख बेिय त्रॅहरॉविख। आवाज़ फ्रट्र सान कॅरुख यखसान।।
- 14. पतु सफेद गुर्य वॉलिस स्थस प्यठ विराजमान। कृष्ण तु अर्जुन छि दिव्य शांख वायान।।
- 15. पंचजन्य नावु वोल शंख वोय कृष्णन। देवदत्त नावु वोल, वोय अर्ज़नन।। माननीन कर्म करन वॉल्य बीमसेनन। वोय पोंड्र नावु वोल स्यठाह बॉड शंख।।

- 16. कुन्ती हृंद्य गोबरन राज़ योदिशठरन। अनत विजय नावु वोल वोयुन शांख।। मनिपुशपक तु सुगोश नावु वॉल्य शांख। पानु वॉय नकुलन तु सहदेवन।।
- 17-18. तीर अंदाज़ कॉशीराज़ तु शिखंडी।
 दृष्टदुम्न सात्यिक तु राज़ विराट।।
 राज़ दोपद, दोपदी हृंद्यव पौथुरव।
 सारिवय पनुन्य पनुन्य वॉयिय शंख।
 बॅड्य ताक्तवर सोबदायि पौथुरन।।
 अबिमन्युहन ति वोय बिड हिट शंख।
- 19. कुन्य खोच्रवुन्य आवाज् तॅरिथ गॅिय। आकाशस तु बेिय जॅमीनस।। तिम आवाजि सुत्य दतराष्ट्रन पोख। कोरव पोथुर गॅिय स्यठाह दिलमलूल।।
- 20-21. बन्द दतराष्ट्रन्यन मोर्चन प्यठ वुछिथ। वानर जंडु वॉल्य अर्ज़नन वॉन दनुश तुलिथ।। <u>अर्ज़न दीवन वॉन</u>

ही अच्यत म्योन स्थ थव समंज़ सेनायि।। येति सॅमिथ य्वद यछन वॉल्य बु वारु वुछहा।।

- 22. खदु ख्येत्रस मंज़ डॅटिथ खद खड़न वॉल्य। तिहृंदि तरफुक्य वारु वुछि खद करन वॉल्य।। छुम खदु किस कारस मंज़ कस सुत्य व्यवहार करुन। रथ थव अतीनस छुम ठीक पॉठ्य वुछुन।।
- 23. क्वबोज़ दुर्योदनस सान रुत य्वदस मंज़ यछ़न वॉल्य। यिम राज़ आमृत्य बु वारु वुछहा।।

संजयन वोन

- 24-25. यि वुछिष्य संजेय दतराष्ट्रस वनान।
 कृष्णन थोव मंज़स पनुन रॅथ तीज़वान।।
 बीशमस, दोनस तु बाकी राज़व सान।
 बुधि किन थॉविष्य छु अर्ज़नस वनान।।
 ही पार्थ यिम य्वदस बापथ छि तयार।
 कोरव सेनायि रोज़ वारु पॉठ्य वुछान।।
- 26-27. द्वन सेनायन मंज़ वुछिष्य अर्ज़नन।
 कुन्य गेड पेतरन, प्वफुव्यन तु बायन।।
 बडु बुडि बबन, बुडिबबन बेयि ग्वर तु मामन।
 मेथरन, गोबरन, पोश्चरन तु हहेरन।।
 पनुन्यन बांदवन च्वापॉर्य वुछान वुछान।
 कुन्ती पोश्चर गव स्यठाह परेशान।।

अर्ज़न दीवन वौन

- 28-29. शूकस मंज़ गॅछ़िथ अर्ज़न कृष्णस वनान। ही कृष्ण य्वद ख्येत्रस मंज़ बांदवन वुछान।। ठंडु गोस होखुम ऑस थर शरीरस व्वथान। रच्चि रच्चि ज़ुव ज़न छुम में नेरान।।
- 30. अथु मंज़ दनुश ज़न छुम पथर प्यवान। त्वछ पानच्य छम दज़ान बासान।। थरु थरु दिलस तीच खडा छुसनु रोज़ान। करु क्या कोना छुख वथ में हावान।।
- 31. ही कीशव केरन बदलुय में बासान। मॉरिथ पनुन्य कत्यू गछि में कल्याण।।
- 32. ही कृष्णु छुम नु राज ताजुक में अबिलाश कांह। छम नु रत्य बूग बूगनच यछा में कांह।। ही गोविन्द यिथि राजुक क्या मतलब। म्यानि ज़िन्दु रोज़नु सुत्य कस मेलि गाश ।।
- 33. यिहिंदि टगु ॲस्य राज़ु बूग स्वख छि यछान। दन तु प्रानन हुंज़ि आशि रोस तिम य्वद छि यछान।।


- 34. ही मदसूदन सॉरी सत्ग्वर।
 पोथ्रर तु पितामह मरनस तयार।।
 माम तु पेतुर, हेहर बेिय हॅहर।
 ज़ुरय पुतुर्य ऑशनाव मरनस तयार।।
- 35. त्रेन लूकन हुंद राज मेल्यम मे योद। नतु साँरी तिमय मे मारन योद।। या दिनम राज ताज येमि ज्गतुक योद। तिम सारान छुम नु मारुन्य बोज़ स्येदि स्योद।।
- 36. किथु प्रसन्न मन रोज़ि कोरव बंदन मॉरिथ। बु पापन हकदार कथ छि वॉयिथ।।
- 37. मारुन्य कोरव बंद कवु च़ु युग्य में मानान। नाश पनुनिस वंशस कॅरिथ कुस सुखी रोज़ान।।
- 38-39. योद सॉन्य बांदव लूबस मंज़ फॅटिय। क्वल नाश गिछ़ मा छिनु ज़ॉनिय।। क्वल नाशि सुत्य पॉदु दूशस तिम गॉरज़ान। ॲस्य ति क्याज़ि लागव वन अनज़ान।।
- 40. क्वल नाश गछ़नु सुत्य क्वल दर्म गछ़ि गाँब। क्वलसुय मंज़ बड़न पाप बेयि ऑब।।


- 41. ही कृष्ण पापन मंज़ बोडिय नाव म्यॉन्य। क्वल च़े त्रुचि गछ़न गॉरन सुत्य।। तिम दूशित गॅछ़िय वरन:सुंकर ज़्यन। रात तय दोह बरन व्वपरन सुत्य।।
- 42. क्वल मर्यादा यिम लुख नाबूद करान।
 अन्यन्छा पोथुरन तिम ज़न्म दिवान।।
 प्यण्ड र्म्वदन नु दिथ नु श्राद तर्पण करान।
 तिम सुत्य प्यतर तिहुंद्य नर्कस गछान।।
- 43. वरन:सँकरव हुंद्यव यिमव दूशव ज़ान। क्वल नाश करनवाल्यन हुंदि क्वल दर्म सान।। सनातन ज़ॉच दर्म ति छुख नाशस गछान। ही ज़नार्दन क्वलुक च़ोंग छु यिथु पॉठ्य छ्यतु गछान।।
- 44. स्यठाहस समयस तिम नर्कस छि गछान। वुनिस तॉन्य ॲस्य यिय आयि बोज़ान।।
- 45. ओस शूकस मंज़ अर्ज़न दीव वनान।

 ऑस्य कवु पापस तयार ऑसिथ बोज़वान।।

 असि कूताह लूब राज स्वख बूगनुक।

 बांदव पनुन्य ॲस्य मारनस तयार।।





46. योद पोश्चर द्रतराष्ट्रन्य शस्त्रव सान। मुकाबल करन रोस में मारन।। बरकरार रोज़ि पतु कोरव खानदान। तिम सुत्य बासान गिछ में कल्याण।।

संजयन वोन

47. य्वदु ख्येत्रस मंज़ यि वॅनिथ अर्ज़ुन चलान।
पनुन तीर तु तीर-कमान लोब कुन थवान।।
वापस स्थस प्यठ आसन ग्रहन करान।
दिल मलूल तु गमुहोत स्यठाह बासान।।

भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ ग्वडनिच अद्या वॉच् अंद। यथ नाव छु "अर्ज़न दीवुन वॆशादु यूग।"

8008

दोयिम अद्या

संजयन वोन

अंश टॉर्य बॅरिथ गमुहोत च्यथ परेशान।
 अर्ज़न वुछिथ कृष्ण यिम शब्द वनान।।

कृष्णु भगवानन वोन

- 2: च्रे अर्ज़नु मनस मंज़ कव पॉदु गव अज्ञान। अख रछ़ ति छुनु च्रे हिविस यि शूबान।। मुह मायायि मंज़ वॅलिथ श्रेष्ट इन्सान। न प्रावान स्वर्ग न छु यश प्रावान।।
- न्येपुमसोख मु लाग अर्ज़न छुय नु च यि शूबान।
 कमज़ूरी दिलच त्राव योदस गछ तयार।।

अर्जन दीवन वोन

4. दुशमनन गालविन हा म्यानि कृष्णो। किथ बीशमस तु दोनस तीर सोज़ वनतो।। ही कृष्ण द्वनवय तिम छिय पूजिमान। केव मतलब बापथ गछ बे-ईमान।।

- 5. बॅड्य बॅड्य आत्मा दायुत यिम म्यॉन्य। तिमन मारन खोतु छुम बेछिथ ख्योन जान।। योद तिम संसारुक्य ऑश अशस्य यछान। पजनम मा मारुन्य छिम ग्वर मे आसान।। योद तिम बु मारख कोताह गछ्यम सॅनिथ। बासनम बूग सॉरी तिहिंदि खूनु सुत्य रॅन्गिथ।।
- 6. दुविदायि मंज़ छुस कथ करु आंकार। क्या गिछ जान तय क्या नाकार।। ॲस्य या तिम ज़ेनन तथ छुस बु अनज़ान। पनुन्य बन्द मॉरिथ छुसनु ज़िन्दु रोज़ुन यछान।।
- 7. मोनुम वसवॉस्य स्वबावु किन्य छुस बु कायर आसान। बु धर्मचि वित छुस स्यठाह अनजान।। पुशरुम पद्यन सोरुय बैिय पनुन कुन पान। ही ग्वरु वनतम गिछ् क्या में क्युत जान।।
- श्र थ्य धरती प्यठ राज ताज मेल्यम योद।
 या दीवन मंज़ मेल्यम में स्थान थोद।।
 न चल्यम गम युस रुमु रुमु छुम सनान।
 अथ द्वखस व्वपाय छुमनु केंह सारान।।

संजयन वोन

- 9. ही राज़, नेन्द्रर कोबू करनवॉल्य अर्ज़नन। दम ह्योतुन वॅनिथ छुस नु य्वदस तयार।।
- द्वन सेनायन मंज़ पनुन स्थ ठीकुराँविथ।
 वौनुस अंतरयाँमी कृष्णन बुथ असुनाँविथ।।

श्री भगवानन वोन

- 11. पॅज़्य किन्य यिम दाना मनुष्य आसान। न वदान ज़िन्दन नु म्वरदन वदान।। यिम नु तथ लायख तिमन चु पशतावान। दानायि क्वसु छुख चु वर्तावान।।
 - 12. कर नु ऑस्य च़ु तु बु कुस समय त्युथ ओस। यिम राज़ु तु बाकुय मनुश्य कर नु ऑस्य।। न समय यियि त्युथ युन गछुन गछि बन्द। आत्मा रोज़वुन तु पोशिवुन अंदवन्द।।
 - 13. विश्व पाँठ्य दीह ल्वकुचार, जवाँनी छावान। तिम पतु बुजर छुस पतु लारान।। तिथय पाँठ्य आत्मा दौयुम दीह दारान। गाटुल्य छि नु तथ पछतावान।।

- 14. ततुन तु तुरुन, द्वख तय बेिय स्वख। वेशयव तु येन्द्रियव सुत्य व्वतलान।। ही अर्ज़न यि यन्द्रेय वेशय छय पाँदु करान। छुनु टिकुवुन तु रोज़ुवुन रोज़ चालान।।
- 15. यिम द्वखस स्वखस मंज़ छिय सौम्य रोज़ान। यन्देय यिमन छ नु करान परेशान।। मनुशन मंज़ स्यठाह थॅद्य अर्ज़नु ज़ान। दीह त्याग कॅरिथ मूख्य दाम प्रावान।।
- 16. अपिज़स छुनु कांह खोर शान्द आसान। नोन टाकारु सथ हर विज़ि जान।। यिथु पाँठ्य युस मनुश्य पोज़ पॅज़रावान। अपिज़स छुनु पनुन द्वार खोलान।।
- 17. यस मंज़ संसार सोस्य बॅसिथ आसान। तस छुनु कांह नाश करनवोल जान।। पानु अविनॉशी सारिनुय रछनवोल। वुन्युकतान्य जाव नु कांह तस मारनवोल।।
- नु ज़ायय नु तब्दील न छिनु मीनिथ ह्यकान।
 आत्मा अमर, शरीर मैचि सुत्य रलान।।

अमिय अर्ज़नदीव कर य्वद छुसय वनान। कम्यू खेयिनय ब्वद कोना छुख चु मानान।।

- 19. आत्मा समजान युस मारनवोल। या युस जानान छुय मरनवोल।। पॅज्य किन्य आत्मा छुनु काँसि मारान। छुनु अथ कांह जामुत मारनवोल।।
- 20. कुनि कालस आत्मा नु ज़्यवान नु मरान। न हैयि ज़न्म न ह्योतमुत, न ज़ांह छु ह्यवान।। ज़न्मु रोस नेत्य सनातन, प्रोन तु रोज़वुन ज़ान। छुनु ज़ांह मरान योद दीह छु मरान।।
- युस नाशस नु गछुवुन आत्मा मानान।
 पतवत आसुवुन पोशुवुन मानान।
 नु तब्दील गछुवुन नु ज़ामुत मानान।
 सु काँसि किथु मारान तु मारुनावान।।
- 22. यिथु पाँठ्य मनुश्य पनुन्य पलव प्राँन्य त्रावान। नोवुय लॉगिथ लोल तथ बराना। तिथय पाँठ्य आत्मा शारीर प्रोन त्रावान। दोयमिस शारीरस दारन कराना।

- 23. आत्मा छिनु चॅटिय शस्त्र ह्यकान। नु छुस जॉलिथ ॲगनुय ह्यकान।। आत्माहस पोन्य छुनु अदरॉविथ ह्यकान। नय छुस वाव ह्वखुनॉविथ ह्यकान।।
- 24. नु ज़ॉलिथ नु चॅटिथ छिन आत्मा ह्यकान। नु अदरॉविथ नु ह्वखुनॉविथ ह्यकान।। न बदलवुन, शाश्वत तु रोज़वुन जान। सर्व व्यापक हमेशु फ्वलुवुन रोज़ान।।
- 25. आत्मा न वुछवुन, न सनुवुन, न बदलवन जान। कवु छुख नाहकय जाय शूकस दिवान।।
- 26. ही जेिछ निर वालि अर्ज़न यौद च़ सोंचान। आत्मा हमेिश ज़्यनुवोल छुहन मानान।। छुख आत्मा मरनवोल यौद च़ु मानान। यिथु पाँठ्य शूकस गछुन छुय नु शूबान।।
- 27. छु पज़र युस ज़्यवान बेशक सु मरान। मॅरिश्रय पॅज़्य किन्य छुय ज़न्म ह्यवान।। यथ नु कांह व्वपाय आसि, असि तॉन्य युस न आसान। तथ प्यठ शूकस गछुन मा छु शूबान।।

- 28. ज़्यनु ब्रोंठ नन्य कित ज़ुरियात आसान।

 मरनु पतु साँरी बैयि गाँब गछान।।

 समज़स नन्य दायि ॲछन तल असि यिवान।

 शूकस मंज़ गछुन छुनु शायान।।
- 29. आत्मा शानदार केंह छि मानान।
 छु ॲजीब आत्मा बैयिस कुन केंह वनान।।
 केंह बूज़िथ गछान छि स्यठाह हॉरान।
 केंह केंह छिनु बूज़िथ ति ज़ॉनिथ ह्यकान।।
- 30. मोर रोज़ि यत्य तय छुनु आत्मा मरुवुन। पिज़ मा शूक चे तेलि ज़िन्दुन करुन।।
- 31. ख्येत्रेय आसनु किन्य पनुन दर्म पिज़ च़े ज़ानुन। दोयिम श्रेष्ट सादन, दर्म य्वदु खोतु नु मानुन।। संकूच करुनच छेनु कांह मजबूरी। चु मु खोच कर्म बनिय कल्यानकॉरी।
- 32. तिम ख्येत्रेय बाग्यवान, यिम दर्म य्वद करान। स्वर्गक्य बर यल पानय गछान।।
- 33. योदवय इन्कार दर्म खदस छुख करान। पनुनि दर्मुक यश हॅरिथ च पापन ब्वडान।।

- 34. बेकदरी चानि हुंद स्यठाहस समयस ज़ान। पानुवॉन्य लुख रोज़न कथु करान।। यज़तदार मनुष्य सुंदि बापथ अपयश तु अपमान। सु मरनु खोतु सख स्यठाह छुय ज़ानान।।
- 35. यिम बॅड्य महारथी चोन नाव तु यश थ्यकान। त्रॉवुथ बय किन्य य्वद बूमी रोज़न सोंचान।। वनुनय बिय किन्य य्वद करुन छुनु मानान। वुछनय तिमय चृ अपयश प्रावान।।
- 36. श्रेष्ट्रर चॉन्य अपुज़ पॉज़ येलि चोन वनुनय।
 किथु बरदाश करख चे गंग खनुनय।।
 चोगुल्य चॉनि ह्यमॅच़ हुंज़ तिम करुनय।
 हुखुक्य तीर वनतम चे कुत्य सनुनय।।
- 37. मरख ख्वदस मंज़ स्वर्गस च़ वातख। बूगख राज तेलि ख्वद च़ येलि ज़ेनख।। योद अर्ज़न अम्युक स्कलप च़य करख। व्वथ थोद तु तिय कर यिनु नेरख।।
- 38. ज़ेनुन तु हारुन नफा तु न्वकसान।
 बैयि स्वख तु द्वख बराबर मान।।

तिम पतु गछ़ तयार च़ु य्वदस बापथ। यैमि किन्य पापन च़ु मारख लथ।।

- 39. वुन्युक तान्य द्युतमय चे आत्म जॉन्य हुंद ज्ञान। व्यन्य कर्म यूगुच करुनावथ बु ज़ान।। म्यानि बक्तु योद अमि ग्यानु च़ कर्म करख। कर्मु बन्दनव च़ु पानय म्वकलख।।
- 40. ब्योल कर्म युगुक छुनु गछान नेशफल। नु व्यपरीत मेलान अथ कांह फल।। बॅल्यिक कर्म यूगुच दर्मचि वित जल। म्वकलान बिय ज़्येन मरनुच गांगल।।
- 41. ग्वडु वेशवासुच कुन्य कीवल ज़ान।
 छु मनुश अथ यूगस मंज़ करान॥
 युस बोज़ चंचल, तु दड संकलपु रोस आसान।
 सकाम कर्मन मंज़ छॅकिरिथ रोज़ान॥
- 42-44. दड वेशवास कित छु तिमन आसान।
 हर दम खयॉली यिम आसान।।
 पनुने बजरुक्य ग्वन ग्यवुनावान।
 स्वख बूगनुचि वित पतु लारान।।

बुधि किन वीद थॅविथ कर्मफल कांछान।

यिम मनुश स्वर्गक्य स्वपन वुछान।।

तिम मनुशय वीद परन तु परनावान।

ऑशस तु स्वखस लालच करान।।

पनुन्य ज़्यव पोशिक्य पाँठ्य वर्तावान।

मरनस तु ज़्यनस हकदार बनान।।

साँरी बूग तय साँरी सादन ज़ान।

त्रन ग्वनन हुंद छि वीद वखनान।।

- 45. ही म्यॉनि टाठि अर्ज़न दय बूज़िनय।
 त्रेशवय तापव दय चे रॅछिनय।।
 नु रोज़ख मंगनस नु सनख द्वखस स्वखस।
 अंत:कर्ण चेय आज़ाद रूज़िनय।।
- 46. स्यद यस ब्रह्मनस गॉमुच् आत्मज़ान। वीद क्या किर तस कथ क्युत ज्ञान।। छ च्यथ येमि सुंज़ समन्दर बनेमुच। लिंग कथ तस ल्वकुट नॉगिन्य बकार।।
- 47. च़े कर्म छिय करुन्य बस छु चोन अदिकार।
 फल मंगनस छुय दय बेज़ार।।
 हीतू कर्मफलन हुंद मु पनुन पान बनाव।
 न कर्मकरनकुय मु आसार सगनाव।।

- 48. समयूगस कुन दननजय मन लगाव।
 कर्म यूगु किन्य पनुन्य फर्ज़ निबाव।।
 नफा न्वकसानस कर नज़र यकसान।
 तथ्य कुनि नज़िर छि सम यूग वनान।।
- 49. जादाद ज़ेनन वालि ही अर्ज़न ज़ान। बॅखती सुत्य बदकारव छि दूर रोज़ान। तिम बावु दयसुय चु शरन रोज़ गछान।। कर्मुफल यछन वॉलिस छि कृपन वनान।
- 50. बॅक्ति यूगु पाप प्वन्य येतिय त्रावान। या द्वशवय दुनिथ येरिलूक नेरान।। शरन बोज़-यूगस गछ बोज़ म्यानी दाय। कर्म बन्दनव म्वकलनुक छुय छोट व्वपाय।।
- 51. यिथु पॉठ्य अमि यूगु सुत्य रेश्य तु मुनि ज़ान।
 फल हाँकिले गन्डिथ छिनु रोज़ान।।
 ज्यनु मरनु द्वखु निशि छि म्वकुल्य रोज़ान।
 दयस निश वॉतिथ द्वखु रोस गथ प्रावान।।
- 52. आत्मा प्रज़नावख तु आसिय सु रुत काल।
 पानय मुहृक्य छ्यनुनय जन्जूरि तु ज़ाल।।
 येरिलूक तु परिलूकुक्य आसवुन्य बूग।
 नु यछ्ख बूगुन्य छुनख वॉराग माल।।

53. नाना प्रकॉरी बूज़िथ वीदुक ज्ञान। दुविदाय मंज़ नेर कर यूगु ज़ान॥ चॉन्य बॉज़ छ़ान्डिय कुन रछवुन भगवान। अमि यूगु किन्य प्रावख आत्म ज़ान॥

अर्जन दीवन वोन

54. कृष्णु बावस मंज़ युस थ्यर बोज़वान। समाजस मंज़ रूज़िथ तस कम लुख्यन आसान।। सु मनुशय आमस मंज़ कथ किथु करान। क्वसु बाशा तसुंज़ किथु बेहान, किथु पकान।।

श्रु भगवानन वोन

- 55. यथ कालस मंज़ कामनायि त्रावान। प्रानन दयस सुत्य रोज़ि जोडान।। आत्महस मंज़ पानु सन्तोष्ट रोज़ान। अर्ज़न छि तँस्य थ्यर बोद मानान।।
- 56. न क्रेशान न छुटु छुट द्वखस मंज़ छि करान। स्वखु सुत्यन युस न व्वटु छुय तुलान।। राग, क्रूद, बय ज़ाल यस छि चृटनय यिवान। छि तस सादस थ्यर बौज़वान वनान।।

- 57. युस कुनि अंदु गॅन्डिथ छुनु मायायि रोज़ान। नु श्वबस आनन्द तुलान न अश्वब नकारान।। तिमन मनुशन छु परम ग्यान आसान। अमि ग्यानु किन्य तिमन थ्यर ब्वद वनान।।
- 58. यिथु पॉठ्य अंग पनुन्य कछवु वॅट्य वॅट्य थवान।
 तिथु पॉठ्य वेशयन निश पनुन्य ह्यस सु दूर थवान।।
 न तम्बलान, न तरसान न छुय आनन्द तुलान।
 तसुंज़ ब्वद छि पॅज़्य किन्य थ्यर आसान।।
- 59. वेशय वुछिश्रय यस नु मन छु ब्रमान।

 मगर कल अमिचिय मनस रोज़ान।।

 तस दॉनीश्वरस छि कल दूर सपदान।

 येलि भगवान तस दर्शुन दिवान।।
- 60. कल अँदर्य मनस मंज़ येलि तस रोज़ान। चंचल येन्द्रेय तस ब्रोमरावान।। कूशिश येन्द्रेय कॅरिथ बडि बलु सान। बोज़वानस ति छि कब्ज़य करान।।
- 61. सारेय येन्द्रेय पनुन्य युस वशस मंज़ करान। शोमरिथ मन यिथु शरन द्यानस बिहान।।

पूरु पॉठ्य ह्यस पनुन्य युस वशस मंज़ करान। तस छिय थ्यर बोज़ुवान वनान।।

- 62. यस मनस वैशयन हुंज़ फिकिर रोज़ान। बूग तिम बूगनुच कल पाँदु करान।। किल सुत्य कामना पाँदु रोज़ान गछ़ान। कामनायि मंज़ विग्न छु क्रूद ज़ैवुरान।।
- 63. मूडुबावु क्रूद क्रूदियस पॉदु करान। यादाशतस छु ब्रम अमि सुत्य गछान।। यादाश ब्रम सुत्य ब्वद नाशस गछान। ब्वदि नाशि सुत्य मनुशय लूपस गछान।।
- 64. राग तय दुयि निश यिम म्वकलुय आसान। अंत:कर्ण पनुन्य वशस मंज़ करान।। सोरुय डींशिथ छिनु कॅह डेंशान। अंत:कर्ण छिख गाह प्रावान।।
- 65. अंतःकर्नन हृंदि सन्तोशि सृत्य ज़ान। सारिनुय द्वखन छुख नाश सपदान।। त्रेशवुय तापव पानु म्वकुल रोज़ान। लॉगिथ दयस कुन ब्वद थ्यर ब्वद बनान।।

- 66. यस मनु येन्द्रेय वशस छिनु आसान।
 तस वेशवास बोज़ छेनु,आसान।।
 बावु रोस अंत:कर्ण अशॉन्ती व्वपुदावान।
 अशान्त मनुश किथु स्वख प्रावान।।
- 67. यिथु पॉठ्य पॉनिस मंज़ चलवुन्य नाव। वाव तेज़ पानस सुत्य छुस निवान।। चंचल येन्द्रेयव मंज़ु मन यथ सुत्य लगान। स्वय अख छि मनुशस ब्वद हॅरिथ निवान।।
- 68. पूरु पॉठ्य येन्द्रेय वेशयन युस नु तम्बलान। सु मनुशय येन्द्रेयन छु कोबू करान।। ही बजि बॉज़ वालि टाठि अर्ज़नु ज़ान। बेशक तसुंज़ ब्वद छि थ्यर आसान।।
- 69. सारिनुय प्रॉनियन यथ नेहगटु बासान। दिय टॉठिस संगुरमालु फ्वलान।। संसॉर्य स्वखस मंज़ यस प्रकाश बासान। ध्यर बोज़वानस छु शाम बासान।।
- 70. यिथु तेज़ तु शान्त क्वलुनुय हुंद पोन्य जान। समन्दरस मंज़ गॅिछ्थ तॅथ्य सुत्य रलान।।

तिथुय पॉठ्य थ्यर ब्वज़ि यछािय छेनु मूहित करान। थ्यर बोज़वान हमेिश छु शान्त रोज़ान।। युस यछायन मंज़ न्यथ सन्तुष्टी प्रावान। सु मनुश छुनु ज़ांह शान्त रोज़ान।।

- 71. युस मनुश कामना, यक्ना बेिय अंहकार।
 रागु बेिय दुिय वरॉय करान व्यवहार।।
 येन्द्रेय तृिप्त बापथ सारेय यक्निय त्रावान।
 पॅज्य किन्य शॉन्ती सुय छु प्रावान।।
- 72. छि ब्रम बेयि दय ग्यानुच यि वथ आसान।
 प्रॉविथ यि वथ मनुश छुनु जांह ब्रमान।।
 अन्त समयस प्यठु युथ थ्यर बोज़वान।
 ब्रह्मानन्द छुय पज़िय प्रावान।।



भगवत गीतायि हृदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ दोयिम अद्या वॉच अंद। यथ नाव छु "साँख्य यूग।"

त्रेयिम अद्या

अर्जनन दीवन वोन

- कर्मव खोतु थोद योद चु ग्यान मानान।
 कवु मे गोर कर्मन कुन छुख निवान।।
- वोल दोल माने वॉल्य व्यपदीशन चॉन्य।
 सॉउय व्वद ब्रमुरॉव्य म्यॉन्य।।
 मेय प्यठ कंर कृपा सूंचिथ दितम ग्यान।
 यिमव मंज़ किम सुत्य गछ्यम कल्याण।।

श्रु कृष्णनन वोन

- उ. येरिलूकु, ब्रोंह म्यानि दॅस्य वौनमुत दुवौत ज़ान, वतु दुकुसुमु छि नेष्ठावान मानान।। साँख्य यूगी छि दिय ज्ञानु सुत्यन लब्बान। यूगी छि दय कर्म यूगु सुत्य लब्बान।।
- 4. युस मनुष्य कुनि कामि छुनु ग्वडु दस तुलान।
 सु नेशकर्म अवस्थायि कित छु वातान।।
 कर्म त्यागु सुत्यन छेनु युगुच कल गनान।
 ग्यानुच स्यदि छुनु मनुश्य प्रावान।।

- 5. प्रकृंच हृंद्यव ग्वनव सुत्यन ज़ान। बेशक मनुश्य छुनु चिहिस बेहान।। कुनि कालस मंज़ छुनु बिहिथ रोज़ान। कार करनस मजबूर सुय गछान।।
- 6. सारिनुय येन्द्रेयन वशस मंज़ युस छु करान। कल वेशयन हुंज़ ॲन्दरीय वेचारान॥ यस मूडस कांख्या छय सतावान। तस मूडस छि अपज़्योर वनान॥
- 7. योद पनि मनु सुत्य कर्म येन्द्रयन न्यष्ठावान। वशस मंज़ करुनच छु कूशिश करान।। न्यशकाम कर्म सु करान रोज़ान। सुय स्यठाह श्रेष्ठ छुय मानुनु यिवान।।
- 8. शास्त्रव अनुसार कर्म करुन्य फर्ज़ मान। न करनु खोतु छुय कर्म करुन्य जान।। पनुन्य द्यन गुज़ॉरी कर्म जॉरी रोज़ थवान। पालुन शारीर पनुन करुन्य पॉर्यज़ान।।
- 9. कर्म अर्ज़नु रोज़ दिय रूपु हवनस हुमान। येरिलूकु बंदुनन छुनु तैलि फसान।।

दय रंज़ुवुनु बापथ नत्य कर्म रोज़ करान। कांख्या फलच तेलि छनु रोज़ान।।

- 10. गवडु प्रजापथ ब्रह्माहन सृष्टी तु दीव पाँदु कॅर्य यॅग्य सान। वोनुनख हवनु सुत्य रूज़िव बजा गछान।। येमि यॅग्य सुत्यन यि येछिव ति रुज़िनव बनान। बूग साँरी रुज़िनव मुहयया गछान।
- 11. बावु सान हवन कॅरिय छि दीव ख्वश रोज़ान। तिम् तिम बदल छि लूकन प्रसन्न करान।। परस्पर बावु सुत्य अख ॲिकस छि लोल बरान। तिम सुत्य मनुश्य परमु कल्याण प्रावान।।
- 12. बावु सुत्य यँग्य किन्य दीवगन प्रसन्न सपदान।
 तिम सुत्य यछायि पूरु, लूकन तिम करान।।
 दयन द्युतमुत युस पानसुय योत ख्यवान।
 न दिवान दयस कुन केंह छु चूर आसान।।
- 13. दिय टॉठ्य सारिव्य पापव छि म्वकलान। तिम सॉरी यॅज्ञस हुमिथ छि बूज़न करान।। येन्द्रेय स्वखु बापथ यिम बूज़न बनावान। तिम पॅज्य किन्य पाफ पानस ख्यवान।।

- 14-15. अन्न सुत्य सृष्टी पोछर छु सपदान।
 रूदु सुत्यन अन्न छु पाँदु सपदान।।
 युस हवन करनु यियि नेशकाम बावु सान।
 सु हवन रूदस रोकु सोज़ान।।
 कर्मन हुंद हुजूम वीद मंज़ दामुत ज़ान।
 वीद दयस निश छि ज़ामुत्य आसान।।
 च्वापाँर्य वुछवुन तु आसुवुन दय ज़ान।
 हवनस मंज़ सु साख्यात्कार बिहान।।
 - 16: वीदु मंज़ दामुत्य यंग्य बॅ्क्र युस नु पालान। बेशक सु पापव बॅरिश्र द्यन गुज़ारान।। बूगान वेशयन तु तृप्त येन्द्रेयन करान। ही अर्ज़नु सु पॉपी बॅल्य छु ज़िंदु रोज़ान।।
 - 17. आत्माहस मंज़ युस मनुश्य आनन्द तुलान। प्रज़नोवमुत तम्य पनुन पान आसान।। आत्म प्रकाशि सोस संत्वष्ट रोज़ान। कर्तव्य कर्म छिनु तस गिलुवान।।
 - 18. स्यद प्वरुशस छुनु कांह ति कर्म गंडान। ज़रूरत कर्म करनुच या न करनुच छस प्यवान।। न छुस प्रयूज़न काँसि हुंदुय रोज़ान। छुनु शरण दयस रोस काँसी गछान।।

- 19. कामनायि रोस कर्म फर्ज़ ब्रॉन्च रोज़ करान। कामनायि रोस कर्मव परमब्रह्म छि प्रावान।।
- 20. ज़नक राज़ुन्य पाँठ्य कर्तव्य कर्म जान। बेलोस कर्म करिथ प्रावु परमु स्यदी मान।। हेयछु नावनु बापथ तिथु पाँठ्य लूकन। कर कर्म थव मिसाल तिय गिछु जान।।
- 21. थॅद्य प्वरुश संसॉर्य युथ व्यवहार करान। आम जनता छि बस तथ नकुल करान।। पनिन तुल त्रावि सुत्य यि केंह हेछनावान। आम जनता छि तस्य पतु पतु पकान।।
- 22. त्रेन लूकन मंज़ छुम नु कांह फर्ज़ जान। अर्ज़न नेत्य कर्म छुन कांह युस मे गंडान।। न छुम ज़रूरत केंह न छुम कुनिकुय अबाव। तोति नेत्य कर्मन छुस बरान चाव।।
- 23. ज़ॉनिथ नेत्य कर्म कुनि सातु करनु योद।
 न्वकसान गछि कायनॉच् सेदि स्योद।।
 येमि ज़गतुक वतुहावुक बु आसान।
 म्यानि विति प्यठ लुख सॉरी पकान।।

- 24. नैत्य कर्म करनु यौद लुख गछ़न नष्ट ब्रष्ट। बोर तेलि नखस में सोरुय तिहिंदि कष्टुक।। क्वबोज़ लूकन वर्णुसॉन्कर रोज़न ज़्यवान। बनु बुरबाँदी हुंद बु सादन यि मान।।
- 25. फलुच्य आशा ह्यथ यिथ पॉठ्य दर संसार। अग्यॉन्य छिय करान वीरुन्य कार।। तिथ्र पॉठ्य ग्यॉनी नेष्काम कर्म कॅरिथ। रुच्च वथ हावान लूकन शुबिदार।।
- 26. सकाम कर्म करनवोल गिछ न त्रॅहरावुन। बोज़वानस पिज़ सु वित लागुन।। बॅखती हुंद पाठ वारु वारु परुनावुन। कृष्ण बावु बॅखित अमर्यथ चावुन।।
- 27. प्रकृंच हृंद्यव ग्वनव सृत्यन जान। छुय अख मनुष्य साॅरी कर्म करान।। अहंकारस मंज़ फॅटिथ अख इन्सान। छुय पाॅन्य पानस कर्ता मानान।।
- ग्वनन तु कर्मन निश ध्यर बोज़वान।
 आत्मा ब्योन तु न्यरलीप मानान।।

येन्द्रेय वेशय यिकवट छि कर्म अंज़रान। बन्दनव कर्म पनुन पान म्वकलावान।।

- 29. प्रकृंच हृंद्य ग्वण कम बोज़ि ब्रोमुरान। संसार्य कारन मंज़ अग्याँन्य मस्त रोज़ान।। योद ग्यानु अबावु कर्म, कम बोज़वान करान। बोज़वानस तिहुंद सोंच छनु डालुन शायान।।
- 30. सॉरी कर्म रोज़ मेय पुशरावान। म्यानि पूरु ज्ञानु सुत्य बन ग्यानुवान।। कामना तु कर्ता सुंद ऐहसास त्रॉविथ। मान व्वन्य य्वद करुन आलुछ़ त्रॉविथ।।
- 31. हुकुम म्योन यि मॉनिथ यिम मनुष्य कर्म करान।
 दूशि नज़रव रोस बैयि श्रदायि सान।।
 म्यॉनिस व्वपदेशस छि हुकुम मानान।
 तिम कर्म फलु बंदनव म्वकुल्य छि रोज़ान।।
- 32. युस मनुश हांछ़ दूशिच मेय खारान।
 तवय म्यॉनिस मतस प्यठ छिनु तिम पकान।।
 स्यदी प्रावनस मंज़ सुय कम बोज़वान।
 बच्ट गॅछ़िथ पतु छुय नाशस गछ़ान।।

- अ3. सॉरी ज़ीव, ग्यॉनी बेिय व्यदवान। पनन्य पनन्य स्वबावय छि कर्म करान।। त्रिग्वनव सुत्यं पाद पनुन्य प्रकृंच् पतु पकान। हठ काँसि हुंद छुनु अति नखु वसान।।
- 34. प्रथ येन्द्रेय बेयि अमिक्यन वेशयन मंज़ ज़ान। छु द्वयुत बेयि राग खॅटिथ आसान।। पिज़ मनुशस द्वय तु बावु निश दूर रोज़ुन ज़ान। कल्याणु मार्गस यिम शेथुर वेग्न त्रावान।।
 - उठ. व्यवहारस मंज़ पर कर्म ग्वनव सान करन ख्वतु। ग्वनव रास नेत्य कर्म पनुन्य करुन्य जान।। बय दिनु वोल पर दर्म छुय आसान। स्वदर्मस मंज़ मरुन बहतर मानं

अर्ज़न दीवन वीन

36. मनु सुत्य न येछिथ कवु पापु कर्म करुन्य हावान। जन बलुसान पापन कुन कांह गिलविथ निवान।।

श्रु बगवानन वोन

37. रजोग्वन सुत्य काम छुय पॉदु सपदान। युस पतु क्रूष्ट रूप दारन करान।। व्यहय बोड पॉपी बूग बूगनस छुन अरु यिवान। येमि संसारय व्यहय बोड श्रेथुर मान।।

- 38. दुिह सुत्य ॲग्न खॅटिथ मल सुत्य ऑन रोज़ान। हल सुत्यन गर्भ वॅलिथ रोज़ान।। तिथ्य पॉठ्य अमि कामनायि सुत्यन ज़ान। मनुशस ज्ञान खॅटिथ छुय रोज़ान।।
 - 39. श्वद्ध च्यथ ग्यानुवान सुंज़ तिथु पॉठ्य ज़ान।
 काम रूप शेथर सुत्य खॅटिथ रोज़ान।।
 काम ॲग्नुक्य पॉठ्य छुस ज़ालुनावान।
 यिम चंजि छस नु ज़ांह शान्त सपदान।।
 - 40. येन्द्रेय मन बेयि ब्वद मनुशस ज़ान। कामच रोज़न जाय आसान।। काम त्रेशवुन्य हुदि मदुतु सुत्यन ज़ान। ज़ीवु सुंद ग्यान छुय हुरिथ निवान।।
 - 41. ही अर्ज़नु ग्वडु पनुन्य येन्द्रेय वशस कॅरिश।
 पापुक बोड निशानु काम छुनुन मॉरिश।।
 आत्मा तु ग्यानुक शेश्वर कामुक वजूद।
 पॉन्य पानय करुन नेस्त नाबूद।।

- 42. यथ दीहस खोतु ऑव्युल तु बलुवान। छय कर्मु येन्द्रेय माननु यिवान।। मन येन्द्रेयन थोद, ब्वद मनस थॅज़ ज़ान। आत्मा बोज़ खोतु थोद आसान।।
- 43. आत्मा ज़ॉव्युल तु बलुवान बॉज़ खोतु ज़ॉनिथ। ध्यानु यूगु सुत्य मन वशस मंज़ ॲनिथ।। दिय बावु बलु छुय अर्ज़नु व्वन्य व्वथुन। कामु रूपु कृपन शेथुर छुय चृ गालुन।।

भगवत गीतायि हृंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ त्रेयिम अद्या वॉच् अंद। यथ नाव छु "कर्मु यूग।"

क्र**ा**

चूरिम अद्या

श्रु भगवानन वोन

- नाशस नु गळ्वुन सिरियस द्युतुम ज्ञान।
 तम्य करनोव वैवस्वत 'मनु' जान।।
 मनुहन पांथरस राज़ इक्ष्वाकस।
 अमर यूगुक द्युतुन बूजि़थ ज्ञान।।
- पतुवय प्रोन तु थोद वरासँच मंज़ म्यूलमुत ज्ञान।
 गवर रूदय राज़ रेशिनुय दिवान।।
 अमि पतु स्यठाह काल गव यथ्य यूगस।
 गोमुत लूप पृथिवी लूकस मंज़।।
- उ. पुरातन ख्वगुक या दयस सुत्य रिशत चोन। द्युतमय ज्ञान चु छुख शश तु यार म्योन।। स्यठाह थोद तु वोतम आसुवुन छु यि ज्ञान। तिम ग्यानुक्य दिव्य राज़च ह्यकख कॅरिथ जान।।

अर्ज़न दीवन वोन

4. सिर्य सुंद ज़न्म छुय स्यठाह प्रानि खोतु प्रोन। छुय हाल हालुक यि ज़न्म चोन।। कल्पस मंज़ ब्रह्महन द्युत ज़न्म सिरियस। बु किथु मानु सिरियस द्युतुथ चृ युथ प्रोन ग्यान।।

श्रु कृष्णन वोन

- 5. दुशमनन गालुवृनि ही अर्ज़नु ज़ान। हेतिमुत्य स्यठाह ज़न्म असि वुन्युखतान्य।। हेतिमुत्य यिम ज़न्म में सॉरी छिम याद। चे हेतिमुत्य ज़न्म यिम रुदिय नु याद।।
 - 6. ज़न्मु रोस तु नाशि रोस योद छुस बु आसान। येमि बुतरॉच़ हुंद छुस बु भगवान।। पनुनिस स्वबावस वशस मंज़ छुस अनान। यूगु मायायि सुत्य छुस बु प्रॅखटान।।
 - 7. येलि येलि दर्म छुय लूपस गछान। अदर्म छुय च्वापाॅर्य फाँफुलान।। तिम विजि़ दर्मिक उत्थानु बापथ। छुस बु प्रज़ायि मंज़ प्रखुट सपदान।।
 - 8. सादन तु संतन उद्घार करनु बापथ। पॉपियन तख्त ताहराज छुस करान।। छुस कुन दर्मुक बेिय दिनु बापथ। ख्यु ख्या लूकन मंज़ प्रखटान।।
 - दिव्य ज़न्म म्योन बेिय दिव्य कर्म म्यॉन्य।
 ज़ानान यिम यि दिव्य प्रकृथ म्यॉन्य।।

छुनु मरनु पतु कांह सु ज़न्म हेवान। सु मनुश्य मॅरिथ मैय निश वातान।।

- 10. यिम मनुश राग, द्वयुत, भय तु क्रूध गॉलिथ। गॉमुत्य पथ कालि श्वद्ध मैय शरन यिथा। ग्यानुचि रेह सुत्य तिमव पान गोलमुत। म्योन दिव्य लोल सारिनुय तिमन सन्योमुत।।
- 11. येमि बावु सुत्य लुख छिय मे शरन यिवान। तिमय बावुक छुस बु तिमन फल दिवान।। साँरी मनुश छिय प्रथ कुनि रंगु जान। पतु पतु म्यॉनिस मतस प्यठ पकान।।
- 12. येमि संसॉर्य मनुश फल कर्मन हुंद कांछान।
 कामना कॅरिथ दीवन पूज़ान।।
 सकाम कर्म सुत्य बेशक येरिलूक ज़ान।
 मनुशन जल जल छु फल मेलान।।
- 13. ब्रहमन ख्येत्रे वैशय शुदुर वर्न चोर जान। बनॉविमुत्य ग्वनव कर्मव किन्य में आसान।। पाँदु सृष्टी करनवोल यौद छुस बु भगवान। न करनवोल चृकि में दयस चु मान।।

- 14. में असर कुनि कर्मुक छुम नु प्यवान। न कांख्या कर्म फलच छम में रोज़ान।। पज़र युस मनुश यिथु पॉठ्य म्योन ज़ानान। कर्म फलकिस पाशस छुनु वलनु यिवान।।
- 15. पथकालि सारिव्य म्वक्ती ज़नव म्यॉन्य। दिव्य प्रकारथ ज़ॉनिथ कॅर्य कर्म पनुन्य।। तिथय पॉठ्य ज़िठ्यन हुंद्यन नकिश कदमन वुछान। कर नकल फर्ज़ पनुन अन चु अंजाम।।
- 16. अकर्म क्या गव छि कर्म कथ वनान।
 अर्थुक दुच्योत छु ग्यॉनियन ति बासान।।
 बोज़ मय निश व्वन्य छि कर्म कथ वनान।
 जॉनिथ चृ गिछ्य पिज़य कल्यान।।
- 17. कर्मन हुंद ज़ॉविजार वुछुन कठ्युन स्यठाह आसान। छ त्रेयि कुस्मु कर्मन हुंज़ च़े करुन्य ज़ान।। ग्वडुन्युक छुय कर्म, अकर्म छुय दौयिम। विकर्म गव क्या ज़ानुन त्रेयिम।।
- 18. युस मनुश कर्मस मंज़ छु अर्कम वुछान। अकर्मस मंज़ छुय कर्म डेंशान।।

मनशन मंज़ दाना सुय आसान। कार सॉरिय करनवोल सु यूगी मान।।

- 19. कामनायि वरॉय बेयि तृप्त येन्द्रेयव सान। युस मनुश प्रथ कामि छु दर्स तुलान।। ग्यान रूपु रेह मंज़ छु कर्म बस्म करान। तस महा प्वरुशस छि पॅन्डित वनान।।
- 20. सारिनुय कर्मन मंज़ यछा फलुच त्रॉविथ। सु मनुश आज़ाद तु सनत्वष्ट रोज़ान।। मस्त सॉरिय कर्म करनस मंज़ सु रूज़िथ। सकाम कर्म छुनु कांह ति करान।।
- 21. बोज़ तु मन वशस मंज़ पूरु पॉठ्य छु करान। छुनु कर्म कॅरिथ ति कर्ता पानस वनान।। ज़ुव पालनु बापथ कर्म रोज़ान करान। पापु रूपु फलुक छुस नु कांह असर प्यवान।।
- 22. यि केंछा मीलिथ छु त्वष्टी प्रावान। रागु दुय अन्दुकारु रोस सुय आसान।। सेदी असेदी मंज़ सम रोज़ान। कर्म कॅरिथ बंदुनव म्वकुल रोज़ान।।

- 23. प्रकॅ्च हंद्यन ग्वनन युस छुनु तम्बलान। हरदम दुयि द्यानस मंज़ छु रोज़ान।। येग्य रूपु दयस कर्म रोज़ान छु हुमान। हुमिमित कर्म ब्रह्मस सुत्य मेलान।।
- 24. ब्रह्म रूपु ॲग्नस आहोच् तु सामान। कर्ता कर्म क्रया तस ब्रह्म छु बासान।। ब्रमु कर्मस मंज़ ब्रह्म ग्यॉनियस ज़ान। फल ह्यथ छु सोरुय ब्रह्म बासान।।
- 25. नाद दीवन बेयि प्रसन्न करनु बापथ ज़ान। केंह यूगी हवन छि ज़ाहिरी करान।। छि ॲन्दरी आत्माहस कंह यूगी ज़ान। दिय रूपु ॲग्नस आहोच् दिवान।।
- 26. कनव बूजिथ केंह यूगी ज़न ज़ान। संयम रूप ॲग्नस येन्द्रेय हुमान।। स्वर शब्द तु वेशयन केंह यूगी ज़ान। येन्द्रेय रूपु ॲग्नस रोज़ान हुमान।।
- 27. केंह यूगीज़न येन्द्रेयन हुंज़ क्रेयािय। वैयि सारय प्रानन हुंज़ क्रेयािय।।

पनुने ज्ञानु सुत्य तिम गाशरावान। आत्म संयम यूगु रूपु ॲग्नस हुमान।।

- 28. दिय रूपु ॲग्नस केंह पनुन्य सॉन्पथ हुमान। केंह सख्त तप तु केंह छि यूग हुमान।। शाकाहाँरी सख्त फाकव सुत्य ज़ान। वीदु ग्यानु रूपु रेह ग्यानस हुमान।।
- 29-30. केंह यूगीज़न समॉज़ मंज़ रोज़ान।
 शाहस पनुनिस रुकॉविथ थवान।।
 अपानस मंज़ प्रान प्रानस मंज़ अपान।
 रुकॉविथ यूगु अम्यास तिम छिय करान।।
 केंह यूगीज़न ख्यथ कम बूज़न।
 प्रानु रूपु हवनस प्रानुय हुमान।।
 येग्युक मानि ज़ानुनु किन्य छि हुमान रोज़ान।
 पापु कर्मव निश छि तिम मुछि रोज़ान।।
 येग्य ज़ानन वॉल्य सॉरी साधक ज़ान।
 येग्यव सुत्यन छि पाफ नाशस करान।।
 - 31. हवनुक्य फलु रूपु अमृत अनुबव करान।
 यिथ्य यूगी ज़न परम ब्रह्मस निश वातान।।
 छिनु संसाँर्य यँग्य न करनवाँल्य स्वख प्रावान।
 तिम परिलूकस किथु स्वख छ्रांडान।।

- 32. नाना प्रकॉर्य येग्य वीदव मंज़ द्रामुत्य ज़ान। ब्योन ब्योन कर्मव यिम पॉदु सपदान।। यिथु पॉठ्य मतलब अम्युक यिम छि ज़ानान। तिम छि कर्मु बन्दुनव निशि म्वकलान।।
- 33. दुशमनन गालुवृनि ही अर्ज़नु ज़ान। दनु येग्य खोतु छुय ज्ञानु येज्ञ जान।। साँरी कर्मु येग्य अन्तस प्यठ ज़ान। ब्रह्मा ग्यानस मंजु मीलिथ सपदान।।
- 34. नाना प्राकॉरी येग्यन हुंज़ पॉरिज़ान।
 ग्वरस निश गछ़ प्राव तस निशि ग्यान।।
 तसुंज़ि सीवायि सुत्य प्रावख च़ युथ ग्यान।
 तम्य स्वरूप स्यदन छु दर्शुन कौरमुत आसान।।
- 35. ग्यॉनी ग्वरस निशि मेलिय पज़रुक च् ग्यान।
 यिम सुत्य मुह चोन दूर रोज़िय सपदान।।
 ज़ीवन मंज़ दियसुंद अंश अमि ग्यान रोज़िख वुछान।
 या छि ज़ीव सॉरिय म्यॉन्य रोज़िख शेंकान।।
- 36. योद सारिव्य पॉिपयव खोतु बोड पॉपी चु. माननु यिवान। पापव निशा मुिछ छि ग्यानु सुत्य सपदान।।

दिव्य ग्यानु रूपी नावि तार छुय लगान। द्वखु सागरस अपोर तरनुच छि सामरथ रोज़ान।।

- 37. यिथु पॉठ्य ही अर्ज़न वुहवुन नार आसान। सारिनुय चुन्यन छु सूरु म्वठ बनावान।। तिथय पॉठ्य ग्यानु रूपु रेह प्रज़लवुन्य छि आसान। संसॉर्य कर्मन हंद्य फल छु जालान।।
- 38. अथ ग्यानस बराबर येमि संसॉर्य मान। छुनु श्वद करनवोल केंह ति आसान।। स्यठाह कॉल्य कर्मु यूगु सुत्य प्रॉविथ ग्यान। ग्यान, श्वद मनु वोल आत्महस मंज़ छु प्रावान।।
- 39. येन्द्रेय पर्निन शॉमिरिश्र युस मनुश छु थावान।
 साधना दिय सुंज़ श्रदािय सान युस करान।।
 अमि सुत्य मनुश पूर्न ग्यान छु प्रावान।
 ग्यानु सुत्य जल परम शॉन्ती लबान।।
- 40. श्रदायि रोस अग्यॉन्य यिम शक शास्त्रन करान। दिय लोल अमृत तिम छिनु प्रावान।। येरिलूक तु परिलूकुक च़य स्वख ज़ान। संशयि वोल ज़ीव छुनु ज़ांह प्रावान।।

- 41. कर्मु बंदनव रोस यिम बॅखुत्य यूग करान। दिय ग्यानु संशय छुख दूर सपदान।। कर्मु यूगु किन्य कर्म युस दयस पुशरान। ही अर्ज़नु कर्मु बन्दन छिनु तस गंडान।।
- 42. अग्यानु किन्य मनस यिम संशय चे आसान।
 ग्यानु रूपु शस्त्रु मुह ज़ाल रोज़ चृटान।।
 सम बाव कर्मु यूग व्वथ रोज़ व्वन्य करान।
 गछ व्वन्य कर व्वद कर्मु यूगु व्वद ज़ान।।

भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ च़ूरिम अद्याय वॉच् अंद। यथ नाव छु "ग्यानु कर्मु सन्यासु यूग"।

കാരു

पुंचिम अद्या

अर्जन दीवन वौन

दॅमी छुख कर्म सन्यासुच कथ्र करान।
 कर्मु यूगस दॅमी तॉरीफ करान।।
 युस यिमव द्वयव मंज़ मेय क्युत गिछ़ जान।
 वनुम सुय येमि सुत्य गिछ्यम कल्यान।।

श्रु भगवानन वोन

- कर्म यूग तु सन्यास द्वशवय यूग जान।
 हीतू परम कल्यानुक्य छि आसान।।
 सहल सादुनस मंज़ योद कर्म यूग आसान।
 कर्म सन्यासु खोतु थोद छु मानुनु यिवान।।
- उ. द्वय तु बावस युस छुनु मूहित गछान। तस कर्मु यूगियस छि सॅन्यॉस्य वनान।। द्वय तु बावु रूपु नेह गिट युस ह्यानु छुनु यिवान। येरिलूकु स्वख बूगिथ छु परिलूकस तरान।।
- 4. सांख्यस तु कर्म यूगस कम बोज़वान। ब्योन ब्योन फल दिनु वोल मानान।। युस द्वयव मंज़ अकुय यूग छुय सादान। द्वन यूगन हुंद फल छु प्रावान।।

- 5. ग्यानु यूगी छि परम दाम प्रावान।
 कर्म यूगी ति स्वय गथ प्रावान।।
 यिथु पाँठ्य युस कर्म तु सान्ख्य यूगस सम वुछान।
 फलु रूपु तिम छिय दय डेंशान।।
- 6. बॅक्ति रौस सॉरी कर्म फल त्याग करनु सुत्य ज़ान। ज़ांह सोखी कांह मनुश छुनु रोज़ान।। मस्त बॅखती मंज़ गाटुल इन्सान। जल जल परम आत्मा छु प्रावान।।
- 7. येन्द्रेय शोमिरिथ श्वद बावनायि सान। युस बॅक्ति बावय कर्म छु करान।। तस टाॅठ्य सॉरिय सॉरिनय सु टोठ आसान। कर्म करान बंदुनन मंज़ छुन फसान।।
- 8-9. दिव्य बावस मंज़ परिपूर्न मनुश ज़ान।
 छु वुछान, बोज़ान, स्पर्श करान।।
 मुशुक ह्यवान, ख्यवान, नच़ान तु फेरान।
 श्वंगान, शाह ह्यवान बेिय त्रावान।।
 बोलान, त्याग करान केंह या पानस निश थवान।
 ऑछ मुच़रावान या बंद करान।।
 चृिक येन्द्रिन पान येन्द्रेय तृप्त करान।
 पानस न करनवोल छु मानान।।

- 10. सॉरिय कर्म युस दयस पुशरावान। कामनािय जॉविथ छु कर्म करान।। पॉनिस मंज़ पम्पोश वॅथुर सु आसान। पापन मंज़ छुनु सु ज़ांह ति ब्वडान।।
- 11. येन्द्रेय मन बेयि बोज़ तु शरीरु सान। राग बोज़ रोस केंह कर्म यूगी आसान।। त्याग कामना केंरिथ कर्म छि करान। अंत:कर्णन हुंज़ि शोदी बापथ छि कर्म करान।।
- 12. सॉरी कर्म फल पुशिरिय थ्यर बोज़वान। ॲन्दिरिम शॉन्ती छुय प्रावान।। फलुच कल दिय बावनायि रोस युस थवान। कर्मु बन्दनव छु सु वलनु यिवान।।
- 13. प्रकृथ पनुन्य युस छुय वशस मंज़ करान। मनु किन्य कर्म सॉरी छु त्यागान।। कर्म नु कॅरिथ न सु करनॉविथ। नव द्वार नगरस मंज़ स्वखु सान बिहान।।
- 14. स्वॉमी शरीर रूपु नॅगरुक छु आत्मा आसान। न कर्म करान पानु न करुनावान।। न फल कर्मन हुंद छुय द्यावनावान। प्रकृंच हुंद स्वबाव करनावान।।

- 15. न काँसि हुंद्य पाप बेयि न काँसि हुंद्य प्वन्य ज़ान। छु पानस निश परमात्मा थवान।। अग्यानु किन्य ज़ीव मूहित छि गछ़ान। युस असुल ग्यानस छु परगॅल्य करान।।
- 16. योद कांह ग्यानु सुत्य उच्च व्वद प्रावान। येमि सुत्य अग्यान छुस नाशस गछान।। यिथु पाँठ्य दोहस मंज़ सिरियि गाशरावान। तिथु पाँठ्य तीज़ ग्यानुक छु चमकावान।।
- 17. यस ज़ीवु सुंज़ ब्वद बेयि मन श्रदायि सान।
 भगवानस मंज़ थ्यर छि रोज़ान।।
 छु शरन गॅछ़िथुय युस ग्यान प्रावान।
 पापव म्वकलिथ परम गथ सु प्रावान।।
- 18. वेद्या विनय पूरु मनुश सम बावय वुछान। गाँव, ब्रहमनस, हूनिस, हॅसिस, चंडालस सान।।
- 19. यिम एकाग्र मन सुत्य समबावु रोज़ान।
 छि ज़्यनु मरनु बंदुनव ग्वडन्य म्वकलान।।
 ब्रह्मस बराबर तिम न्यरदूश आसान।
 छि ब्रह्मस मंज़ हमेशि तिम रोज़ान।।

- 20. टोठ प्रॉविथ खोशी यिम छिनु प्रावान।
 अटोठ प्रॉविथ छिनु यिम रिवान।।
 मुह रोस यस थ्यर ब्वद छे आसान।
 गवडु प्यठु तिम ब्रह्मस मंज़ थ्यर आसान।।
 - 21. युथ म्वखतुज़न येन्द्रेय स्वखस छुनु तम्बुलान। आनन्द समॉज़ मंज़ सु छु प्रावान।। कोबू कॅरिथ मन दयस शरन रोज़ान। विज़ि विज़ि स्यठाह स्वख सुय प्रावान।।
 - 22. येन्द्रेय तु वेशय छि हीत द्वखुकक्य आसान।
 द्वखु कारनन छुन सनान बोज़वान।। ,
 अर्ज़न यिमन बूगन ग्वड तु अंद छु आसान।
 स्वखु रूप ग्वड मूडस छि बासान।।
 - 23. दीह त्याग करनु ब्रोंठ येन्द्रेय द्वख सहन करान। यछा तु क्रूढु सुत्य पॉटु द्वख रुकावान।। द्वख बरदाश करनुक सामर्थ युस थवान। सु साधक येमि संसॉर्य सौखी रोज़ान।।
 - 24. आत्महस मंज़ स्वख तु आराम अनुबव करान। ॲन्दरिम प्रकाश तस प्रज़लावान।। छु ब्रह्मस निश कीवल सु यूगी वातान। तिम पतु थॅज़ गथ सु छु प्रावान।।

- 25. संशय सुत्य पाँदु दुय तु राग दूर आसान। दिय ध्यानस मंज़ मसरूर आसान।। ख्यनु ख्यनु परोपकार छु करान रोज़ान। सुय र्योश छु शान्त ब्रह्मस निश वातान।।
- 26. युस क्रूढ़ रोस तु येन्द्रेय यछायव रोस आसान। सुय स्यद प्वरुश मन वशस मंज़ थवान।। युस दय लबुनुक यतुन करान रोज़ान। बेशक बुथि तिमन म्वखती छि मेलान।।
- 27-28. येन्द्रेय वेशय सोरय छु शोमुरावान।
 नज़र द्वन बुमन मंज़ टिकुनावान।।
 नकुवार्यन मंज़ प्रान अपानुक हवा रॅटिथ थवान।
 यिथु पॉठ्य मनु येन्द्रेय तु ब्वद सु कोबू करान।।
 छु यस मतलब मूक्ष दामुक आसान।
 सु बय क्रूद बेिय यछायि रोस छु आसान।।
 युस हमेशि अथ हिसाबस मंज़ रोज़ान।
 बन्दुनव निश बेशक मुिछ छु रोज़ान।।
- 29. परम येज्ञन, तपन हुंद मूलादार बुय। दीवन तु बुतरॉच हुंद छुस दीव बुय।। टोठ सारिनुय बूतु प्रानियन हुंद बुय।

बेगर्ज़ दयालू तु ह्यतुकॉरी बुय।। विथु पॉठ्य युस मनुश छु त्वथ म्योन ज़ानान। संसॉर्य द्वखव निश सु म्वकुल छु रोज़ान।।

•

भगवत गीतायि हृंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ पुंचिम अद्या वॉच अंद। यथ नाव छु "कर्म सन्यासु यूग"।

മാരു

शियम अद्या

- फर्ज़ुक कर्म कॅरिथ फलुच नु आशा थवान।
 सु सॅन्यॉस्य तु त्यॉगी पिज़य आसान।।
 कर्म न करन वॉलिस तु ह्वन न करन वॉलिस।
 न छि यूगी न सन्यॉसी वनान।।
- ही अर्ज़नु! चृिक सन्यासुय छु यूग आसान। परम ब्रह्मस मेलनुक छु सादन बनान।। येन्द्रेय तृप्ती बापथ यछािय छु त्याग करान। तिम रोस छुनु कांह ति यूगी बनान।।
- युस नोव सादक यूग सादुन यछान।
 नेष्काम कर्म करुन्य छु सादन बनान।।
 स्यद पुरूशस बापथ येमि संसॉर्य जान।
 संकल्पु त्याग यूगु सादन बनान।।
- 4. येलि नु काँसि येन्द्रेय बूगुच यछा रोज़ान। न येन्द्रेय तृप्ती बापथ छु कर्म करान।। न छि सकाम कर्मन कुन प्रवृत गछान। सु ज़ान यूगस मंज़ छु थ्यर बोज़वान।।

- गिछ् थोद पनुन पान पानु तुलुनावुन। पनुन पान गिछ् न जांह लिछ् त्रावुन।। मनुशस मेथुर पनुन छुय पननुय पान। बेशक शेथुर ति तस छु पननुय पान।।
- 6. मन तु शरीरु ज़्यूनमुत येम्य येन्द्रेयव सान। छुय तस पनुन मेथुर तेलि पनुन पान।। छुनु मन तु शरीर ज़्यूनमुत येम्य येन्द्रेयव सान। पानय पनुन शेथुर सुय छु आसान।।
- येम्य पनुन मन ज़्यूनमुत छु आसान।
 ग्वडनी तॅमी दय लोबमुत छु आसान।।
 सर्दी गर्मी मान बेचि अपमान।
 स्वखस द्रखस सोम तय शान्त रोज़ान।।
- 8. येम्य पान प्रज़िनोव छि तस यूगी वनान। ग्यान तु दिय अनुबवु सु त्वष्ट आसान।। येन्द्रेय ज़ीनिथ मेच कॅन्य त स्वन सम मानान। तॅम्य यूगियन छु दय वुछमुत आसान।।
- 9. मेथरन तु शेथरन बेिय ह्यतुकॉरियन। द्वनवुन्य तरफन रुत यछनवाल्यन।। यिम खरुवुन्य बेिय मॅन्जिमयार्यन। बदकार, पॉपियन तु प्वन्यवानन।।

सारिनुय नज़र करान कुन्य बेिय यकसान। सुय थिद खोतु थोद छु मानुनु यिवान।।

- 10. आत्मा, शारीर मन पिज़ दयस कुन लगावुन। ईकान्तस मंज़ मन कोबू करुन।। साॅरी पनुन्य तमाह बेिय पनुन्य अरमान। दयस पुशिरिथ म्वकुल रोज़ुन जान।।
- 11. गिछ् श्रोचि मैचि प्यठ ग्वड दरिब गासु त्रावुन। हिरन मुस्ल पतु पलव वाहरावुन।। न ज्यादु थोद न ज्याद ब्वन आसन बनावुन। शूबिदार तु टिकुवुन गिछ् आसुन।।
- 12. येन्द्रयन हुंज़ क्रियायि कोबू कॅरिश्रय।
 कोबूहस मंज़ पनुन मन ॲनिश्रय।।
 ध्यर अंतःकर्नन हुंज़ शोदी बापथ रोज़ुन।
 आसनस बिहिथ यूगु अभ्यास करुन।।
- 13. पनुन दीह, कल होट सीदस मंज़ थॅविथ। नज़र सेदि स्योद निस्त कुन टिकॉविथ।।
- 14. बे बय, ब्रह्मचॉरी व्रतस मंज़ बिहिथ। कोबू मन मैय कुन लगॉविथ।।

शान्त अंतःकर्ण वोल यूगी रहिरास। मेय शरन यिथ करि यूगु अभ्यास।।

- 15. यिथु पॉठ्य शरीर तु मन बैयि कर्मव सान। युस आत्मा पनुन में कुन लगावान।। येमि संसॉर्य येलि पनुन दीह त्रावान। मूक्ष दामुचिय गथ, सु छु प्रावान।।
- 16. स्यद युथ यूग न कम न ज़्यादु ख्यनु वॉलिस गछान। न कम न ज़्यादु श्वंगन वॉलिस स्यद सपदान।।
- 17. युस ख्यनस आरामस बेिय कर्मस मंज़। श्वंगनस तु ज़ागृत अवस्थायि मंज़।। आदतन नियम अमिक्य पालन रोज़ान। तस यूगु अभ्यासु द्वखन नाश सपदान।।
- 18. यूगु अब्यास मन तु येन्द्रेय वशस येलि करान। सु तेलि द्यान में दिय सुंद ख्यनु ख्यनु करान।। संसार्य बूगुचि यछािय छस नु केंह रोजान। आत्म जॉन्य यूगस मंज़ थ्यर सु रोजान।।
- 19. विश्व पॉठ्य हवा रोस जायि छु, चोंग द्जुवुन रोज़ान। छुनु छ्यतु गछान या हिलान डुलान।।

तिथय पॉठ्य दिय द्यानस मंज़ यूगीयस ज़ान। छुनु मन ओर योर ज़ांह ति डलान।।

- 20. युस दिय द्यानु सुत्य पूरु मन कोबू करान। समॉज़ मंज़ सेदी प्रावनुचि वित पकान।। पानय समॉज़ मंज़ आत्मा पनुन छु वुछान। पॉन्य पानस मंज़ आनन्द तुलान।।
- 21. यि आनन्द छु दिव्य येन्द्रेय तु बॉिज़ प्रावान। दिव्य स्वख स्यठाह छुस गाशरावान।। सु मनुश समॉज़ मंज़ दिय अनुबव करान। वुळिथ पज़र छुनु पतु पथ फेरान।।
- 22. अथ स्वखस बराबर छुस नु केंह बासान। फॉयदु कांह अिम खोतु कुनि छुनु लबान।। सॉरी मुशिकल छिस आसान बासान। बोड बारु द्वख ति छुसनु व्यसरावान।।
- 23. मनुशस दड वेशवास बेिय श्रदायि सान।
 पज़्यस यूग सादुन श्वदि मनु सान।।
 द्वख रूप संसारस मंज़ येमि किन्य ब्योन रोज़ान।
 पज़्यस वथ स्व ज़ानुन्य सथ यूग छि वनान।।

- 24. मनु य्रायव पाँदु कामना त्याग छिस करुन्य। मनु सुत्य वारु पाँठ्य पज़नस येन्द्रेय रूकावुन्य।।
- 25. दड वेश्वासु बॉिज़ सुत्य वारु वारय। समॉज़ मंज़ टिकिथ रोज़नुक करुन चारय।।
- 26. ॲिकस जािंच नु टिकनवोल चंचल मन ज़ान। येति कुनि खयालन मंज़ आसि फेरान।। खखरि मनुशस पिज़ तित फीरिंथ अनुन। तिम पतु वशस मंज़ गिंछ थावुन।।
- 27. यस यूगियस मन में कुन टिकिथ आसान। सेदी सु दिव्य स्वखक्य छुय प्रावान।। रज़ोग्वनु निश दूर दयस सुत्य पॉर्यज़ांन लबान। परुज़न्मुक्यव पापुकर्मव छु म्वकलान।।
- 28. युस ज़ीव यिथ्य पॉठ्य यूगु अभ्यास छु करान। संसॉर्य वॆशयन निशि छु म्वखती लबान।। यूगस मंज़ परम स्वख अनुबव करान। दिय लोलस फकत नालमुत्य करान।।
- 29. सारिनुय ज़ीवन मंज़ आत्मा रूपु मेय वुछान। सम व्यवहार सारिनुय सुत्य करान।।

- मे दयस मंज़ सारिनय ज़ीवन वुछान। सु यूगी सोरुय, परमीश्वर छु मानान।।
- 30. युस में सॉरिसुय मंज़ मेय मंज़ सोरुय वुछान। न सुय ज़ांह दूर में निश न दूर तॅमिस बु रोज़ान।।
- 31. आत्मा रूप सारिन्य ज़ीवन मंज़ बु रोज़ान।
 द्वयुत गॉलिथ छुय मेय पूज़ान।।
 व्यवहारस मंज़ तस ब्रोंठु किन बु बासान।
 सुय यूगी मेय मंज़ छु रोज़ान।।
- 32. युस छु सारिनुय ज़ीवन पनुन्य हिश नज़र करान।
 स्वख द्वख तिहुंद्य छुय पनुन्य मानान।।
 सारिनुय प्रथ रंगु समु बावय वुछान।
 स्यठाह थोद सु यूगी छु मानुनय यिवान।।

अर्ज़न दीवन वोन

33. युस ही मदसूधन समबावुक ज्ञान। छोट्य पाँठ्य द्युतथम बु आस बोज़ान।। द्वर्लब व्यवहारस मंज़ अनुन बासान। चृन्यचल मनु किन्य छुम नु टिकुवुन में बासान।। 34. छु मन चन्यचल हठी तूफॉनी तु बलवान।
रुकावन हवुहा खोतु कठ्युन में बासान।।

श्रु कृष्णन वोन

- 35. बेशक मन वशस करुन कठ्युन आसान। अब्यास तु त्यागु सुत्य छु कोबू गछान।।
- 36. यस मन कोबू छुनु गोमुत आसान। आत्म ज़ान तॅमिस करुन्य कठ्युन आसान।। मन वशस मंज़ कॅरिथ अब्यास तु त्यागु सुत्य ज़ान। व्यवहारस मंज़ सेदी सु प्रावान।।

अर्जन दीवन वोन

- 37. चृन्यचृल मनु वोल यूगी श्रद्धावान।
 आत्म जॉन्य हुंज़ि वित प्यठ ग्वडु पकान।।
 संसॉर्य वेशय छिस पतु तम्बलावान।
 नु यूग सेदी लॅबिथ छु क्वसु जाय प्रावान।।
- 38. सु भगवान लबुनुचि वित मंज़ अनज़ान।
 मुह मायायि मंज़ वलुनय यिवान।।
 छॅकरनु ओबरु लंगिक्य पॉठ्य मा यिवान।
 ही कृष्णु सहायि रोस मा वित छु डलान।।

39. ही कृष्ण यि संशय छुम करान परेशान।
पूरु पॉठ्य दूर करनुच छुस व्यनथ करान।।
चेय हियुव दोयिम छुम नु कांह में तियुथ बासान।
संशय दूर किर कांह नु युग्य में बासान।।

श्रु कृष्णन वोन

- 40. दय प्राविनुचि वित कर्म यूग सुत्यन ज़ान।
 त्रुत्य कर्म करन वॉलिस छेनु द्वर्गथ ज़ांह गछान।।
 न येरिलूकस न परिलूकस मंज़ ज़ान।
 कुनि अंदु नाश तस छुनु सपदान।।
- 41. यूगु ब्रष्ट यूगी मॅरिश्य प्विन लूक प्रावान।
 स्यठाह काल तित सुय छु गुज़रावान।।
 तिम पतु यि यूगी छु बेयि ज़न्म ह्यवान।
 दनुवान या प्विनवान क्वलन मंज़ फीरिश्य यिवान।।
- 42. नतु विद्वान या बोज़वान क्वलन मंज़ तिम ज़न्म ह्यवान। द्वर्लब येमि संसॉर्य युथ ज़न्म छु आसान।।
- 43. प्रॉवमुच प्रानि शारीरच बोज़ि सुत्यन यूग करान। अर्ज़न सु ब्रहमि खोतु ज़्यादु सेदी कुन लमान।।
- 44. परूज़न्मुक्य दैवी ख्यालव यूगु ब्रष्ट ज़ान। न येछिथ छु तोति दियसुय कुन लमान।।

युथ उत्सुक यूगी तिम खोतु थज़र छु प्रावान। शास्त्र शब्द येमिच छि पारय दिवान।।

- 45. सारिव्य पापव म्वकलॉविथ पनुन पान। अब्यासुच कूशिश करान रोज़ान।। स्यठाहव ज़न्मुक्य संस्कार बलु सान। जल जल थॅज़ गथ सु छु प्रावान।।
- 46. थोद तपीशरन हुंदि खोतु यूगी आसान।
 ग्यॉनियन हुंदि खोतु थोद माननु यिवान।।
 सकाम कर्म करनवॉलिस खोतु ति थोद छु आसान।
 बन यूगी ही अर्ज़न तवय छुसय वनान।।

•

भगवत गीतायि हृंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ शेयिम अद्या वॉच़ अंद। यथ नाव छु "आत्मु संयम् यूग"।

सॅतिम अद्या

- मन पनुन मेय कुन लगावख किथ्र लोल सान।
 यूग अब्यास सुत्य रटख म्योन दामान।।
 किथ्र सशांयि रोस आत्मा रूप मे जानख।
 ब वनय अर्ज़न दीव च रोज़ बोज़ान।।
- पूरु पाँठ्य बु वनय व्यवहार तु दिव्य ग्यान।
 ज़ानुन लायख यि ज़ाँनिथ पर छुय नु कांह ग्यान।।
- सासु बद्यन मंज़ कांह अखा सेदी कुन लमान।
 खालुय कांह तिमव मंज़ु मेय जानान।।
- 4-5. आकाश, ज़मीन, पोन्य, हवा बेिय अग्नु सान। अहंकार, मन, ब्वद, म्यॉन्य ऑठु प्रकृंच आसान।। म्यॉन्य बॅड दोियम शख्ती छि आत्म ज़ान। येमि सुत्य कॉियम यि ज़गत छु आसान।।
- शुर्य बानु ज़ीवन हुंज़ यिम प्रकृंच ज़ान।
 बु ज़न्म छुस दिवान बेयि संहार करान।।

- 7. पनस मंज़ म्वखतु यिथु गॅडिथ रोज़ान। दारमदारु सारि ज़गतुक तिथु मे प्यठ आसान।। छुस ज़गतुक आश्रय पानय बु आसान। ही दन्नजय! म्यानि खोतु थोद पज़र छुनु केंह ज़ान।।
 - 8. रस पॉनिस गाश ज़ूनि सिर्युक बु आसान। सारिनुय वीदन मंज़ ओंकार बु आसान।। छुस आकाशस मंज़ शब्द बु आसान। इन्सानन मंज़ इन्सानियत मै ज़ान।।
 - मुशक श्रोचि मैचि हुंद बैिय रेह अग्नच बुय।
 तप तपीशरन हुंद, ज़ीवुत ज़ीवन हुंद बुय।।
 - 10. ब्योल सारिनुय ज़ीवन हुंद अर्ज़न बुय। तीज़ वीरन हुंद स्व बॉज़न हुंज़ ब्वद बुय।।
 - 11. छुस यछायि तु कामनायि रौस आसुवुन बुय।
 छुस बलवीरन हुंद बल ज़ान बुय।।
 युस काम दर्मस खलाफ छुनु आसान।
 मनुशन मंज़ सुय काम छुस बुय।।
 - सतोग्वन सुत्य पाँदु विम बाव सपदान।
 रज़ोग्वन बेयि तमोग्वन पाँदु बावु सान।।

पॉदु सॉरी तिम बाव म्यानि सुत्यन ज़ान। पज़ि छुस तिमन सुत्य तिम नु में सुत्य रोज़ान।।

- 13. सत रज़ो तमो ग्वनन हुंदि बावु सुत्य ज़ान।
 छि संसॉर्य ज़ीव मूहित सपदान।।
 नाशस न गछ़वुन यिमव ग्वनव रॅसिति सुंज़ ज़ान।
 सनातन दिय सुंज़ छखनु पॉर्यज़ान आसान।।
- 14. त्रनग्वनन हुंज़ म्यॉन्य दिव्य शक्ति माया ज़ान। नेरुन माया ज़ालु मंज़ु कठ्युन छु आसान।। यिम ज़ीव शारनागथ में निश यिवान। संसॉर्य सॅदरस तिम अपोर तरान।।
- 15. मनुशन मंज़ बॅसिथ मूर्ख स्यठाह तिम आसान।
 मायायि यिमन चूरि न्यूमुत ग्यान।।
 असरन हुंज़ नासतिक प्रक्रथ जान।
 शरन तिम द्वष्ट मेय निश छिनु यिवान।।
- 16. संसॉर्य स्वखव दादि गुन्नु कामि करनवॉल्य ज़ीव। ऑगुत्य ज़िग्यासु तु ग्यॉनी ज़ीव।। यिम चोरि कुसमुक्य मे मानन वॉल्य ज़ीव। छिय बॅक्ति बावु सान तिम मेय पूज़ान।।

- 17. विमव मंज़ युस परम ग्यॉनी छु आसान। सु श्वद बॅखती मंज़ मस छु रोज़ान।। स्यठाह थोद तु व्वतेम सु ग्यॉनी मानुनु यिवान। तस छुस बु टोठ सु मेय टोठ आसान।।
- 18. बेशक तिमन सारिनुय वसी दिल छु आसान। तस ग्यॉनियस छुस पानस ह्युव बु मानान।। येमिसुंद मन मे सुत्य मीलिथ छु आसान। मकसद येमिसुंद परमात्मा छु आसान।।
- 19. स्यठाहव ज़न्मव पतु येथ्य ज़न्मस ज़ान। सायस म्यॉनिस तल छि दाना यिवान।। सोरुय छि परमात्मा तिम मानान। स्यठाह कम आत्मा छि तिम आसान।।
- 20. कामनायि सुत्य वेशय हृद्य बूग बूगान। स्यठाह कमज़ोर युहुंद ग्यान छु प्यवान।। नाना प्रकॉर्य पनुने स्वबावुक्य नेयम पालान। दीवी तु दीवता छि तिम पूज़ान।।
- 21. युस युस सकाम बक्त यस यस दीवस श्रदायि सान।
 पूजा तु त्वता छु करुन यछान।।
 तस तस बॅखुत्य सुंज़ श्रदा ध्यर बनावान।
 तस तस दीवस कुन ब्वद छुसख लगावान।।

- 22. तिम श्रदायि सुत्य सु तस दीवस पूज़ान। छु पनुन्य यछा सुय पूरु करान।। पॅज्यिकन्य सु म्यानि हुकुमय छु बूग बूगान। यछायि बूग तस दीवस निश छु प्रावान।।
- 23. युथ फल नाशस छु कम बोज़न गछान। पूज़ दीवन करन वॉल्य दीवस निश वातान।। यिम सॉरी बॅखुत्य छि म्यॉन्य पूज़ा करान। ऑखरस म्योन परमुदाम छि प्रावान।।
- 24. बौज़हीन मनुश छिनु म्यानि गॅच् ज़ानान। मनिश सुंद ज़न्म ह्यथ में दयस मानान।। पनिन कम ग्यानु किन्य तिम छि व्यचारान। ग्वडु ओसुस न्यराकार पतु मनुश शूबिदार।।
- 25. यूगु मायायि सुत्य बु खॅटिश्व रोज़ान।
 छुस नु बुय सारिनुय पान हावान।।
 तिमय अग्यॉन्य अविनॉशी दयस मानान।
 में ज़्यनु मरनवोल अख मनुश छि ज़ानान।।
- 26. दय आसनु किन्य पथकालि यिय सपद्योव। अज़ यि सपदान बुिष्य यिय सपदिय।। सारिनय ज़ीवन हुंद बु सोरुय ज़ानान। तिम ज़ीव केंह छिनु मैय ज़ानान।।

- 27. ही अर्ज़न येमि संसारुक्य सॉरी ज़ीव ज़ान। यछा तु दुय पॉदु मुह ज़ालस फसान।।
- 28. परू ज़न्मस बेिय येिम ज़न्मय ज़ान। येिमय प्वन्य कर्म कॅिरमुत्य छि आसान।। तस पापु कर्मन पूरु पॉठ्य ख्यय गोमुत आसान। सु छु मुह गिट वरॉय मे त्वता करान।।
- 29. युस बुजरु तु मरनु निशि छु बचुन यछान।
 तिम सोंबोज़ सायस म्यॉनिस यिवान।।
 पूरु पॉठ्य दिव्य कर्मन यिम छि ज़ानान।
 पंज्य किन्य छिय तिमय ब्रह्म आसान।।
- 30. युस पूरु पॉठ्य थ्यर रूज़िथ में ज़ानान।
 स्वामी ज़ातुक, दीवन तु यॅग्यन हुंद में मानान।।
 तिम दीह त्यागु विज़ि में भगवानस मानान।
 ज़ॉनिथ बेंिय छिय समिजिथ ह्यकान।।

भगवत गीतायि हृंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ सॅतिम अद्या वॉच अंद। यथ नाव छु "ग्यानु विग्यानु यूग"।

अठिम अद्या

अर्जन दीवन वोन

- ब्रह्म, आत्मा, दीव, संसार कथ वनान।
 बेयि सकाम कर्मन हुंद में दितु ग्यान।।
- ही कृष्ण कुस यंग्युक स्वॉमी आसान। यथ शारीरस मंज़ किथ्र सु रोज़ान।। संयमी मनुश दीह त्यागु विज़ि पानय। किथ्र पॉठ्य वनतम च्रेय ज़ानुनय।।

- 3. अविनॉशी तु दिव्य ज़ीवस छि ब्रह्म वनान। तॅम्य सुंदिस नेत्य स्वबावस अध्यात्म वनान।। ज़ीवन हुंदिस शारीरु किस सम्बन्दस मंज़ ज़ान। तुलु त्रावि छिय सकाम कर्म वनान।।
- 4. इन्सानन मंज़ स्यठाह श्रष्ठ अर्ज़नु दीव ज़ान।
 छि विज़ि विज़ि बदलवुन्य कौदरॅच आदिभूत वनान।।
 सिरिय चॅन्द्रमु तु सारिवुय दीवव सान।
 दिय सुंदिस वेराट स्वरूपस छि आदि दीव वनान।।
 प्रथ ॲिकस ज़ीवस दिलस मंज़ बु वास करान।
 म्यॉनिस अर्न्तयॉमी रूपस छि आदियग्य वनान।।

- युस दीह त्यागु विजि म्यॉन्य स्मरन करान।
 सु साख्यात बेशक में निश छु वातान।।
- दीह त्यागु विजि सु यथ्य बावस मैंज़ रोज़ान।
 तथ्य स्वबावस मंज़ सु नोव ज़न्म ह्यवान।।
- 7. ही अर्ज़न ख्यन ख्यन स्मरन म्यॉन्य रोज़ करान। स्मर्रान सुत्य सुत्य ख्वद करुन छु चे क्युत जान।। मन तु ब्वद थ्यर बनॉविथ योद सोरुय में पुशरख। पॅज़्य किन्य बेशक में निश चु वातख।।
- 8. युस अब्यास यूगु सुत्य थ्यर, ध्यानस मंज़ रोज़ान। कोबू मनु सुत्य चिहि चिहि म्योन स्वरान।। सुय गाशि रूपु दीव पुरुशस छु प्रावान। या परमीश्वरस निश सु छु वातान।।
 - 9. सर्व व्यापक परातन न बोज़नु यिनु वोल मे मानान।
 वुम्बिर मंज़ स्यठाह ल्वकुट मेय यिम व्यचारान।।
 कर्मव अनुसार आत्मा रूपु छुस बु राजुत करान।
 सारिनुय पालन वोल में छि मानान।।
 मायायि निश दूर न व्यचाँरिय हाकुवुन रूप में आसान।
 मानान सिरियस हावु छि में तीज़वान।।
 छि दिव्य रूपु किन्य में यिम मनुश जानान।
 अग्यान रोस परमीश्वरु सुंज़ त्वता करुन्य तस छि शूबान।।

- 10. दीह त्यागु विज़ि स्मरन यिम बॅखुत्य करान।
 दड मनु यूग बलु द्वन बुमन मंज़ प्रान रटान।।
 बॅक्ति बलु सुत्य छि लोल तिम में बॉगरान।
 बेशक तिम दयस निश छि वातान।।
- 11. यथ परमपदस नाशु रोस वीद जॉन्यकार वनान। युस पद यूगु बलु साद तु सन्त प्रावान।। लुख येमि बापथ ब्रमचॉर्य व्रत दरान। छोट्य पॉठ्य बु दिभय अमिय परम पदुक ग्यान।।
- 12-13. बंद बर महलखानस या येन्द्रेय वशस करान।
 जीनिमुत्य मनु सुत्य ड्यकस मंज़ प्राण अनान।।
 दिय यूगस मंज़ ब्रह्म नाव ओं स्वरान।
 ब्रह्म ध्यानस मंज़ प्रानु त्याग छु करान।।
 न्यंग्वनु सुंद छु रोज़ान व्यचारान।
 सुय पुरुष छुय थॅज़ गथ प्रावान।।
- 14. युस मनुश मेय भगवानस लोलु सान। चिहि चिहि स्मरन रोज़ान करान।। सुय म्यानि बॅखती मंज़ छु हमेशि रोज़ान। तस बॅखतिस छुस लबुन बु आसान।।

- 15. बॅखती यूगु किन्य परम स्यद पुरुश यिम मे प्रावान। येमि संसॉर्य छिनु तिम बेिय ज़न्म ह्यवान।।
- 16. ही अर्ज़न सारिनुय लूकन ब्रह्म लूकु सान। यिम मनुश छि गछ़ान छि बेयि वापस यिवान।। मे निश वॉतिय युस थ्यर बोज़वान। यिनु तय गछ़नु निश छु सुय म्वकलान।।
- 17. मानव ग्रॅंज़ अनुसार अख सास ख्वग मीलिथ ज़ान। ब्रह्मा सुंद छु अख दोह सु आसान।। यिथु पॉठ्य पानुवॅन्य बेयि अख सास य्वग मेलान। बोज़ ब्रह्मा सुंज़ छि अख राथ बनान।।
- 18. ब्रह्मा सुंदिस दोहस मंज़ बूत चृर अचृर सान। नाबूद ऑसिथ छि बूद सपदान।। येलि येलि राथ ब्रह्मा सुंज़ छि यिवान। सोरुय ज़ीवुथ बेयि नाबूद छु सपदान।।
- 19. ही अर्ज़न येलि येलि ब्रह्मा सुंद दोह छु यिवान। सॉरिय बूत ज़ात छि प्रकट सपदान।। येलि ज़न ब्रह्मा सुंज़ रात छि यिवान। स्वता-स्यद तिम छि बेयि गाँब सपदान।।

- 20. दौयिम बैयि अव्यक्त शाश्वत प्रकृथ छि आसान।
 बूदु नाबूदु निश ब्योन आसान।।
 यि प्रकृत स्यठाह श्रेष्ट तु नाशि रोस आसान।
 लय सोरुय गॅछ्रिथ तोति छु नु नाशस गछान।।
- 21. यथ वीदु ज़ॉन्यकार अविनाशी तु अप्रकट वनान। स्वय छि परम गथ म्यॉन्य आसान।। य्वसु गथ प्रॉविथ छिनु ज़ीव फीरिथ यिवान। सुय म्योन छुय परम दाम आसान।।
- 22. परम पुरुशस ह्युव छुनु कांह थोद आसान। यस लोलु बॅखती सुत्य मनुश छु प्रावान।। सु पननिस दामस प्यठ छुय वैराजमान। सॉरिय तस सर्वुव्यापकस मंज़ छि रोज़ान।।
- 23. ही अर्ज़न! कुसुम वॉर्य कालन हुंद ज्ञान। बु रोज़य वनान चु रोज़ बोज़ान।। यूगी दीह त्रॉविथ येमि संसॉर्य ज़ान। कुनि फीरिथ यिवान कुनि छुनु यिवान।।
- 24. द्जुवुन्य ॲग्नस प्रकाश, द्वहिल तु ज़ूनु पछ जान। येलि शे र्यथ बेयि व्यतुरायनुक्य आसान।। यिम अथ कालस मंज़ येमि संसॉर्य नेरान। तिम ब्रह्म ग्यॉनी परमब्रह्मस छि प्रावान।।

- 25. नेह गिट रॉच मंज़ बैयि गटु पछस मंज़ ज़ान। शे र्यथ बैयि दिख्यनायनुक्य छि आसान।। युस यूगी अथ कालस मंज़ दीह त्रावान। सु चॅन्दु लूक प्रॉविथ बैयि संसॉर्य ज़न्म ह्यवान।।
- 26. येमि संसॉर्य नेरनुक्य ज़ वतु वीदॉन्त्य मानान।
 अख ज़ून पछ दौियम छि गटु पछ मानान।।
 प्रकाश वित दीह त्रॉविथ छुनु मनुश वापस यिवान।
 अंदुकारु वित मंज़ गॅिछ्थ छु फीरिथ ज़न्म ह्यवान।।
- 27. विम वतु जाननवॉल्य यूगी छि नु जांह वित डलान। तवय अर्ज़नु रोज़ ख्यनु ख्यनु बॅखती करान।।
- 28. युस मनुश छु बॅखती मार्गस प्यठ पकान। वीदु ग्यान, तप, दान तु सकाम कर्मव सान।। सु बॅखुत्य छुनु फलु निश ज़ांह वोंचनु यिवान। अंतस प्यठ परमु दाम सु छु प्रावान।।

•

भगवत गीतायि हुंदिस व्वपिनशदस मंज़ श्री कृष्ण तु अर्ज़न दीविन ब्रह्म ग्यान तु यूग शास्त्रचि कथ बाथि हुंज़ अठिम अद्या वॉच् अंद। यथ नाव छु "अख्यु ब्रह्म यूग"।

नॅविम अद्या

- दूश नज़रव वरॉय च्रे हिविस बॅखितस मान।
 अनुबवु सान दिमय थिद राज़ुक ज्ञान।।
 नॅन्य पॉठ्य बु दिमय तिछ् ज़ानकॉरी।
 चु म्वकलख द्वखु रूपु संसॉरी।।
- सारिनुय ग्यानन तु राजुन हुंद यि राजि आसान।
 छु परम श्वद आत्मा ज़ान प्रत्यक्ष करनावान।।
 यि ग्यान ज़्यून धर्मुक छुय आसान।
 युस स्वखु सान अंद वातनावान यिवान।।
- 3. श्रदािय रास यिम मनुश धर्मस छिनु मानान। ही अर्ज़न तिम छिनु ज़ांह में प्रावान।। द्वखु रूपु संसारस येलि लथ मारान। ज्यनु मरनु चॅक्ररस मंज़ छि फेरान।।
- मायायि सुत्य कोरुम संसारुक सुंज़।
 सॉरी ज़ीव में मंज़ छुस नु तिमन बु मंज़।।

- 5. पॅज़्य किन्य ज़ीव छिनु मेय मंज़ रोज़ान। अर्शुक्य यूग्य तिमन बु पालान।। बु दय ज़ीवन छुस पॉदु करनवोल। न ज़ीवन हुंद मे राग न तिहुंद लोला।
- 6. छु आकाशस मंज़ तेज़ हवा पॉटु सपदान। आकाशसुय मंज़ अंतस छु ठॅहरान।। सकंल्पु म्यानि सुत्य छि बूत पॉटु सपदान। सॉरी बूत ज़ान मैय मंज़ छि ठॅहरान।।
- संहारु विजि सॉर्य बूतगन ज़ान।
 म्यानि प्रकृंच मंज़ छि मीलिथ गछ़ान।।
 कलपॉन्त ब्रोंठ पनुनि यूगु शक्ति सुत्य ज़ान।
 छुस बारम्बार तिमन बु पॉदु करान।।
- 8. सोरुय व्वराट ज़गत में ऑदीन आसान। प्रकृंच स्वबाव बल तिम पाँदु सपदान।। म्यानि यछायि बारम्बार तिम पाँदु सपदान। अंतस प्यठ यछायि म्यानि छिय लय सपदान।।
- 9. न्यर पक्ष पॉठ्य कामनायि रोस कर्म छुस करान। अर्ज़न तवय छिनु में यिम कर्म गंडान।।

- 10. में ऑदीन प्रकृथ सोरुय व्वपदावान।
 सोरुय चर अचर हाथ बु फौलुरावान।।
 जीव संसारी पाँदु बैयि छि कल्पॉन्त डेंशान।
 छि हीतू प्रकृथ अमिचिय आसान।।
- 11. म्यानि थिज़ गॅच् मंज़ रूज़िथ अनज़ान। ज़ीवन ज़ीवुथ दिनु वोल छिनु मे मानान।। बु ज़ीवन हुंद छुस स्वॉमी आसान। ज़न्म मनुश रूप हाथ तिम ल्वकुट मे मानान।।
- 12. न्यरअर्थक आशा न्यरअर्थक कर्म करान।
 छख कम बोज़ बेयि न्यरअर्थक ग्यान।।
 प्रकृथ राख्यसन तु असरन हुंज़ हिश थवान।
 यिम मनुश यिथु पॉठ्य मुहस मंज़ फंसान।।
- 13. मुहु रोस महात्मा छि दीव प्रकृथ थवान। म्यानि बॅखती मंज़ पूरु पॉठ्य छि मस रोज़ान।। सनातन बेयि अविनॉशी मे मानान। भगवान रूपय छिय मे पूज़ान।।
- 14. तिम महात्मा म्यॉन्य ग्वन कीर्तन करान।
 दड विशवासु सुत्य युतुन कॅरिथ में गारान।।

नमस्कार कॅरिथ मेय सोरुय पुशरान। नेत्य बॅखुत्यी सुत्य छि मे पूज़ान।।

- 15. तिम लुख यिम ग्यानु यॅग्य सुत्य मे पूज़ान। ईकान्त बावु किन्य बेयि ब्योन ब्योन बावु सान।। नाना प्रकॉर्य बावु किन्य भगवान पूज़ान। पनुन आत्मा कुन परमीश्वर छि मानान।।
- 16. कर्म कांड छुस बुय, बेयि हवन ति छुस बुय। प्यतरन दिन वोल तर्पन बुय।। जिड्यन हुंद हुमुन मंत्र तु ग्यव बुय। आहोच् ॲग्न क्रियािय हवुनुच बुय।।
- 17. ज्गतुक दाता ज़ीवन रछन वोल। ज्गतुक बुडिबब मॉज बेंचि मोला। ऋगवेद, सामवेद, यर्जुवेद छुस बुय। जानुन लायख श्वद ओंकार छुस बुया।
- 18. छुस प्रावुन लायख परमुदाम बुय।
 दय बुय गवाह बुय, शरनसथल बुय।।
 जृगि आदार, टोठ यार, प्रलय आश्रय बुय।
 नाशस न गछनवोल छुस ब्योल बुय।।

- 19. सिरियि रूपु ज्ञगतस छुस तापुनावान। छुस रूद त्रावान बेयि रुकावान।। साख्यात छुस मोथ बेयि अमर बनावान। आत्मा बेयि पदार्थ बु आसान।।
- 20. वीदव अनुसार सकाम करन वॉल्य ज़ीव। पापव रास सूम रस चनुवॉल्य ज़ीव।। यंज्ञ किन्य मे पूजि़थ स्वर्गच कामना करान। पोन्य फलरूप दीव बूग बूगान।।
- 21. छिख स्वर्ग बूगिथ प्वन्य फलु म्वकलान।
 पतु वापस तिम मृत्य लूकस यिवान।।
 त्रन वीदन मंज़ व्यछ़िनथ यिम सकाम कर्म करान।
 स्वर्गच कामनायि सुत्य यिनु गछनु छिनु म्वकलान।।
- 22. युस लोल सान बॅखुत्य छुय ध्यान म्योन दारान।
 नेशकामु बावु सुत्यन में पूज़ान।।
 दिय प्रावनु बापथ छुस यूग करनावान।
 यूगु सादनु वित छुस बु रख्या करान।।
- 23. ही अर्ज़न दीव यिम बॅखुत्य श्रदायि सान। दोयम्यन दीवन छिय पूज़ा करान।। पॅज़्य किन्य तिम ति छिय म्यॉन्य त्वता करान। अग्यानु बॅरिश्र तिहुंज़ यि पूज़ आसान।।

- 24. सारिनुय यँज्ञन हुंद स्वॉमी बु आसनवोल। बु छुस बूग यॅग्यन हुंद बूगनवोल।। पॅज्य किन्य यिम नु म्योन दिव्य स्वबाव जानान। छि लूपस गछान या मरान बैयि ज्यवान।।
- 25. दीवन पूज़न वॉल्य दीवन छि प्रावान।
 प्यतरन पूज़न वॉल्य प्यतरन निश वातान।।
 बूत प्रेतन पूज़न वॉल्य छि तिमन प्रावान।
 म्यॉन्य बॅखुत्य में पूज़िथ छि मेय प्रावान।।
- 26. युस बॅखुत्य पनु वॅथुर पोश तु म्यवु मायि सान। बेयि पोन्य अर्पन मेय छु करान।। तस श्वद बोज़ नेशकाम मायि बॅरिति सुंद ज़ान। लोलु अर्पन कौरुमुत प्रखुट बु लोलु सान ख्यवान।।
- 27. ही अर्ज़न दीवु! यि कर्म केंह छुख करान।
 यिय छुख ख्यवान बेयि यिय छुख हुमान।।
 दान युस छुख दिवान बेयि तफ छुख करान।
 रोज़ सोरुय अर्पण मेय चुय करान।।
- 28. यिथु पॉठ्य सॉरी कर्म में दयस पुशरख। श्वब अश्वब फल रूपु बन्दुनव म्वकुल रोज़खा।

यिथि सन्यास यूग बेिय नु डलवुन्य मन ज़ानख। बन्दुनव मुछि रूज़िथ मैय निश वातख।।

- 29. सम बावु बु सारिनुय बूतन छुस वुछान। न छुम अटोठ कांह न मे टोठ बासान।। लोलु सान युस बॅखुत्य छु म्यॉन्य पूज़ा करान। साख्यात सु मे मंज़ तस मंज़ बु वास करान।।
- 30. याद कांह दूर्ज़न लोल होत में पूज़ान। सु दंड स्ंकलपु वोल मानुन युग्य साद आसान।। वादु पज़रुचि वित प्यठ पकनुक सु करान। दिय ध्यानु ख्वतु बोड केंह नु मानान।।
- 31. स्यठाह दर्मात्मा जलजल सुय बनान। हमेशि रोज़वुन्य सु शॉन्ती छु प्रावान।। रोज़ ही अर्ज़न बय रोस पज़र ज़ानान। म्यॉनिस बॅखितिस छुनु ज़ांह नाश सपदान।।
- 32. ही अर्ज़न दीव ज़ॅन्य शूद तु बापॉर्य लुख। चण्डाल बेयि वॅसिथ क्वलन हुंद्य लुख।। यिम सॉरी शरन छिय योद में यिवान। तिम सॉरी छि थॅज़ गथ प्रावान।।

- 33. राज़, रेश, बॅखतज़न तु ब्रह्मन प्वन्यवान। बेशक शरन यिथ थॅज़ गथ छि प्रावान।। तवय किन्य नु रोज़वुन द्वखु हेनुरस मंज़ ज़ान। मनिश रूपु ख्यनु ख्यनु मे रोज़ पूज़ान।।
- 34. मन छुय चे मेय कुन बन च़ बॅखुत्य म्योन। नमस्कार कर च़ पूज़ करनवोल छुख म्योन।। ध्यर आत्मा मे कुन कर यिथ च़ शरन मेय। तिम सुत्य हॉसिल च़ सपदख मेय।।

भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ नॅविम अद्या वॉच अंद। यथ नाव छु "राज़ वद्या तु गुप्त ग्यानुक यूग"।

दॅहिम अद्या

- हे बिजि निर वालि टाठि अर्ज़नु मान।
 म्यानि टाठि यारु व्वपदीशस थव ध्यान।।
 चानि ह्यतु बापथ बु दिमय चृ त्युथ ज्ञान।
 म्यानि दॅस्य वॅनिमुत्य ग्यानु ख्वतु युस श्रेष्ट आसान।।
- ज़न्म म्योन या यूगु मायायि बु प्रखटान।
 दीवता तु रेश छिय तथ अनज़ान।।
 सारिनुय दीवन तु महारेशन ज़ान।
 छुस पूल कारन बुय आसान।।
- 3. युस ज़न्मु रोस सनातन मूल सारिनुय हुंद मे ज़ानान। त्रन लूकन हुंद भगवान मे मानान।। मनुशन मंज़ मुंह रोस सुय आसान। सारिवुय पापव सु छु मुळि रोज़ान।।
- 4-5. संशय तु मुंह रोस बोज़ तय बेिय ग्यान।
 पज़र, ख्यमाबाव, येन्द्रेय तु मन वशस मंज़ ज़ान।।
 बुय अबय द्वख स्वख ज़्योन बेिय मरुन ज़ान।
 अहिंसा, सम बाव, संतूष तप तु दान।

यश अपयश ज़ीवन हुंद्य यिम ग्वन ज़ान।। म्यानि सुत्य यिम ग्वन छिय सॉरी फब्बान।

- 6. सतुरेश्य बेयि तिमन ब्रोंठ चोर महारेश्य ज़ान। गॅिय पॉदु सॉरी म्यॉिन सुत्य मनुहस सान।। ब्योन ब्योन लूकन मंज़ रोज़नवॉल्य सॉरी ज़ीव ज़ान। छि तिहुंजिय यछािय पॉदु सपदान।।
- छु युस म्यानि परम स्वखुक प्रसाद ज़ानान।
 पूरु पाँठ्य म्यानि यूगु शक्ती हुंद त्वथ ज़ानान।।
 यूगस मंज़ छु थ्यर सुय रोज़ान।
 छुनु कांह संशय तथ मंज़ आसान।।
- 8. वासुदीव बु सारिनुय हुंद छुस मूल आसान। संसार सोरुय छु म्यॉन्य किन्य पकान।। यिम दाना म्योन यिथु पॉठ्य व्वचारान। तिम लोल बावु किन्य छि मेय पूजान।।
- 9. यिहिंद्य मन म्योनुय व्यवार करान रोजान। तिम पनुन्य जि़न्दुगाँनी छिय मेय वन्दान।। पनुन ग्यान बेयिस पिलुनाँविश्व म्योन थ्यकान। परम सन्तूश तु आनन्द अनुबव करान।।

- 10. तिम यिम विजि विजि ध्यान म्योन छि करान। लोल बेिय मािय सान बंखती म्यॉन्य करान।। तिमन लोल बंखत्यन बोज़ यूग छुस दिवान। येिम सुत्य तिम मेय छि प्रावान।।
- 11. ही अर्ज़न छुस बु तिमन अनुग्रेह करान।
 बु तिहिंद्यन दिलन मंज़ छुस वास करान।।
 अग्यानु सुत्य पाँदु युस तिहुंद अंदुकार।
 छुस ग्यानु रूपु चाँग्य रेह बनावान गाशिदार।।

अर्ज़न दीवन वोन

- 12-13. परम ब्रह्म, परम दाम, परम पोज़ ज़ुय छुख।
 सनातन, दिव्य पुरुश, दीवन हुंद आदि दीव ज़ु छुख।।
 न ज़न्म ह्योतमुत बजर रेश्य चोन ध्यकान।
 यिय नारद, असित, तु देवल रेश्य ति मानान।।
 व्यासु रेशिस सान सॉरी पज़र यि मानान।
 यिय चोनुय वनान यि छुख ज़ु मै वनान।।
- 14. ही कीशव! यि सोस्य च्रय मैय छुख वनान। कूज़िथ बु सोस्य छुस पोज़ मानान।। चॉनिस लीला स्वरूपस ही भगवान। न ज़ानान छिय असुर न दीव ज़ानान।।

- 15. पॉटु बूतन करनवालि ही भगवानु। दीवन हुंदि दीवु ज़गतुिक मेहरबानु।। इन्सानन मंज़ स्यठाह थॅद्य इन्सान। छुख चु पॉन्य पान पानस जानान।।
- 16. दिव्य विबूती तु लीला नॅन्य वन व्यस्तारु सान। यैमि किन्य त्रन लूकन मंज़ सर्व व्यापक चु आसान।।
- 17. ही यूगीश्वरु सौरिथ किथु पाँठ्य ह्यकथ बु ज़ॉनिथ।
 किम किम बावु द्यान हैकु चोनय दॅरिथा।
- 18. ही ज़र्नादन! पनुन्य यूगु बलु तु विबूतियन हुंज़ ज़ान। व्वन्य बेयि वनतम मे व्यस्तारु सान।। छम चॉन्यन अमर्यतु बॅरिथ कथन हुंज़ त्रेश बासान। व्वन्दु म्योन कथु चॉनि बोज़ुन यछान।।

- पनुन्यन विबूतियन हुंद पेठ्य पेठ्य दिमय ग्यान।
 म्यान्यन वैबवु बॅरिथ रूपन हुंद अंद कांह छुनु आसान।।
- 20. ही अर्ज़न आत्मा बूतन हुंद छुस बुय। बूतन हुंद मूल मंज़ तु अंद छुस बुय।।

- 21. आदित्यन्य बहाव पोथरव मंज़ छुस विष्णु बुय। जोत्यन मंज़ ज़ुचु वोल सिरि बुय।। कुनवनज़ाहन हवा दीवन मंज़ मरीच बुय। तारकन मंज़ छुस चन्द्रमु बुय।।
- 22. वीदन मंज़ सामवीद दीवन मंज़ यॅन्द्र बुय। यन्द्रेयन मंज़ मन च्यथ ज़िन्दन मंज़ बुय।।
- 23. कहव रोदरव मंज़ छुस शंकर बुय। दनुक स्वामी कुबेर यछन तु राख्यसन हुंद बुय। ऑठन वसुवन मंज़ ॲग्न छुस बुय। श्रद्यन पर्वतन मंज़ सुमेर पर्वत बुय।।
- 24. ब्रह्मनन मंज़ ज़्युठ ब्रहसपत छुस बुय। जरनॅल मंज़ मान छुस स्ंकद बुय।। ही पार्थ पानि क्यन आगरन मंज़ ज़ान ज़ुय। छुस बोड आगुर समन्दर बुय।।
- 25. थद्यव रेशव मंज़ बगु र्योश छुस बुय। शबदन मंज़ ओंकार छुस बुय।। नाना प्रकॉर्य यॅग्यन मंज़ ज़प यॅज्ञ बुय। रोज़ुवुन हीमाल पहाडु छुस बुय।।

- 26. सारिवय कुल्यव मंज़ पीपल कुल बुय। दीव रेश्यव मंज़ नारद मुनी बुय।। गन्दरवन मंज़ चित्ररथ छुस बुय। स्यद पुरुशन मंज़ कपिल मुनी बुय।।
- 27. अमर्यत सुत्य पॉटु गुर्यन मंज़ ज़ान च़य। उचेश्रव नावुक छुस गुर बुय।। दीवु हस्यन मंज़ ऐरावत छुस बुय। मनशन मंज़ ज़ान छुस राज़ बुय।।
- 28. शस्त्रन मंज़ वज्र, गॉवन मंज़ कामदीन मेय ज़ान। शास्त्र रीच़ किन्य सन्तान पॉदु क्रानुक हीतू में ज़ान।। मान प्रेयमुक दीव कामदीव छुस बुय। सर्पराज़ वासुकी सर्पन मंज़ बुया।
- 29. पां ज़ीवन मंज़ वरुन दीवता बुय। नागन मंज़ शेशनाग छुस बुय।। प्यतरन मंज़ अर्यमा प्यतुर बुय। डण्ड दिनु वाल्यन मंज़ यमराज़ बुय।।
- 30. दैतन मंज़ प्रहलाद, म्यीच़न मंज़ काल बुय। जानवरन मंज़ छुस गरुड, पशयन मंज़ सुह बुय।।

- 31. श्रोच़रावन वाल्यन मंज़ छुस हवा बुय। दर्नुदरन मंज़ छुस राम बुय।। मगर मछ़ गाडन मंज़ ज़ान छुस बुय। नदन मंज़ बागीरथी गंगा जी बुय।।
- 32. सृष्टियन हुंद मूल, मंज़, बेिय अंद बुय। प्रथ ग्यानु मंज़ छुस आत्म ग्यान बुय।। वादु विवाद करन वाल्यन हुंद ज़ान चुय। छुस पोज़ न्यरनय करनवोल बुय।।
- 33. अछरन मंज़ ओंकार, समासन मंज़ द्वन्द समास बुय। काल सुंद महाकाल छुस ज़ान बुय।। छुस ज़्वापॉर्य म्वखु वोल विराट स्वरूप बुय। सॉरिनुय हुंद पालन हार बुय।।
- 34. सारिनुय नाश करनवोल यमराज़ बुय। पाँदु करनुक हीतू ति छुस ज़ान बुय।। ज़न्यन हुंद यश, शकल सूरत बैयि वाख बुय। यादाश, हमददी, ब्वद बैयि ख्यमा बुय।।
- 35. सामवीद रैचायन मंज़ ब्रहत्साम बुय।
 छन्दन मंज़ गायत्री छन्द छुस बुय।।

छुस र्यतन मंज़ मंजहोर र्यथ ज़ान बुय। कालन मंज़ छुस सोंतकाल बुय।।

- 36. छल कपट करनवाल्यन हुंद छुस ज़ार बुय। बलवानन हुंद छुस बल बुय।। 'ज़ेनुन ज़ेनन वाल्यन यल यल करन वाल्यन हुंद बुय। छुस सत प्वरुषन हुंद सदबाव बुय।।
- 37. वृशिन वंशुक छुस वासदीव बुय।
 पांडवन मंज़ दननजय छुस बुय।।
 रेशन मंज़ वेदव्यास र्योश ज़ान छुस बुय।
 शॉयरन मंज़ शुक्राचार्य छुस बुय।।
- 38. शक्ती तु दंड सज़ावारन हुंद बुय। ज़ेननुचि यछ़ायि हुंज़ नीती बुय।। खॅटिथ थवुन लायख बावन हुंद रख्यक मोन बुय। ग्यानवानन हुंद तत्वु ज्ञान बुय।।
- 39. छुनु युतुय अर्ज़न बैयि रोज़ ज़ानान। सॉरुय सृष्टी पॉदु करनुक मेय ब्योल ज़ान।। तियुथ कांह चर अचर प्रॉनी छुनु आसान। युस म्यानि रोस छुय ज़िन्दु रोज़ान।।

- 40. ही परन्तप म्यान्यन दीवु शक्तियन हुंद छुनु अन्द केंह। छूंर्य पाँठ्य अम्युक व्यस्तार वोनुय मे चेंय।।
- यिति केंह ख्वशहाल बलवान तु तीज़ुवान।
 सुति म्यानि तीज़ुक चु अंशा जान।।
- 42. वन ही अर्ज़न अमि ग्यानुक प्रयूज़न क्या चृ आसान। पनुनि यूगुबल सुत्य ज़गत सोरुय छुस बु दारान।।

•


भगवत गीतायि हुंदिस व्वपिनशदस मंज़ श्री कृष्ण तु अर्ज़न दीविन ब्रह्म ग्यान तु यूग शास्त्रचि कथ बाथि हुंज़ दॉहिम अद्याय वॉच अंद। यथ नाव छु "विभूति यूग"।


8003

कॅहिम अद्या

अर्ज़न दीवन वोन

- अनुग्रेह बॅरिथ बूजि़थ ग्यानु व्वपदीश चोन।
 गव चकनाचूर तॉम सुत्य अग्यान म्योन।।
- सारिनुय बूतन हुंद ज़न्म तु प्रलय व्यस्तारु सान।
 पम्पोश नेथुर वालि रूदुस बु बोज़ान।।
 नाशस न गछ़नवोल थोद बजर चोन।
 रूदुस चृंय निश बुय बोज़ान।।
- 3. ही परमीश्वर च़ु छुख युथ पानस वनान। सोरुय छुस बुय ति पोज़ मानान।। ही पुरुषोतम ग्यानु बलु तु तीज़ सान। छुस चोन भगवानु रूप वुछुन यछान।।
- 4. पॉदु बेिय प्रलय करन वालि ही भगवानु। पिज़ योद मेय वुछुन सु स्वरूप चोन।। ही यूगीश्वर योद चे छुय अम्युक चाव। अविनॉशी स्वरूपुक मे दर्शुन हाव।।





श्रु भगवानन वोन

- ही पार्थ हतु बॅद्य तु सासु बॅदय मयॉन्य दिव्य रूप जान।
 ब्योन ब्योन रंग्व तु रूपव रोज़ व्वन्य वुछान।।
- 6. ही अर्ज़न दीव वस ऑठ काह रुद्र। अश्विनी कोमार ज़ुतु आदित्यियन्य बाह पौथुर।। यिमनु ज़ांह च वुिछमुत्य व्वन्य रोज़ तिमय वुछान। वुछान रोज़ कुनवन्ज़ाह हवा दीवव सान।।
- 7. म्यॉनिस शारीरस टिकिथ ॲिकस जािय मंज़ ज़ान। चर अचर सान वुछ सोरुय जहान।। वुछुन अर्ज़न दीव चु यूताह छुख यछान। तिय सोरुय वुछिथ गछ्ख चु हॉरान।।
- 8. बेशक पनुन्यव ॲछव वुछिथ ह्यकख न च़य। तिमय दिव्य चेशमय च़े दिमय बुय।। दीव दृष्टी सुत्य च़ रोज़ सोरुय वुछान। म्यानि दीव यूगु शक्ति च़ रोज़ गँज़रान।।

संजयन वोन

पाप नाश करन वॉल्य थॅद्य यूगीश्वरन।
 ही राज़ यि वॅनिथ पानु भगवान।।

अर्ज़नस पनुन थोद तु बैयि वेयबव सान। दिव्य दिय रूप रूद पतु हावान।।

- 10-11. तथ ज़गत रूपस मंज़ अर्ज़न वुछान।
 अग्रज़ म्वख अग्रंज दीदव सान।।
 दिव्य गहनव सुत्य यिम रूप सर्जाविथ।
 दिव्य शस्त्र अथन मंज़ थॉविथ।।
 दिव्य माल तु वस्त्र सूरच़न लगॉविथ।
 दिव्य गन्दन हुंद लीपन कॅरिथ।।
 सोरुय दिव्य नज़ारु ओस हॉरान कुन।
 सु वैराट स्वरूप तीज़वान दिय सुंद।।
 - 12. सासु बॅदय सिरियि योद खसन मंज़ आकाश। ज्गत स्वरूप दिय गाश खोतु छुस कम प्रकाश।।
- 13. दीवन हुंदि दीव कृष्णु भगवान सुंदिस। तथ शरीरस मंज़ ॲिकस जािय टिकिथ।। नाना प्रकॉर्य ब्योन ब्योन रंगन मंज़ जान। सोरुय ज़गत पांडव पौथुर रूद वुछान।।

अर्जन दीवन वोन

14. आशचर्य तु निट मंज़ु कलु नोवमिरिथ अर्ज़नन। गाशु रूपु दयस ह्योतुन बॅखित बावय वनुन।।

- 15. ही दय चॉनिस शरीरस मंज़ छुस वुछान।
 सॉरी दीव स्यठाह बूतु ज़ॉच़व सान।।
 पम्पोशि आसनस प्यठ ब्रह्मा बिहिथ छुस वुछान।
 सॉरी रेश्य, महादीव, वुछिम दिव्य सर्फव सान।।
- 16. पिरपूर्ण ही ज़गत स्वॉमी भगवान बु छुस वुछान। चॉन्य अग्रज़ बोज़ यॅड, म्वखु नेश्वरव सान।। चिम च्वापॉर्य फॉलिथ छुनु अंद कांह में बासान। ज़गत रूप दय चोन ग्वड, मंज़ तु अंद छुस नु डेंशान।।
- 17. च्वापॉर्य प्रज़लवुन छु तीज़ चोन चमकान। ज़न सिरियच तु ॲग्नुच जूत्य छि फॉहलान।। वुछिन्य कठुन्य स्यठाह प्रज़लवुन्य तीज़ रूपु सॉरी। सजॉविथ गदा चक्र तु मुकटव च्वपॉरी।।
- 18. ज़ानन युग्य परम अछुर च़्रय छुख।
 मे मोनुम परमात्मा, परम ब्रह्म च़ु छुख।।
 सायि ज़गतुक दर्मस छुख रछनवोल।
 छुख सनातन प्वरुष, नाशस न गळुनवोल।।
- 19. आदि, मंज़ तु अंदु रोस आसुवुन च़ दय छुख। बलवान तु अग्रज बोज़ वोल च़ुय छुख।।

सिरियि चॅ़न्द्वम रूपु छि नेथुर चॉनी। द्जुवुन ॲग्न ज़न छि म्वख चॉनी।। अमि के प्रच़न्डु सुत्य छु ज़गत सोरुय। तपान तु दज़ान वुछान षु सोरुय।।

- 20. पृथ्वी आकाश तु सारिनुय लूकन तु तरफन ज़ान। छुख सर्वु व्यापक चु दिय आसान।। दिव्य रूप तु खोच्वुन्य सूरचन कुन वुछिथ। छि त्रेशवय लूक फ्रटुलॅव्य गॉमुत्य।।
- 21. दीवन हुंज़ सभा म्वखन चान्यन अचान। गुल्य गॅडिथ केंह फटलॅव्य नाव चोन स्वरान।। केंह रेश्य तु स्यद प्वरुष कल्याण बनिनु छि क्रकु दिवान। तिम ब्योन ब्योन रंगव छि चॉन्य पूज़ा करान।।
- 22. वसु ऑठ अशिवनी कोमार मरुदगन आदित्य बाह। साध्यगन हवा दीव, विशवु दीव रूद्र काह।। गन्दर्व प्यत्रगन, राख्यस यछ तु स्यदगन। हॉरतस मंज़ सॉरी छि चे कुन वुछान।।
- 23. ही बिज बोज़ वालि अग्रंज़ म्वख तु नेश्वर चॉन्य छुस वुछान। अथु ज़ंगु खोर अरमु बैयि स्यठाह वोदुरव सान।।

- बयानक रुफ चॉन्य वुछिष्य त्रेयलूकी छि त्रॅहरान। तिथय पॉठ्य बु ति वुछ वुछ छुस त्रॅहरान।।
- 24. र्स्पश नबस सुत्य करन वालि विष्णु।
 ब्योन ब्योन रंगन मंज़ छुख चु ज़ोतान।।
 खॅल्य ऑस तु बॅड्य नेथुर छि च्वापॉर्य चमकान।
 खूचिथ्य मन अशान्त तु कम ह्यमथ बु बासान।।
- 25. वुछिथ बयानक दन्द प्रलिक्य ॲग्न रुफ म्वख। मशेयम तरफ चोर नु छुम कांह स्वख।। दीवन हुंद्य दीव ज़गतन हुंद्य रख्यपाल। कर दया में प्यठ रोज़ुम ख्वशहाल।।
- 26-27. दतराशट्रन्य पोथ्रर तु राज़ु गनव सान। चान्यन म्वखन मंज़ छि सॉरी अचान।। भीष्म, दोन, कर्न तु सान्यव बलवीरव सान। दोरान तु दवान म्वखन मंज़ अचान।। केंह बकनु आमृत्य दंदन तल कलु सान। फसेमृत्य केंह दंदन मंज़ छुम मे बासान।।
 - 28. स्वबावय यिथु पॉठ्य ज़ल नदन हुंद ज़ान। समन्दरस मंज़ छु पानय गछान।। तिथय पॉठ्य वुहुवुनि ॲग्न रूप म्वखन कुन ज़ान। मनिश लूकुक्य वीर छि पानय दवान अचान।।

- 29. यिथु वैनाशु खॉतर्य पनुपोम्पुर पॉन्य पानु। वुहवुनिस ॲग्नस गथ कॅरिथ दज़ान।। तिथय पॉठ्य यिम सॉरी लुख छुस अछव वुछान। जल कुनिय दिव चान्यन म्वखन अचान।।
- 30. प्रज़लवुन्यन म्वखन मंज़ च्वपॉर्य लूकन छुस वुछान। ही विष्णु चॉपिथ तिमन च़ु न्यंगुलान।। प्रज़लवुन्य ज़ुच़ बैयि तीज़ प्रकाशि ज़ान। त्रुज़गत सोरुय तपान तु दज़ान।।
- 31. दीवन हुंदि दीवु च़ु वनतम छुसय प्रुछान। अथ बयानक रूपस मंज़ च़ु कुस आसान।। कृपा कर नमस्कार बोज़ प्रसन्न रोज़ म्यानि भगवान। प्रयूज़न चोन छुस बु ज़ानुन यछान।।

श्रु कृष्णन वोन

- 32. छुस सारिनुय ज़गतन वेनाश करनवोल काल बुय। छुस आमुत येति सारिनुय लूकन मारुनि बुय।। द्वन तरफन हुंदि बलवीर सॉरी ज़ान। मारनु यिन त्वहि सिवा च़ु गछ़ बोज़ान।।
 - 33. व्वथ व्वदस तयार गछ प्राव व्वन्य यश पनुन। जीनिथ शेथुर चे राज बूग छु बूगन।।

म्यानि दॅस्य मारनु आमृत्य छि यिम शूरवीर। ही सिव साचिन (खोंशि) बन हीतू बनाव तकदीर॥

34. दोन, बीशम, जयदथ बेिय कर्न ज़ान। मूदिमुत्य म्यानि दॅस्य श्रेष्ट बलवीरव सान।। कर य्वद चु मारुख मु गछ परेशान। शेथुर य्वदस मंज़ रोज़ हारुनावान।।

संजयन वोन

35. कीशव भगवान सुंद्य यिम शब्द बूज़िथ। काँप्योमुत अर्ज़न दीव रूद गुल्य ज़ गॅन्डिथ।। फ्रटु हॅत्य बारंबार नमस्कार तस कोरुन। भगवान कृष्णस ह्योतुन वनुन।।

अर्जुन दीवन वौन

- 36. चानि यशि सुत्य सोरुय संसार फ्वलान। दियनावु चानि मन प्रसन्न छु सपदान।। बिय किन्य राख्यस होतन योतन छि चलान। स्यदुगन कीवल छि गुल्य चै गंडान।।
- 37. दीवन हुंद दीव, ज़गतुक रख्यपाल च छुख। हे अनन्त, सत असत परम अछुंर च छुख।।


ब्रह्महस पाँदु करनवोल परम ब्रह्म चु छुख। तिम कोनु करुनय चे नमस्कार।।


- 38. आदि दीव तु सनातन पुरुश चु छुख। ज्ञिग आश्रय तु ज्ञाननवोल चुय छुख।। ज्ञानुन लायख परम दाम चुय छुख। स्यठाह रूपव ज्ञिग मंज्ञ बासुवुन चु छुख।।
- 39. हवा, यम, ॲग्न बैयि वरुन च़ु छुख।

 चॅन्द्रम, ब्रह्मा, ब्रह्मा सुंद मोल च़ु छुख।।

 सासुबॅद्यन नमस्कारन हुंद हकदार छुख।

 शत शत चे बॅविनय जय जय कार।।
- 40. स्यठाह सामस्थ वालि ही बिंड आत्मा। च्वापॉर्य पतु ब्रोंठ छुय नमस्कार।। चानि पराक्रमु किन्य दॅरिथ सोर संसार। चुय सर्व व्यापक तु तारन हार।।
- 41-42. पनुन यार ज़ॉनिथ मुर्खु बोज़ या मायि सान।
 ओसुस ही कृष्णन! ही सखा! ही यादव! आलव दिवान।।
 चॉनिस थॅदिस बजरस ओसुस बु अनज़ान।
 मूर्खुगिय किन्य या लोलु सान केंह रूदुस वनान।।
 कर ख्यमा बु छुसय ज़ारपारु च्रे करान।





कुनि विज़ि व्वथान, बिहान, ख्यवान, श्वंगान या वेश्राम कराना। अनादर गव म्यानि दॅस्य यिकुवटु या मंज़ यारन। ही अच्यतु कर क्षमा म्यॉन्यन अपराधन।।

- 43. च्र अच्र सान त्रुज़गतुक च्रय छुख मोल। दय यूगुक च्र ग्वर परम पूजि़वोल।। छु न कांह चेय ह्यू न कांह बराबर। आसि ही दिय कांह किथ्र चे थोद सरुवर।।
- 44. च्रे पनुन पान छुस च्ररनन नोमरावान। गुल्य गॅडिथ पूज़ करन युग्य दयस छुस व्यनय करान।। ही दिय अपराद, यिथु मोल गोंबुरु सुंद्य। बरथा त्रिय हुंदि तु यार यारु सुंद्य।। बरदाश कॅरिथ छिख पतु माफ करान। तिथय पॉठ्य कृपा कर ख्यमा अपाराधन।।
- 45. यिम न रूप ज़ांह वुछिमुत्य दर्शन तिमन हुंद करान।
 प्रसन्न मनु सुत्य सुत्य छुस बु काँपान।।
 दीवन हुंदि दीवु ज़गतुकि रख्यपालु।
 प्रसन्न रूज़िथ पनुन चोर्तबोज़ मे रुफ हाव।।
- 46. तिथय पॉठ्य चोर्तुबोज़ रुफ इ्यकस प्यठ मुकुट ताज। अथन मंज़ गदा चक्र वुछहा बु महाराज।।

सासुबॅद्य बोज़ुवालि ज़िंग रुफ तारनहार। तथ्य चोतुर्बोज़ रुफस मंज़ गछतु इज़हार।।

श्रु कृष्णन वोन

- 47. अनुग्रेह बॅरिथ पनन्य यूगु शक्ति हृंदि बलु सान।
 परम जगत रूपुक करनोवमख दर्शुन मान।।
 अमि ब्रॉह छु नु काँसि युथ असीम तु तीज़ुवान।
 दर्शुन वेराठ स्वरूपुक कोरुमुत चु जान।।
- 48. न यग्य तु वीद परनु सुत्य बियि नु प्विन सुत्यन। न दनु सुत्य न किठिनि तपु सुत्यन।। यिथु पाँठ्य मनुश लूकस मंज़ युथ दर्शुन ज़ान। ज़गत रुफुक ज़ांह छुनु सम्बव आसान।।
- 49. वुछिथुय म्यॉनिस अथ वेकराल रुफस कुन। त्रहरयोखु, खूचुक तु गोख व्याकुल।। रोज़ व्वन्य बेबय बेिय रोज़ ख्वश दिल। व्वन्य वुछ प्रानि म्यानि सूरॅच कुन।।

संजयन वोन

50. अर्ज़नस यिम शब्द वॅनिथ वासुदीवन। चोर्तुबोज़ रूप बेयि कोरुन दारन।। तिम पतु प्रोन रूप बैिय हॉिवय पनुन। त्रॅहरॉिवमृितस अर्ज़नस दिलासु द्युतुन।।

अर्जन दीवन वोन

51. गोस स्यठाह शान्त यि मनुशय रूप बैिय वुछिय चोन। डाँज दिल ब्यूठु जान फीरिय म्योन।। स्वन्दर तु मोसुम सूरथ वुछिथ चॉन्य। स्वबावुक करार पनुन प्रोव दिलन म्यॉन्य।।

श्रु भगवानन वोन

- 52. वुन्युखतान्य चे वुछुथ चौर्तुबोज़ रुफ म्योन।
 दुशवार छु युथ दर्शुन बनुन म्योन।।
 दीव सॉरी अमिच द्वहय कामना करान।
 यिथि दर्शनुच छख कांख्या रोज़ान।।
- 53. चोर्तुबोज़ रुफुक युथ दर्शुन कोस्थ्य म्योन। छुनु सम्बव तप, दान न यग्य युथ दर्शुन म्योन।।
- 54. लोल बॅखती सुत्य म्योन रुफ ह्यकान जॉनिय। प्रत्यख्य यथ रूपस मंज़ छुस बु रूज़िय।। साख्यात अमि रुफुक दर्शुन सपिद्य ह्यकान। कीवल अमि वेदी किन्य म्योन ग्यान जॉनिय ह्यकान।।

55. ही पांडव कर्तव्य कर्म अर्पन युस बॅखुत्य करान।
म्यॉन्य पूज़ कॅरिश्य कर्म बन्दनव म्वकलान।।
आसि द्वयतु बावु रोस बूत ज़ॉचन वुछान।
सु लोलु होत बॅखुत्य छु मै निश वातान।।

भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ कहिम अद्याय वॉच अंद। यथ नाव छु "वैराट रूप दर्शनुक यूग"।

മാരു

बॅहिम अद्या

अर्जन दीवन वौन

यिम लोलु मायि सान ख्यनु ख्यनु चे पूजान।
 या नेराकार ब्रह्मस यिम त्वता करान।
 कुस बॅखुत्य द्वयव मंज़ वनतम छुसय प्रछान।
 थोद स्यद प्वरुष गँज़रनु छु यिवान।।

श्रु भगवानन वोन

- एकाग्र मनु सुत्य ध्यान बजन म्योन करान।
 श्रदायि सान युस बॅखुत्य नाव म्योन ह्यवान।।
 में स्वगुन रूप दय सुंद्य युस ग्वन छु ग्यवान।
 यूगियन मंज़ सु श्रेष्ट मानुनु यिवान।।
- 3-4. येन्द्रेय वशस कॅरिश यिम समु रुफ सारिन्य वुछान।
 आत्मा रुफ पूज़ बम सुंज़ छि करान।।
 युस सर्वृव्यापक कामनायि रोस न ध्यकुवुन आसान।
 न डलवुन बस टिकुवुन छु आसान।
 न्यराकार सूख्यम सुंद द्यान छि दरान।।
 युस अमर बेयि परम पज़र छु आसान।
 पर व्यपकारस मंज़ छु मस रोज़ान।
 अन्तस सु मनुश में निश छु वातान।।

- 5. न्यराकार स्वरुफ सुंद यिम त्वता करान। स्यठाह कष्ट तथ वित मंज़ तिम बूगान।। सफल तथ मार्गस मंज़ रोज़ुन ज़ान। संसार्य ज़ीवन क्युत दुशवार आसान।।
- कर्म सॉरी यिम ज़ीव छि मै अर्पन करान।
 थ्यर बोज़ बॅखती बावु ध्यान म्योन दारान।।
- च्यथ मेय कुन दॉिरथ ख्यनु ख्यनु म्यॉन्य पूजा करान।
 तस ज्यनु मरनु रूपु सागरस छुस तार दिवान।।
- पनुन्य ब्बद पनुन मन में दयस कुन लगावख।
 बेशक तिम पतु पानु मेय मंज़ प्रावख।।
- 9. योद अर्ज़नु तिगय नु च्यथ पनुन ध्यर बनावुन। बॅखती अभ्यासुच वेदी गिछ् पालुन्य।। मे प्रावनुच यिथु पॉठ्य पनुन्य चे चाहत। पॉदु करनस मंज़ मेलिय चे राहत।।
 - 10. अभ्यासु यूगच ति यौद न यछ चे सामरथ। कर्म कॅरिथ पतु रोज़ मेय मातुहथ।। यिथु पाँठ्य म्यानि दादि कर्म करान रोज़ख। मे प्रावन रुफु स्यदी पज़िय चुय प्रावख।।

- 11. यौद म्यॉनिस लोलस मंज़ कर्म ह्यकख नु कॅरिथ। सारिनुय कर्मन हुंद फल च़ु छुन त्रॉविथ।। लिय पान ॲनिथ कर्म पनुन्य चे छिय करुन्य। ध्यर ब्वद बनावनुच चे कूशिश करुन्य।।
- 12. योद चे येछिय न मन यूगु अभ्यास करुन।

 मन ग्यान वित पिज़ चेय लागुन।।

 यूगु अभ्यास खोतु ग्यान छु थोद आसान।

 ग्यान खोतु थोद दय स्वरूपुक छु ध्यान।।

 श्रेष्ट ध्यान खोतु कर्मु फल त्याग आसान।

 जल परम शॉन्ती त्यागु सुत्य छि लबान।।
- 13-14. यस न दुय काँसि हुंज़ सारिन्य मेथर सु आसान।
 अपिज़ अहंकारु रोस पानस न थोद मानान।।
 युस स्वखस द्वखस मंज़ समबावु रोज़ान।
 ख्यमा बावु शेत्रन प्यठ युस थवान।।
 पानस्य सुत्य युस सनत्वष्ट रोज़ान।
 दड वेश्वास पानु हृदस मंज़ थवान।।
 मन तु ब्वद म्यानि बॅखती मंज़ थ्यर करान।
 सु बॅखुत्य हमेशि ज़ान मे टोठ आसान।।
- 15. येमि सुंदि दॅस्य ज़र्यर छुनु काँसि वातान। नय छुस कांह ज़र्यर वातुनावान।।

युस द्वख, स्वख बय तु फिकरि मंज़ सम रोज़ान। सु बॅखुत्य छु स्यठाह मे टोठ आसान।।

- 16. कामनािय रोस अन्दुर्य न्यबर्य शोद बेिय चोतुर आसान। युस फिकरव तु कष्टव मुिछ काॅिस छुनु पख वुरान।। फल दािद कांह यल छुनु करान आसान। युथ ह्यू बॅखुत्य म्योन छु टोठ मे आसान।।
- 17. न कुनि सुत्य प्रसन्न न काँसि सुत्यन दुय करान। न ज़ांह पछतावान न कामना करान।। श्वब अश्वब फलकुय त्याग युस बॅखुत्य करान। सु बॅखुत्य म्योन छु मै टोठ आसान।।
- 18. युस शेथर तु मेथुरस कुनी बावु वुछान। न तुरि तुरान न तापु ह्वखान।। मान, अपमानस बेयि स्वखस द्रखस जान। समबावस मंज़ हमेशि रोज़ान।।
- 19. यश अपयशस मंज़ समबावु रोज़ान। छूवपु वर्तावान तु शांत रोज़ान।। गरबारुकि रागु रोस बॅखती हुंद स्ंकलप करान। सु थ्यर बोज़वान छु मे टोठ आसान।।

20. युस म्योन दर्म रुफु अमर्यथ श्रदायि सान।
नेशकाम प्रेयम बावु रोज़ि चवान।।
युस पनुन सोरुय में ईश्वरस पुशरावान।
सु बॅखुत्य छु स्यठाह सख में टोठ आसान।।

•

भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ बॅहिम अद्या वॉच अंद। यथ नाव छु "बॅखती यूग"।

മാരു

त्रुवॉहिम अद्या

अर्ज़न दीवन वौन

प्रकृथ तु प्वरुष ख्येत्र ख्येत्रग्यस बु अनजान।
 ही कृष्णु यि गव क्या ब जानुन यछान।।

श्रु भगवानन वोन

- ही क्वन्ती पाथुरु ख्येत्र (ज़मीन) यथय शरीरस वनान।
 अथ ग्यान सुत्य ज़ानन वॉलिस जमीनदार वनान।।
- अिम ज़मीनुच ख्येत्रन हुंद ज़ाननवोल या आत्मा में ज़ान। अमि ज़मीनुच ज़मीनदार सुंज़ करुन्य पहचान।। पूरु पॉठ्य ज़ानुनस अथ छि ग्यान वनान। अर्ज़न बोज़ बु छुस यिय मानान।।
- 4. छ़ौट्य पाँठ्य बु वनय यौद छुय सन्योमुत। कर्म ख्येत्र गव क्या यि किथ्र बन्योमुत।। छुस कौत गछुन तु कित प्यठु छु यि आमुत। कुस ज़ॉन्यकार अम्युक तु क्या असर अम्युक।।
- स्वबोज़ रेशव स्यठाह रंगन मंज़ रोंगमुत।
 स्यठाह वीदु मंत्रव बैिय श्रुक्यव व्यछु नोवमुत।।

ज़मीन तु ज़मीनदारु सुंद ग्यान वखनोवमुत। ब्रह्मसूत्र पदन मंज़ छुख ग्योवमुत।।

- 6. अहंकारु ब्वद तु मन बेिय महाबूत पान्छ्। दॅह येन्द्रेय तु येन्द्रेयन हुंद्य वेशय पॉन्छ्।। शब्द स्पर्श, रस रूप तु बेिय गन्द जान। मूल प्रकृथ ह्यथ ख्येत्रुक स्वरूप आसान।।
- 7. यछा तु द्वयुत, स्वख तय द्वख, जान।। ह्यमथ तु ज्यथ हाड मास शरीर सान।। छोटिस मंज अथ सॉरिसुय ख्येत्रक्य वेकार छि वनान। कर्म ख्येत्रच अंत:क्रेय ति छिस वनान।।
- 8. विनम्न दुफनदलॉज़ी रोस कॉंसि छुनु सतावान। मन तु वॉनी हुंद स्यज़र तु मेछर, ख्यमा बाव थवान।। युस अन्दिरम तु न्यबिरम शौदी वर्तावान। शरीर कोबू करान मन तु येन्द्रेयव सान।। श्रदा तु बॅखती सुत्य ग्वरु सीवा करान। अंत:कर्ण छिस शान्त तु थ्यर आसान।।
- तृप्त येन्द्रेयन करनु बापथ वेशयन त्यागान।
 अपिज अहंकारु निश छु लॉब रोज़ान।।

ज्यन, मरनु, बुजर बेयि रूगुक्यव दूशव सान। द्वखन दाद्यन हुंद ख्यनु ख्यनु व्यचारान।।

- गण्युर जॅन्य गरु तु दनु दादि छुनु क्रेशान। ममता नु काँसि हुंज़, छुनु तरसान।। नाकारु बेयि जान प्रावनस मंज़ जान। पनुन्य च्यथ हमेशि छस सम रोजान।।
- 11. सर्व शक्तिमान दयस सार्युक स्वामी मानान। श्रदा बावु लोलु सान दयस गारान।। शोद दीशस ईकान्तस मंज़ रोज़ुन यछान। बुलहावस्यन हुंज़ छस नु प्रय आसान।।
- 12. आत्मा ज़ॉन्य हुंद बजर युस ज़ीव मानान।
 परम पौज़ युस मनुश पॅज़रावान।।
 छुस बु अथ सॉरिसुय ग्यानु रुफ मानान।
 अथ व्यपरीत यिति केंह छु अग्यान आसान।।
- 13. यि ज़ानन युग्य, जान पॉठ्य दिमय पज़रुक ग्यान। छु ज़ॉनिथ मनुशय परमानन्द प्रावान।। ज़न्मु रोस ब्रह्म छु ऑदीन मेय आसान। येमि संसॉर्य नु सु कार न कारन आसान।।

- 14. परम ब्रह्मस अथु खोर छि च्वापॉर्य आसान। च्वापॉर्य नेथुर कल तु बुथ्य छिस आसान।। बोज़ुवुन्य कन छिस च्वापॉर्य आसान। सारिनुय ह्यथ येमि संसॉर्य सु छु रोज़ान।।
- 15. योद सारिनुय येन्द्रेयन हुंद सु मूलु कारण। तोति पानु येन्द्रेयव रोस छु आसान।। आशायि रोस सारिनुय पालान प्यतरान। न्यरग्वन ऑसिथ सु ग्वनन छु बूगान।।
- 16. सारिनुय च्रर अच्रर बूतन ॲन्दुर्य नेबुर्य वास करान। ज़ॉहेरी नज़रव वुछिय तु ज़ॉनिय छिनु ह्यकान।। आत्मा रुफ सारिनुय छु नज़दीक रोज़ान। श्रदायि रोस अग्यॉनियन दय दूर बासान।।
- 17. योद सारिनुय ज़ीवन मंज़ दय ब्योन ब्योन बासान। चृकि छु सु कुन तु कीवल आसान।। विष्णु रूप ज़ींवन पालान तु प्यतुरान। ब्रह्य रुफ पाँदु करान तु रुद्व रुफ संहार करान।।
- 18. प्रकाशवान चीज़न सु तीज़ दिनु वोल जान। संसार्य अंदकारु निश सु दूर आसान।।

सुय ग्यान तु ग्यानु सुत्य ज़ॉनिथ तु प्रॉविथ ह्यकान। सारिनुय ज़ीवन हुंदिस हृदयस मंज़ सु वास करान।।

- 19. यिथु पॉठ्य कर्म ख्येत्र तु अथ ज़ानन वोल तु बैिय ग्यान। छोटिस मंज़ वुन्युखतान्य मे द्युतमय ग्यान।। अथ पूरु पॉठ्य म्यॉन्य बॅखुत्य कीवल छि समजान। यिथु पॉठ्य म्योन स्वबाव तिम छि प्रावान।।
- 20. प्रकृथ तु ज़ीव आदि रोस गछि ज़ानुन। प्रकृंच पाँदु तिहिंन्दय ग्वन तु वैकार मानुन।।
- 21. येन्द्रेय शारीर पाँदु करुनच प्रकृथ हीतू जान। ज़ीव संसाँर्य स्वख द्वख बूगनुक हीतू बनान।।
- 22. ज़ीव प्रकृंच हुन्द्य त्रेग्वनन हृंद्य बूग बूगान।
 छु बूगान बूगान वाँसा कडान।।
 अमि प्रकृंच हृंदि संगु सुत्यन ज़ान।
 सु जान नाकारु यूनियन मंज़ ज़न्म ह्यवान।।
- 23. आत्मा रुफ शरीरस मंज़ दीव प्वरुष छु रोज़ान। यस परमीश्वर परम स्वॉमी छि वनान।। सु सॉख्यी तु ऑगिन्या दिनु वोल आसान। युस परमात्मा मानुनु छु यिवान।।

- 24. यिथु पॉठ्य प्वरुष बैिय प्रकृथ ग्वनव सान। द्वरावय इकुवट तु कुन युस ज़ानान।। यथ हालस मंज़ दोह येति गुज़ारान। येमि संसॉर्य छुनु बैिय ज़न्म ह्यवान।।
- 25. केंह ध्यान सुत्य पानस मंज़ दय डेंशान। केंह ग्यान केंह कर्म यूगु सुत्य दय लवान।।
- 26. दिय जॉन्य हुंज़ यिमन ज़ान यिथु पॉठ्य छेनु आसान। बूज़िथ बेयन निश दय तिम छि पूज़ान।। ज़ॉन्य कारन निश यिम छि बोज़ुन यछान। ज़्यनु मरनु रुफु सागरस छि तिम अपोर तरान।।
- 27. ही अर्ज़न ज़िंग मंज़ चर अच़र प्रॉनी ज़ान। यीत्या छुख वुछान छि पाँदु सपदान।। शरीर कर्म बूमी तु तथ ज़ाननवोल कीवल। द्वशवय मीलिथ यिमन पाँदु करान।।
- 28. दय सॉरिनुय शरीरन मंज़ आत्माहस सुत्य रोज़ान। छुनु आत्मा अथ नशवर शरीरस मंज़ मरान॥ न नाशस ज़ांह परमात्मा छु गछ़ान। चृकि युस यि ज़ानान सुय दय छु ड्रेंशान॥

- 29. युस सॉरिसुय तु सारिनुय मंज़ समबावु ईश्वर वुछान। दिय सुंद आसुन च्वापॉर्य मनु किन्य मानान। पनुन्यन नज़रन मंज़ छुनु सु पथर प्यवान। परमु गथ पानय सु छु प्रावान।।
- 30. बेशक सॉरी कर्म यिम करुन्य छि आसान।
 प्रकृंच सुत्यन तिम अंद छि वातान।।
 आत्महस न करनवोल युस ज़ानान।
 पॅज्य किन्य सोरुय सु छु डेंशान।।
- 31. येलि ज़ीवन हुंज़ सु रंगु रंगु सूरॅच वुछान।
 तिमन मंज़ कुन दय सु छु डेंशान॥
 मानान दय सुंदि सुत्य हुर्यर पूर्यर गछान।
 सु ब्रह्म तिम विज़ि पॉनय पानय बनान॥
- 32. योद आत्मा दीहस मंज़ वास करान।
 तोति ही अर्ज़न आदि रोस तु न्र्यग्वन सु ज़ान।।
 पॅज़्य किन्य कांह कर्म छुनु सु पानु करान।
 न कुनि सुत्यन छुस कांह असर प्यवान।।
 - 33. विश्व पॉठ्य साफ बेयि शफाफ प्यठु असमान। छुनु पानि, रिब तु गर्दि सुत्य मॉलु सपदान।। तिथय पॉठ्य आत्मा शरीरस मंज जान। शरीरुक्यव ग्वनव छुनु वॅलिथ रोजान।।

- 34. यिथु सॉरिसुय ब्रह्मांडस, कुन सिर्यि गाशिरावान। तिथु कर्म बूमी (शरीरस) आत्मा छु गाशिरावान।।
- उ5. ग्यानु नेश्वरव किन्य ख्येत्र तु ख्येत्रज्ञ सुंज़ फर्क ज़ान। पॅज़्य किन्य यिम मनुश ज़गतुक्य छि ज़ानान।। मुछि बन्दनव रोज़नुच वथ यिम छि ज़ानान। परमब्रह्म छि तिम ज़ीव प्रावान।।



भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ त्रुवॉहिम अद्या वॉच अंद। यथ नाव छु "ख्येत्र ख्येत्रज्ञ बागनय यूग"।

ക്കരു

च्वदॉहिम अद्या

श्रु भगवानन वोन

- ग्यानव मंज़ अख स्यठाह श्रेष्ट ग्यान।
 बु वनय दुबारय चु रोज़ बोज़ान।।
 सॉरी साद तु संत प्रॉविथ युस ग्यान।
 दीह त्रॉविथ परम स्यदी छि प्रावान।।
- अथ ग्यानस मंज़ रूज़िथ ध्यर बोज़वान।
 म्योन ह्यू दिव्य स्वबाव छि प्रॉविथ ह्यकान।।
 यिथु पॉठ्य ध्यर रूज़िथ छुनु बेिय ज़न्म ह्यवान।
 न प्रलिय कालस व्याकुल छु सपदान।।
- उ. म्यॉन्य थॅज़ प्रकृथ बूतु यूनी छि आसान। छुस चीतन अंश रूपु गर्बसमंज़ थवान।। तिम मूल तु चीतन हुंदि कुनिय म्युल गछ़नु जान। सारय बूतु ज़ॉच् छि पॉदु सपदान।।
- 4. नाना प्रकॉर्य सारिनुय यूनियन मंज़ ज़ान। मूर्च यीचा छि पॉदु सपदान।। प्रकृथ तिहिंज़ गर्बु मोज्य छि आसान। ब्योल थवन वोल छुस बु मोल आसान।।

- 5. संसॉर्य प्रकृष त्रेन ग्वनन हंज़ छि आसान। ही अर्ज़न सतू र्ज़ू तमू ग्वन यिम ज़ान।। ज़ीव आत्मा बैयि शारीर कुन कीवल ज़ान। त्रेशवय ग्वन गॅन्डिथ छिख थावान।।
- 6. ही नेशपाप यिमन त्रेन ग्वनन मंज़ सतू ग्वन ज़ान। स्यठाह स्यद तु ज़ीवस छु गाशिरावान।। अमि ग्वन सुत्य ज़ीव पापव छु म्वकलान। मगर स्वख तु ग्यानुक्य निश गॅन्डिथ छि रोज़ान।।
- काँख्या तु तृश्ना रज़ो ग्वनु सुत्य पाँदु सपदान।
 अमि किन्य छि मनुश सकाम कर्म करान।।
- 8. अग्यानु किन्य तमू ग्वन छु पाँदु सपदान। सारिनुय दीह दाँखिन मुंह ज़ालस फॅसुरान॥ आलुछ़ नेन्द्र बेयि पागलपनु सान। यिम अवग्वन ज़ीवस छिय गिलुवान॥
- 9. ही बारत सतूग्वन ज़ीवस स्वख काँछनावान।
 रज़्ग्वन, सकाम कर्मन कुन लागान।।
 तमू ग्वन सुंद ग्यान छु वॅलिथ रोज़ान।
 पागलपनुक बूत छुस सवाँर्य करान।।

- 10. कुनि विजि सतूग्वन, रज़ूग्वन बैयि तमूग्वनस। कुनि विजि रज़ूग्वन सतू बैयि तमूग्वनस।। कुनि कुनि तमूग्वन सतू तु रज़ूग्वनस। अख ॲकिस हारनॉविथ पानु सरस बिृहान।।
- गाशिरन ग्यान सुत्य येलि यिनु शरीरुक्य द्वार।
 सतूग्वन गिंछ जानुन गव इज़हार।।
- 12. स्यठाह ज़्यादु रज़्रावनस मंज़ येलि मनुश फटान। सु तेलि स्यठाह ज़्यादु आसक्त छु रोज़ान।। बेकाबू यछायि, सकाम कर्म बेिय लूबु सान। यिम अवग्वन रज़्रावन मनशस ज़ेवरान।।
- 13. येलि तमूग्वनस मंज़ छु हुर्यर सपदान। क्र्च कर्तव्य कर्मन हुंज़ छस न रोज़ान।। अग्यान गटु पागलपन तु मुंह सान। तमूग्वन सुत्यन यिम छि प्रखटान।।
 - 14. सतूग्वन ज़ीव येलि दीह छु त्यागान।
 गुत्य कर्मियन हुंद श्रेष्ट लूक छु प्रावान।।
 - 15. रज़्र्ग्वनी येलि संसॉर्य दीह त्यागान।
 कर्म फल यछन वाल्यन मनुश यूनियन मंज़ ज़्यवान।।

तमूग्वनी मरनु पतु क्योम क्रील तु ज़ानवर सान। बैयि वॅसिथ यूनियन मंज़ ज़न्म ह्यवान।।

- 16. प्वन्य कर्मन हुंद फल छु न्यर्मल आसान। छि तिमय सातिवक िय फल मानान।। फल र्ज़ूग्वन कर्मन कीवल द्वख छु आसान। तामस कर्मन हुंद फल अग्यान छु आसान।।
- रज़्ग्वन सुत्य लूब सत्ग्वन सुत्य ग्यान।
 तामसु सुत्य लटुगी मुंह तु अग्यान।।
- 18. सत्ग्वनी स्वर्ग तु थॅद्य लूक प्रावान।
 मनुश लूकस र्ज़्ग्वनी छु ज़न्म ह्यवान।।
 आलुछ़, नेन्द्र लटगी बेयि नरुक तामसी प्रावान।
 कॅम्य या पोश्य वॅसिथ यूनियन मंज़ ज़न्म ह्यवान।।
- 19. त्रे ग्वनव रास छुनु कांह बेिय करनवोल। युस मनुश आसान व्यचारन वोल।। त्रेग्वनु रास में दयस सुंज़ छि करान पॉर्यज़ान। तिमय सातु म्योन स्वरूप सु छु प्रावान।।
- 20. प्रकृंच हृंद्य त्रेग्वन रुफ सागरस ज़ान। येलि येमिय शारीर ज़ीव वाठ ताॅरिथ ह्यकान॥

ज़्योन मरुन बुजरुक्यव कष्टव म्वकलिथ हाकान। यैमिय दीह अमृत दाम चथ हाकान।।

अर्जुन दीवन वौन

21. ही भगवानु युस अथ ग्वनु रूपु सागरस तरान। लख्यन तसुंद्य वनतु किथ्य छि आसान।। तसुंज व्वथु बेठ वनतु किछ् छि आसान। किथ ग्वन रुफ सागरस अपोर तॅरिथ ह्यकान।।

श्रु भगवानन वोन

- 22. ही अर्ज़न प्रकाश, प्रवृथ तु मुंह ज़ाल ज़ान। स्वकृंच रज़ूकृंच तु तामस फल छु आसान।। नमूदार गॅिछ्थ युस नु तथ नकुहथ करान। न लुप्त गॅिछ्थ ज़ांह सु छु क्रेशान।।
- 23. साँख्यी बॅनिथ युस ज़ीव सोरुय वुछान। प्रकॅच हुंद्य ग्वन कार करान छु व्यचारान।। पॉर्यज़ान गॅळ्रिथ थ्यर दय द्यानस मंज़ रोज़ान। सु थ्यर द्यानु सुत्य ज़ांह अरु छुनु यिवान।।
 - 25. युस द्वखस स्वखस सम बावय व्यचारान।
 किन, मैचि बेयि स्वनस कुन्य नज़र करान।।

टोठ अटोठ सु ग्यॉनी छु हियुवुय मानान। नेंद्यायि, प्रशंसायि मंज़ राम सु रोज़ान।।

- 26. युस मान तु अपमानस मंज़ सम छु रोज़ान। मेथ्रुर तु शेथ्रुर ह्युवय छु मानान।। कर्मन मंज़ कर्ता आसनुक बाव यस नु आसान। तस्य प्वरुषस छि ग्वनातीत वनान।।
- 27. सर्व शक्तिमान वासुदीवस स्वामी युस मानान।
 श्रदा तु प्रेयमु बावय युस मे पूज़ान।।
 त्रेग्वन रूपु सागरस अपोर छु तरान।
 पॅज़य किन्य परमब्रह्म सु प्रॉविथ ह्यकान।।
- 28. बुय न्यराकार छुस, ब्रह्म रुफ सायबान। यस अमर तु नाशि रोस सॉरी वनान।। नेत्य दर्मुक च्यून बेिय परातन मे जान। डोख अछ्योन, यखरस तु आनन्दुक मे जान।।

भगवत गीतायि हुंदिस व्यपिनशदस मंज़ श्री कृष्ण तु अर्ज़न दीविन ब्रह्म ग्यान तु यूग शास्त्रिचि कथ बाथि हुंज़ च्वदहॉमि अद्या वॉच् अंद। यथ नाव छु "प्रकृच् हुंद्य त्रे ग्वन बागनुय हुंद यूग"।

पन्दॉहिम अद्या

श्रु भगवानन वोन

- ज़ानान युस संसार रुफी पीपल कुलिस मूल सान।
 सुय वीद ज़ानन वोल छु आसान।।
 आदि प्वरुश परमीश्वर अमि कुल्युक मूल आसान।
 ब्रह्म रुफ लंजि अमिचि तु वीद वॅथुर छि आसान।।
- अमि कुलिचि लंजि हेरि ब्वनु फुलिथ आसान। येन्द्रेयन हुंदि वेशय तिहिरि सान ग्वनव सुत्य फबान।। मनिश जॉच हुंद्य सकाम कर्मव सुत्य गॅडिथ बासान। अहं बेयि रागु रुफु मूल ब्वन कुन ति दिवान।।
- उ. ऍज्य किन्य संसारय अम्युक रुफ अनुबव छिनु कॅरिथ ह्यकान। न अम्युक ग्वड, अंद न आसुन वुछिथ ह्यकान।। मनशस पिज़ अमि कुलिक्य सॅन्य मूल ज़ानुन्य। वॉरागु रुफु शस्त्र चॅटिथ छुनुन्य।।
- 4. तिम पतु तिछ जाय पिज मनशस छारुन्य। योत गॅिछ्थ पेयि नु जांह तस पोत फेरुन। तित तस भगवानस निश शरन गछुन। प्रथ केंह येमि सुंद्य सुत्य पतुव्य प्युठ ज्यवान तु फबान।।

- 5. युस अपिज मानु, मुह क्वसंग रोस दयस जानान। युस संसार्य काम, स्वख तु द्वखु निशि मुिछ आसान।। परम प्वरुशस मुह रोस शरन गछुन यिम जानान। छिय तिम सुय परमु पद प्रावान।।
- 6. न सिरियि, चृन्द्रम न वुज़मल ॲग्न ज़ान। म्यॉनिस परम दामस गाशिरावान।। यिम संसॉर्य मनश तथ दामस छि वातान। छिनु तोत वॉतिथ पतु पोत फेरान।।
- 7. यथ शरीरस मंज़ सनातन आत्मा ज़ान। छु परमात्मा सुंद अंश आसान।। प्रकृंच सुत्य मीलिथ पाँछ़ येन्द्रेय मनु सान। तिमन पानस कुन छु मूहित करान।।
- श्रुव तिथय पॉठ्य आत्म बॉज़ बेयिस शरीरस मंज़ निवान। यिथु पॉठ्य हवा मुशुक पानस सुत्य निवान।। यिथु पॉठ्य अख शरीर सु छु दारन करान। दीह त्याग कॅरिथ दोयिम शरीर दारान।।
 - विथु पॉठ्य दोयिम शारीर छु मनुश प्रावान।
 ॲछव त्वछ़ कनव ज़्यिव निस्ति तु मनु सान।।

ज़ीवात्मा युहुंद आश्रय छु निवान। वेशयन हुंद्य बूग यिहिंदि सुत्य बूगान।।

- 10. किथु ज़ीवु शरीर त्यागान, किथु शरीरस मंज़ रोज़ान।
 किथु प्रकृंच हुंदव ग्वनव ऑदीन बूग बूगान।।
 अग्यॉन्य समजिथ न ज़ॉनिथ छि ह्यकान।
 ग्यानु रूपु नेथुरव ग्यॉनी छि ज़ानान।।
 - 11. आत्म ज़ान प्रॉविथ यत्न करन वॉल्य यूगी ज़ान। छि नॅन्य पॉठ्य सोरुय वुछिथ तिम ह्यकान।। आत्म ज़ॉन्य रास युहुंद मन फोलमुत छुनु आसान। यत्न कॅरिथ अग्यॉन्य छिनु आत्मा ज़ानान।।
 - 12. सिरियि सुंद युस तीज़ ज़िंग गाशिरावान।
 युस तीज़ चॅन्द्रमस मंज़ छु आसान।।
 युस तीज़ ॲग्नस छुय ज़ोतुनावान।
 सोरुय सु म्योन तीज़ रोज़ ज़ानान।।
 - 13. सारिन्य लूकन मंज़ गॅछ़िथ ज़ीवन दारन करान।
 पनि शिख्तिय सुत्य छुस तिमन बु पालान।।
 रसु रुफु अमृत बॅरिथ चॅन्द्रमु मे ज़ान।
 युस दवा तु जिडयन छु फोलुरावान।।

- 14. सारिनुय ज़ीवन मंज़ श्रपनुक ॲग्न वेशवानर में ज़ान। मीलिथ प्रान अपानस सुत्य अन्न च़ु कुस्म श्रोपरान।।
- 15. सारिन्य ज़ीवन हृंद्यन दिलन मंज़ बु वास करान। म्यानि सुत्य ज़ीवस याद, मशरब तु ग्यान आसान।। वीदव किन्य साॅरी छि मे ज़ॉनिथ ह्यकान। वीदान्तुक कर्ता तु वीद ज़ानन वोल मे ज़ान।।
- 16. येमि संसारय दु कुसमु छि इन्सान। अख अविनॉशी दौयिम छु नाशवान।। सारिनुय बूत जॉचन हृंद्य छि शरीर नाशवान। जीवन हुंद आत्मा अविनॉशी आसान।।
- 17. यिमव द्वयव मंज़ व्वत्यम छु ब्याखुय आसान। युस त्रेयलूकी मंज़ सारिनुय पालन तु रछान।। त्रेन लूकन हुंद सु भगवान आसान। तस छि अविनॉशी परमेश्वर परमात्मा वनान।।
- 18. अविनॉशी तु नाशवान द्वशवुन्य निश ब्योन मे जान। सारिनुय मंज छुस बु श्रेष्ट माननु यिवान।। सारिनुय लूकन मंज़ बेयि वीदन मंज़ जान। व्यत्यम प्वरुश छुस बु माननु यिवान।।

- 19. युस ति कांह संशिय रास व्यत्यम व्यक्तिश रुफु दय मे मानान। सोरुय ज़ाननवोल सु छु-आसान।। ही अर्ज़नदीव लोल बेयि मायि सान। ख्यनु ख्यनु में वासुदीवस छि पूज़ान।।
- 20. ही नेशपाप अर्ज़न यिथि राज़ुक ज्ञान। वुन्युख तान्य रूदुख म्यानि दॅस्य बोज़ान। पूरु पॉठ्य अमि ग्यानुच कॅरिथ पॉर्यज़ान। छु ज़ीव ग्यानुवान तु परिपूर्न बनान।।



भगवत गीतायि हुंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ पंदहॉहिम अद्या वॉच़ अंद। यथ नाव छु "प्वरशूतम यूग"।

ക്കരു

शुरॉहिम अद्या

श्रु भगवानन वोन

- नेबुर्य श्वद मनु ध्यान यूगस मंज़ थ्यर रोज़ान। यन्द्रेय वशस मंज़ बैिय सतुक दान करान।। वीदु मंत्र परान परनावान तु यग्य सम्पन्न करान। र्स्वदम बापथ कष्ट तुलिथ स्यज़र वर्तावान।।
- मनु, वॉनी, शरीरु सुत्य नु काँसि कष्टु दिवान। अव्वपकार करन वॉलिस प्यठ छु नु क्रूद करान।। प्ज्ययोर, कर्ता आसनुक त्याग, मन शान्त शराफत दया। लूबु रास, लूकु लज़ा, नहकुच चेष्टा तु करुन्य न नेनद्या।।
- उ. ख्यमाबाव ह्यमथ पोज़ व्यवहार तु तीज़वान। ही अर्ज़न काँसि सुत्य शेत्रुथ छुसनु आसान।। न पानस मंज़ बजर, थज़रुक न अबिमान। दैवी सम्पदा रुफु पाँदु प्वरुश सुंद्य विम लख्यन छि आसान।।
- अबिमान, अहं गमन्ड, क्रूद कठोर तु अग्यान।
 असरु स्वबाव ज़ीवन हुन्द्य ग्वन यिम छि आसान।।

- 5. दैवी स्वबावुक्य ज़ीव मूख्यदाम प्रावान। असुर स्वबावुक्यन छि बन्दन गन्डान।। ही अर्ज़न दीव म कर व्वन्य शूक चुय। दैवी स्वबावु ग्वन ह्यथ छुख ज़ामुत चुय।।
 - 6. येरिलूकु मंज़ दुकुसमु ज़ीवु ज़ॉच ज़ान। अख दीवी दोयिम असुर स्वबावुक्य छि आसान।। द्वयव मंज़ दीव प्रकृंच हुंद द्युतमय ग्यान। असुर स्वबाव ज़ीवन हुंद बोज़ व्यस्तारु सान।।
 - 7. क्वसु कॉम गिछ करुन्य क्वसु करुन्य छेनु जान। असुर स्वबावक्यन छेनु अमिच पहचान।। ॲन्दिरिम तु नैबिरिम श्वज़र छुख नु आसान। न रुत आचार छुख, न छि पौज़ वनान।।
 - 8. ज़ग मध्या तु आदारु रोस छि असुर स्वबावुक्य वनान। छुनु कांह ईश्वर यि संसार बनावान।। व्यबचारु सुत्यन मनुश पाँदु सपदान। अमि रोस छिनु कांह दौयिम कारन तिम मानान।।
 - पनुन्यव नेशर्कमव आत्मा छिनु प्रज़ुनावान।
 कष्ट दिनु वाल्यन कर्मन कुन छि फेरान।।

तिम संसॉर्य क्वकर्मव सुत्य व्यवहार करान। यमि किन्य ज्गतस वेनाश छु सपदान।।

- 10. काम, वेशय बूगन हुंद दामानु रॅटिथ।
 छोच्न गमंड दुफन दलॉज्य मुहस मंज़ फॅटिथा।
 यिथु पॉठ्य असुर नाशवान व्यवहार किन्य जान।
 नेशकर्मन हुंद व्रत छि दरान।।
- 11. बय बेिय च्यंतायव सुत्य मरनु ब्रोंठ्य मरान। वेशय बूग बूगनस सरस रोज़ान।। संसारस मंज़ नेथुरु स्वख सोरुय छि मानान। असुर स्वबावुक्य यिय छि व्यचारान।।
- 12. लछुबँद्य यछायन हुँदिस जालस फॅसिथ। कामुच तु क्रूदुच प्यठ पख वुरिथ।। काम बूगव सुत्य येन्द्रेय तृप्त करान। नेशकर्मव सुत्य दनु संच्यथ थवान।।
- 13. अज़ में निश यूता दनु छु आसान। बुधि ति रोज़्यस हुर्यर बैयिहन गछान।। सु यछायि सारय प्रावुन्य छु यछान। असुर स्वबावुक्य यिहोय ध्यान दरान।।

- 14. हु श्रेथुर मोरुम व्वन्य हुम श्रेथुर मे मारुन्य। बु सार्युक स्वॉमी मे ऑश छिम करुन्य।। बु पानय छुस स्यद स्वखी बेिय बलुवान। असुर स्वबावुक्य यिय छि वेचारान।।
 - 15-16. छुस स्यठाह दनुवान बोड कोटम्बुवोल बु आसान।

 में ह्युव कांह छुन स्वखी बैिय शिख्तिमान।।

 यंज्ञ कॅरिश्य तु दान दिश्य आनन्द बु रोज़ प्रावान।

 व्यव्गॅरिश्य यिम अग्यॉन्य रुफ असुर मुंहुस मंज़ फटान।।

 नाना प्रकॉर्य मुंहु रुफ़ ज़ालस लॅगिश्य।

 वेशय बूगन हुंज़ अन्दर्य वासना शॅविश्य।।

 यिम अवग्वन असुर स्वबावुक्यन छि आसान।

 स्यठाह वॅसिश्य नर्कन मंज़ छि यिम गछान।।
 - 17. निश (गमंड) सुत्य पनुन पान सारिनुय थोद मानान। दनु, मानु अपुज्य यश मुहस मंज़ फसान।। कुनि वेदी वेदानुक पालन छिनु करान। कुनि कुनि नाव बापथ अहं सुत्य यँग्य करान।।
 - 18. अहंकार, बल, गमंड, क्रद तु कामस शरन गछान। असुर ज़ीव दर्मस छि नेन्दया करान।। पनुनिस पानस बेिय दौयिमन जीवन मंज़ ज़ान। में अंर्तयॉमियस छि नकुहत करान।।

- 19. यिमन वुरी क्रूर कर्मियन बेिय नीच मनुशन जान। असुर यूनियन मंज़ हर हमेश बु सोज़ान।।
- 20. ही कोंती पोश्चर असुर यूनी यिम प्रावान।
 तिम बारम्बार छि ज़न्म ह्यवान।।
 मे भगवानस निश तिम ज़ांह छिनु वातान।
 वारु वारु अदम गथ तिम छि प्रावान।।
- 21. अथ नरकस अच्नुक्य त्रे द्वार छि आसान। काम क्रूद बेयि लूब यिम त्रे द्वार जान।। पिज़ ब्वज़वानस फुटरुन्य त्रेशवुय द्वार जान। यिमव सुत्य आत्माहस नाश छु सपदान।।
- 22. ही अर्ज़न त्रे द्वार यिम नरकुक्य फुटरावान।
 पनुनि रॅति बापथ तिम व्यवहार करान।।
 यिथु पॉठ्य वारु वारु परम गथ तिम प्रावान।
 या तिम में दयस निश छि वातान।।
- 23. शास्त्र वृदी वेदान युस मनुश छुनु मानान। पनुन्य मनमानी व्यवहार तिम करान।। छिनु कांह स्वख नु स्यदी कांह प्रावान। न परम गथ तिम छि प्राॅविथ ह्यकान।।

24. कर्तव्य, अकर्तव्य वन कथ छि वनान।
शास्त्र ज़ानुन छु तम्युक प्रमान।।
ज़ॉनिथ वेदी वेदानुक शास्त्र ग्यान।
चु नेत्य कर्मन हुंद पानस युग्य ज़ान।।



भगवत गीतायि हुंदिस व्वपनिशदस मंज़ श्री कृष्ण तु अर्ज़न दीविन ब्रह्म ग्यान तु यूग शास्त्रचि कथ बाथि हुंज़ शुरॉहिम अद्या वॉच् अंद। यथ नाव छु "दीव तु असुरन हुंदि सम्मद् बागनय हुंद यूग"।

8003

सदॉहिम अद्या

अर्जुन दीवन वौन

1. शास्त्र वेदी रोस युस मनुश श्रदायि सान। दीव आदि दीवन हुंज़ पूज़ा करान।। ही कृष्ण तिम कथ पदस प्यठ छि आसान। छा तिमन सतू, रज़ू या तमूखनी वनान।।

श्रु कृष्णन वोन

- शास्त्र संस्कारुव रोस स्वबाव पाँदु मनशस जान।
 त्रे कुसमु श्रदा तिमन मंज़ छि आसान।।
 तथ मंज़ सतू, रज़ू तु तामस छु यिवान।
 व्वन्य तिय बु वनय चु रोज़ बोज़ान।।
- यिथ्य ज़ीवस अंत:कर्न तिछ छस श्रदा आसान।
 ही बारत, यस यीच श्रदा त्युथ सु पानु आसान।।
- सत्ग्वनी दीवन र्ज़्ग्वनी राग्यसन यछन पूज़ान।
 तामसी बूत प्रेतन छि पूज़ान।।
- गमन्ड, अहंकार बेयि कामनायि सुत्यन।
 रागु बेयि बलु अबिमानु सुत्यन।।

शास्त्र वेदि रोस हिरि यिय छुख खसान। तथ्य प्यठ गोर तफ बेयि छि व्रत दरान।।

- 6. यिथु पॉठ्य यिम पनुनिस शरीरस सान। अंत:कर्नन मंज़ बिहिथ दयस में कष्ट दिवान।। पॅज़्य किन्य ब्वजुहीन यिम मनुश छि आसान। यिमन अग्यॉन्य्यन असुर स्वबावुक्य वनान।।
- 7. पनुन्य पनुन्य स्वबावुक्य सारिनुय बूतन। छिख टॉठ्य आसान त्रे कुसमु बूज़न।। तिथु पॉठ्य ह्वन, तप, दान त्रे कुसमु छु आसान। ब्योन ब्योन मतलब वनय चु रोज़ बोज़ान।।
- 8. आय, स्वब्बद, बल नैरूग तु स्वख दिनु वोल। नर्म रसदार शरीरस पोछर दिनु वोल।। स्वबावु किन्य यिम बूज़न मनस प्रेयान। तिमय सत्विरुशस छि टॉठ्य आसान।।
- 9. टेठ्य च्रोक्य वृशिन्य बेयि यिम ख्यन फीरिमुत्य।

 मर्चुवांगन हिव्य टेठ्य होखिमुत्य तु दॅदिमुत्य।।

 यिम ख्यन द्वख फिकिर तु रूगन पाँदु करान।

 तिमय ख्यन र्ज़ूगोनियन टाॅठ्य छि आसान।।

- 10. युस बूज़न वान्टल मंज़ रोस तु दोर्गन्द वोल। कालुक, छ़य्गेट तु अश्वद आसन वोल।। बैिय युस बूज़न काँसि नकोरमुत आसान। यिम बूज़न प्रेयन वाल्यन छि तामसी वनान।।
- 11. शास्त्र वेदी वेदान कर्तव्य मॉनिथ ज़ान। यिमव मनुशव दंस्य यग्य करनु छु यिवान।। यिम लुख ज़ांह फलुच कामना छिनु करान। तिम यग्य सात्विक यग्य छि माननु यिवान।।
- 12. फल बुथि थॅविथ नकबथ सुत्य युस ह्वन करान। ही अर्ज़न दीव सु यग्य चु राजस जान।।
- 13. शास्त्र वेदी वरॉय तु अन्नदानु वरॉय।

 मंत्रव वरॉय बेिय दिखनािय वरॉय।।

 श्रदािय वरॉय युस यग्य छु करनु यिवान।

 तथ यग्यस तामस यग्य छि वनान।।
- 14. पूजुन दीवता, ब्रह्मन तु मॉज मोल। बेिय पूजुन ग्यॉनी, जि़छर वर्तावन वोल।। शवद मन, सादगी, ब्रह्मचार्य अहिंसा ज़ान। यिमन सारिनुय शारीयुक्य तफ छि वनान।।

- 15. वेरूद तुलन वॉल्य शब्द पॅज्य, टॉठ्य तु ह्यतुकॉरी। वीद शास्त्रन परुन थवान जॉरी।। अभ्यास यूग ईशवर सुंद नाव ज्पान। वॉनी हुंद तफ तॅथ्य छि वनान।।
- 16. मनुक संतोश क्वट्यल बावु रास गम्बीर तु आत्म संयमु सान। श्वद स्वबाव सान मनुक तफ यिमन वनान।।
- 17. फल नु यछन वॉल्य यूगी परम श्रद्धायि सान।
 यिम त्रेशवय सात्विक तफ छि करान।।
- 18. युस तफ अहं किन्य मानु, शानु बापथ करनु यिवान। सत्कार बेिय पूजा करनु बापथ अंद वातनावनु यिवान।। तथ तफस र्ज़ूग्वन तफ छु वननु यिवान। युस नु रोज़ुबुन नु टिकुबुन छु आसान।।
- 19. युस तफ मुर्खु बोज़ किन्य हटु सुत्य छु करनु यिवान। मन, वॉनी, शरीरुकि कष्टुक छु सादन बनान।। या बेयि ज़रर वातनावानु दादि करनु यिवान। तथ तफस तामस तफ छि वनान।।
 - दोश तु काल वुिछथ दान द्युन फर्ज़ मानान।
 युस निनस लायख छि तस्य दान दिवान।।

व्वपुकार करनु गर्ज़ु रोस युस दान दिनु यिवान। सु दान सतूग्वन माननु छु यिवान।।

- 21. युस दान जबरन तु व्वपुकार किन्य दिनु यिवान। फलुच कांख्या थॉविथ दानस छि राजस वनान।।
- 22. सत्कारु रोस अपमान कॅरिथ युस दान दिनु यिवान। क्वपात्रस अयुग्य दीश कालस मंज़ दिनस तामस वनान।।
- 23. 'ओम तत सत' परम ब्रह्म सुंद्य त्रे पद छि आसान। या त्रेयव नावव दयस छि स्वरान।। येमि सुंदि ऑग्यिनायि संसार पॉद सपदान। ब्रहमुन, वीद, मंत्र बैयि ह्वनु सान।।
- 24. वीद मंत्र परनवॉल्य श्रेष्ट प्वरुश शास्त्र वेदी सान। यग्य दान तु तफ रुफु क्रॅयािय करान।। हर हमेशि ओम सुत्य क्रॅयायन दस तुलान। तस परमात्मा सुंद नाव ग्वडुन्यथ ह्यवान।।
- 25. प्रथ कुनि विज़ि यिम मनुश 'तत' शब्द स्वरान।
 यि सोरुय परमात्मा सुंद तिम छि मानान।।
 अमि बावु फलुच कामनायि रोस कल्याण मंगान।
 नाना प्रकॉरी यग्य, तप तु दान छि करान।।

- 26. यिम मनुश पज़ि बावनायि बिंड ठकु ठकु सान। दय सुंद नाव 'तत्' सुत्यन ह्यवान।। ही अर्ज़न दीव यिम पर्व कर्म आसान। सत शब्द ग्वडुन्यथ ह्ययनु छु यिवान।।
- 27. तफ, दान, हवनुक प्रसाद सथ छु रोज़ुवुन आसान। दय नाव कर्म करनस छि सथ वनान।।
- 28. श्रदायि रोस दान, तोपमुत तफ बेयि हवनु सान। बेयि कांह ति श्वब कर्म सोरुय असथ जान।। न येरिलूक न परिलूक तस मनशस जान। श्रदायि रोस कांह कर्म कोरमुत तारान।।

भगवत गीतायि हुंदिस व्वपनिशदस मंज़ श्री कृष्ण तु अर्ज़न दीविन ब्रह्म ग्यान तु यूग शास्त्रचि कथ बाथि हुंज़ सदॉहिम अद्या वॉच अंद। यथ नाव छु "त्रेयि प्रकॉर्य श्रदायि हुंद यूग"।

अरदॉहिम अद्या

अर्जुन दीवन वौन

- ही बिजि निर वालि अंतियामी वासुदीव भगवान।
 बु सन्यास तु त्यागुक अर्थ ब्योन ज़ानुन यछान।।
- युस कर्म, यग्य, दान तु तफ वासनायि सुत्य करनु यिवान। तथ कामनायि कर्म त्यागस पॅन्डित छि सन्यास वनान।। यिम रॅत्य कर्म कॅरिथ कर्मु फल छि त्यागान। अनुबवी मनुश तथ त्याग छि वनान।।
- उ. प्रथ कांह सकाम कर्म दूशव बॅरिथ व्यच्नॅरिथ। त्यागुन्य पज़न केंह व्यदवान छि मॉनिथ।। यॅग्य, दान तु तफु गुफी सॉरी कर्म ज़ान। पज़न नु त्यागुन्य केंह व्यदवान छि मानान।।
- 4. ही बरत श्रेष्ट अर्ज़न दीव रोज़ च़ु बोज़ान। त्यागुक मानि क्याह कथ छि त्याग वनान।। ही शेरि नर म्यानि टाठि अर्ज़न ज़ान। त्रेन कुसमन हुंद त्याग छि शास्त्र वनान।।

- 5. यॅग्य, दान तु तपु रुफ कर्म छिनु त्यागुन्य आसान। तिम कर्तव्य कर्म मनुशस छि आसान।। यॅग्य, दान, तफ रुफ कर्म सॉरी जान। बोज़वान सुंद मल यिम छि छलान।।
- 6. मनशस पिज़ यग्य, तफ, दान रुफु कर्म करुन्य। कर्तव्य कर्म पूरु पज़िनस करुन्य।। रागु रोस फलच यछायि रोस कर्म सम्पन करुन्य। व्यतम मथ म्योन यिय छु आसवुन।।
- नेत्य कर्मन हुंद त्याग छुनु शूबान।
 कर्तव्य कर्म त्यागस छि तामस वनान।।
- 8. नेत्य कर्मन यिम कष्टदायक समजान। दोह कष्ट बिय कर्तव्य कर्म त्यागान।। रज़्रुग्वनु किन्य कर्म त्यागान छि वनान। अमि त्यागु किन्य रॅत्य फल छिनु प्रावान।।
- 9. शास्त्र वैदी किन्य कर्म कर्तव्य मॉनिथ करान।
 यैन्देयन हुंज़ यछ़ायि तु कामना फलुच त्यागान।।
 तॅथ्य त्यागस सात्विक त्याग छि वनान।
 अर्ज़नदीव यिय म्योन मथ छु आसान।।

- 10. सतूग्वनी त्याँगी अश्वब कर्मन छुनु दुय करान। न श्वब कर्मन मंज़ आसक्त छु रोज़ान।। छु नु कर्मन मंज़ कांह संशय थवान। छि पोज़ त्याँगी तु बोज़वान तस वनान।।
- 11. बेशक काँसि दीहदाँरी प्रॉनियस साँरी कर्म ज़ान।
 पूर पाँठ्य त्यागुन्य छिनु सम्बव आसान।।
 कर्म फलुक त्याग युस प्रानी करान।
 पुज्य किन्य त्याँगी तस्य छि वनान।।
- 12. कर्म फलन हुंद त्याँगी युस छुनु आसान।
 त्रे कुसमु कर्म फल दीह त्यागु पतु तस मेलान।।
 स्वर्ग, नर्क बेयि रलुमिलु फल सु प्रावान।
 कर्म फलुक स्वख द्वख बूगुन छुनु सन्याँसिस प्यवान।।
- 13. ही बजि ब्वज़ वालि अर्ज़नदीव ज़ान।
 पांचन कारनन हुंद बु दिमय चृ ग्यान।।
 सॉरी कर्म बोज़ छि स्यद सपदान।
 यिमुवुय पांच्व कारनव किन्य छि वीद वनान।।
- 14. शरीर रुफी कर्मच जाय बेिय कर्ता जान।
 ब्योन ब्योन येन्द्रेय वेशय तु रंगु रंगु चेष्टायव सान।।

परुज़न्मुक्य श्वब अश्वब कर्मन हुंदि संस्कार सान। कर्मन हंद्य कारन यिम पौंछ छि आसान।।

- 15. मन वॉनी बेयि पनुन्य शरीर सृत्य ज़ान। वेदि वेदानु रोस या यि शास्त्र वनान।। युस ति कांह कर्म छु संसॉर्य मनुश करान। तथ सॉरिसुय यिम पांच कारन छि आसान।।
- 16. युस मनुश यिम हीतू पांछ छुनु मानान। कीवल पॉन्य पानस कर्ता छु मानान।। पॅज्य किन्य सु स्यठाह बोज़वान छुनु आसान। सु मुर्ख बोज़ि किन्य छुनु सॅही मानि चारान।।
- 17. मेथ्या अहंकारन वोलमुत छुनु आसान। संसार्य वेशयन कुन ब्वद छुनु लगावान।। येमि संसार्य काँसि मारिथ छुनु चृकि मारान। सु कर्म बन्दनन मंज़ छुनु वलनु यिवान।।
- 18. ग्यान तु ग्यान ज़ानुन बैयि ज़ाननवोल ग्यान। यिम त्रे कुसमु कर्मन छि वुज़नावान।। येन्द्रेय करन, कर्ता तु सारिव्य क्रयायव सान। कॅनु कर्मुक्य यिम त्रनवय छि आसान।।

- 19. ग्यान कर्म तु कर्ता छि त्रेयि कुसमुक्य आसान। ग्वन शास्त्र छु वनान ति रोज़ बोज़ान।।
- 20. सारिनुय बूतन मेंज़ सम बाव येमि ग्यानु।
 कुन अविनॉशी त्वथ डेंशान।।
 ब्योन ब्योन रुफन मंज़ं छुसनु ब्योन बासान।
 सुय ग्यान सात्विक ग्यान छु आसान।।
- 21. सारिनुय बूतन वुछान ब्योन ब्योन बावु येमि ग्यानु। तथ ग्यानस राजस ग्यान छि वनान।।
- 22. युस दनु पनु ॲिकसुय कारस कुन लगान। युस स्यठाह तुच्छ हेतु रोस छु आसान।। तम्युक पज़र ज़ाननु रोस तॅथ्य मंज़ मस रोज़ान। तॅथ्य ग्यानस तामस ग्यान छि वनान।।
- 23. युस कर्म शास्त्र वेदी छि वनान।
 युस कर्तापनुकि अबिमानु रास छु आसान।।
 रागु द्वयतु फलच यछायि रास करुनय यिवान।
 तथ कर्मस सात्विक कर्म छि वनान।।
- 24. फलच यछा करन वाल्यन हुंदि दॅस्य जान। युस कार अहंकारु सुत्य करनु छु यिवान॥

या दनु पनु लॅगिथ श्रमु सुत्य करनु यिवान। तथ कारस रज़ूग्वनी कार छि वनान।।

- 25. मुहस मंज़ फॅसिथ करनु युस कार यिवान।
 फल नेरि क्या अम्युक छिनु तिम व्यचारान।।
 दन तु बल नाश कॅरिथ कष्ट पानस बेयिस दिवान।
 तथ कारस तामस कार छि वनान।।
- 26. संसॉर्य बंदनव म्वकलॉविथ पान। अहंकार रोस, स्कंलप हेयमॅच सुत्य कर्म युस करान।। स्वफल तु क्वफल सुत्य छुनु व्यसरान। तॅस्य सतूखनी कर्ता छि वनान।।
- 27. युस कर्ता रॉगी तु फलुच यछा करान।
 लूबी बेिय स्वबावु किन्य कष्ट बेियस दिवान।।
 छूयोट वर्तावान, हर्श शूकु सुत्य व्यसरान।
 तस राजस कर्ता छि वनान।।
- 28. युस कांह कर्ता कार शास्त्र वेदी वैरुद करान।
 अग्यॉन्य हठी, कपटी अपमान बेयन करान।।
 आलर्छी चोबु ज़ोरु कार करान हर विज़ि रिवान।
 तॅमिसुय तमूग्वनी कर्ता वनान।।

- 29. डिगिजलु म्यानि टाठि ही अर्ज़न दीव। त्रेयव प्रकृंच हुंद्य ग्वनव किन्य कर ज़ान।। नाना प्रकॉर्य ब्वद तु ह्यमुच हुंद ज्ञान। मे निश बोज़ वनय बु व्यस्तारु सान।।
- 30. ही प्रथापोथर छेय सात्विक बोज़ स्व आसान। यस बोज़ दयस पुशस्थि लुख हेछुनावनु बाफ्य कार करान।। यमि संसॉर्य किथु अपोर तार तरुन छि जानान। जान, नाकारु, बय अंबय मुछि तु बन्दन ज़ानान।।
- 31. व्वसु व्वद दर्मुक्यन बैिय अदर्मु कारन। कांह ति फर्क छेनु ज़ॉनिथ ह्यकान।। क्या पज़ि करुन या न करुन छेनु ज़ानान। स्व व्वद छि राजस व्वद आसान।।
- 32. योसु ब्वद मुह बैिय अंदकार वॅलिथ रोज़ान। अदर्मस दर्म, दर्मस अदर्म मानान।। व्यपरीत वित कुन हमेशि पकुन छि यछान। तथ्य ब्वदि तामस ब्वद छि मानान।।
- 33. स्वबूरु सुत्य संकल्प अछ्योन छु आसान।
 यूगु अभ्यासु सुत्यन प्वख्तु छु बनान।।

मन, प्रान तु येन्द्रेयन हुंज़ क्रयायि वशस मंज़ करान। सु स्वबूर सात्विक स्वबूर छु आसान।।

- 34. येमि दॅरु सुत्य मनुश्य पनुन मन ज़ान। दर्मस यळ्ञाय पूरु करनस तु दनस कुन लगावान।। राग प्रथ कुनि सुत्य थॅविथ फलच कांख्या करान। ही पार्थ दॉर त्युथ राजस छु आसान।।
- 35. क्वबोज़ुवान येमि दारनायि किन्य ज़ान। नेन्द्र बय, फिक्र बेिय द्वखन छु दारान।। युथ्य बानु छु रटान तॅथ्य छु शानु दारान। तथ दारनायि तामस दारना वनान।।
- 36. ही भरत श्रेष्ट में निश रोज़ बोज़ान।
 त्रे कुस्म स्वखन हुंद बु दिमय ग्यान।।
 यिहिंदि अभ्यासु सुत्य मनुश बूग बूगान।
 येमि सुत्य द्वखन छुस नाश सपदान।।
- 37. ग्वडुन्युक दाम यिथि स्वखुक ज़हरि कॉतिल बासान।
 पतु फल विज़ि अमर्यथ छु बासान।।
 दिय ध्यानु अमर्यथ युस स्वख पाँदु सपदान।
 तथ्य स्वखस सात्विक स्वख छि वनान।।

- 38. वेशय तु येन्द्रेय हुंदि संयूगु सुत्य जान। तिम सातु युस बूग अमर्यथ छु बासान॥ फल अमि बुगूक शींकिाहस बराबर जान। अथ स्वखस राजस स्वख छि वनान॥
- 39. युस स्वख ग्वडु प्यठु अंद तान्य ब्रोमुरावान।
 तिम तामस स्वखु नेन्द आलुछ तु मुह पाँदु सपदान।।
- 40. छुनु कांह ज़न त्युथ येरिलूक परिलूक तु दीवन मंज़ आसान। युस त्रेग्वन प्रकृंच बन्दनव म्वकुल छु आसान।।
- 41. ही परन्तप अर्ज़न वर्ण चोर ज़ान। यिमन ब्रह्मन, ख्येत्रय, वेशय बेयि शूद वनान।। तिहिंद्य स्वबावु, ग्वन, प्रकृंच हुंद्यव ग्वनव पॉदु सपदान। ब्योन ब्योन तिमव ग्वनव तिम ज़ानुनय यिवान।।
- 42. शान्त आत्मा संयमी श्वद ॲन्दुर्य नैबुर्य आसान।
 कष्ट दर्मुक्य चॉलिथ परुनावान पुरान।।
 येरिलूक तु परिलूकस मंज़ वेशवास थवान।
 ब्रह्मण स्वबावुक्य यिम सॉरी ग्वन आसान।।
- 43. बलवीर तीज़वान च़ौतुर बैिय दैर्यवान। फराख दिली सान ज़्युठ सारिनुय लागान।।

दान दिवान रोज़ान पौत नु य्वदस ह्यवान। स्वबावुक्य ग्वनव यिम ख्येत्रेय कर्तव्य आसान।।

- 44. ज़मीनदॉरी करान, बैयि गॉवन रछान। ह्यन तु कुनुनुक छु पोज़ बापार करान।। यिम वैष्य स्वबावुक्य छि ग्वन आसान। त्रन वर्नन हुंज़ शुद्र सीवा करान।।
- 45. मस पनुन्यन कर्मन मंज़ ज़ीव स्यदी छु प्रावान। बु वनय चु बोज़ स्यदी किथु मनुश लबान।।
- 46. येमि सुंदि सुत्य ज़ीवन व्वथबव छु मेलान। येमि सुंदि सुत्य ज़गत सोरुय देंरिथ आसान।। तस परमीश्रवरु सुंज़ व्वपासना कॅरिथ ज़ान। पूरु पाँठ्य मनुश स्यदी प्राॅविथ ह्यकान।।
 - 47. वैदिवथ बैयि सुंदि दर्म खोतय ज़ान।
 ग्वनु रोस पनुन दर्म छु श्रेष्ट आसान।।
 स्वबावु किन्य पनुनि दर्मु रुफु कर्म युस छु करान।
 पापु गागुर छुनु सुय प्रावान।।
 - 48. प्रथ कांह स्वकर्म दूशव बॅरिथ आसान। यिथु पॉठ्य ॲग्न दुहि सुत्य वॅलिथ रोज़ान।।

योद कर्तव्य कर्म दूशवय बॅरिश्व छि आसान। कुन्ती पोश्चर तोति त्याग करुन्य छिनु शूबान।।

- 49. मन येन्द्रेय वशस मंज़ वासनायि रोस बोज़वान।
 संसॉर्य बूग बूगनुच नु कांख्या थवान।।
 सन्यास यूगु सुत्य फलुच यछा छु त्रावान।
 बिंड ख्वतु बॅंड स्यद गथ सु प्रावान।।
- 50. यिथु पॉठ्य यि स्यदी प्रॉविथ इन्सान। परम गथ या छु ब्रह्मस प्रावान।। छोट्य पॉठ्य बु दिमय तिम थिद ग्यानुच ज़ान। ही कुन्ती पोथुर चु रोज़ में निश बोज़ान।।
- 51-53. पनुनि बोज़ि सुत्य श्वद मन यन्द्रेय कोबू करान।
 रागु द्वयत रोस ईकान्तस मंज़ छु बिहान।।
 युस कम ख्यथ शरीर मन वॉनी वशस मंज़ करान।
 युस हमेशि दय द्यानुचि समॉज़ मंज़ बिहान॥
 युस अहंकार, बल, गमन्ड, काम बेिय क्रूष्ट सान।
 संसॉर्य बूग बूगुन्य छु त्यागान॥
 जि़छगु बावु रोस शान्त युस मनुश रोज़ान।
 बेशक आत्म ज़ान सुय छु प्रावान॥

- 54. प्रसन्न मन यूगी ब्रह्मस मंज़ कुनी बावु थ्यर रोज़ान। न शूकस गछ़ान न छु यछा कराना। सारिनुय बूतन सम बावय छु वुछान। सु यूगी थॅज़ बॅखती म्यॉन्य छु प्रावान।।
- 55. बॅक्ती सुत्य में दयस येमिय रुफु जॉनिथ ह्यकान। लोल बॅखती पज़रुच करान छि पॉर्यज़ान।। यि बु छुस, कुस बु छुस तिथु तत्व म्योन ज़ानान। तिम बॅखती में ज़ॉनिथ म्योन दाम प्रावान।।
- 56. म्योन पोज़ बॅखुत्य म्यानि लोंचि तल् छु रोज़ान। सॉरिय कार करनस मंज़ मस छु रोज़ान।। म्यानि कृपायि तु उच्चि दयायि सृत्य ज़ान। नेत्य तु अविनॉशी दाम सु छु प्रावान।।
- 57. मनु सुत्य कार तु कारन हुंद फल, अर्पन कॅरिथ। सम बोज़ यूगस मंज़ ध्यान दॅरिथ।। युस म्यानि लोंचि तल रुज़िथ छु फबान। ख्यनु ख्यनु मेय मंज़ छु थ्यर च्यथ थवान।।
- 58. यि वोनमय वुन्युख तान्य तिथु योद म्योन द्यान दरख। म्यानि कृपायि सॉरी द्वख न्यवॉरिथ तरख।। योद नु चुय अहंकारु किन्य मयोन बोज़ख। नाशस गॅछ़िथ मा परमीथ प्रावख।।

- 59. योद अहंकारु लोंचि थफ कॅरिथ च़ छुख यिय मानान। बु करनु य्वद छुख च़ु यि अपुज़ वनान।। परू कर्मक्य म्यानि स्वबावु किन्य यि रोज़ ज़ानान। चे जबरन य्वदस कुन लगॉविय मान।।
- 60. कुन्ती पौथुर मुह्न किन्य ऑग्यन्या छुख नु मानान। वुन्यक्यनस कर्म करुन्य छुख नु मानान।। पनुन्य स्वबाव पाँद्व कर्मव किन्य ज़ान। मजबूर गॅछ्रिथ करख तिय यि छुसय वनान।।
- 61. दय सारिनय ज़ीवन दिलस मंज़ वास करान। शरीरु रुफु यन्त्रस प्यठ राज करान।। पनुनि मायायि सुत्यन तु कर्मव किन्य ज़ान। सारिनुय अंदर बिहिष्य छु नचनावान।।
- 62. अर्ज़नदीव प्रथ रंगु चु शरन तॅमिस योद गछ़ख। दिय कृपायि परमपद परम शॉन्ति चु प्रावख।।
- 63. यिथु पॉठ्य मे वोनमय सिन खोतु सौन ग्यान। अथ प्यठ व्यच्नॉरिथ कर तिय यि चृ मन यछान।।
- 64. सोरुय यि सिन ख्वतु सौन म्यानि थिद राज़ुक ज्ञान। बु वनय दुबारय चु रोज़ बोज़ान।।

छुख म्योन स्यठाह टोठ यार च़ आसान। तवय व्वन्य परमु हातुकॉरी बु दिमय ग्यान।।

- 65. पनुन मन में कुन थ्यर कॅरिथ कर बॅखती म्यॉन्य। नमस्कार कॅरिथुय कर त्वता म्यॉन्य।। अमि सुत्य बेशक च़ प्रावख दाम म्योन। पोज़ वादु छुसय दिवान छुख स्यठाह टोठ चु म्योन।।
- 66. सॉरी कर्तव्य कर्म कर में चुय अर्पन। कीवल में सर्वादार दयस गछ शरन।। बु पापव सारिवुय म्वकलावथ चुय। फिक्रु त्राव सारेय मु कर शूक चुय।।
- 67. न वनुन गछि ज़ाह गीता रुफु राज़ुक ज्ञान।
 युस नु आसि सयंमी न बोज़ुन यछान।।
 यस नु बॅखती बाव, तपु रोस युस आसान।
 गछि नु तस ति वनुन युस में दूश छांडान।।
- 68. बॅखती बावु लोल तु माय युस मनुश मे बॉगरान। सनि ख्वतु सौन यि गीता ग्यान छु बॅखुत्यन वनान।। अथ मंज़ कांह शक छुनु बोज़ आसान। अंतस सु मनुश मे निश छु वातान।।

- 69. तिम ख्वतु बॅड म्यॉन्य सीवा करनवोल।

 मनुशन मंज़ छुनु कांह आसनवोल।।

 पृथिवी प्यठ तस ह्युव छुम नु टोठ कांह।

 न ब्रोंठ कुन ति आस्यम तस हियू टोठ कांह।।
- 70. असि द्वन हुंदुय संवाद रुफ परि युस गीता ग्यान। मे वाति पूज़ तसुंदिय ग्यानु येग्य छुस बु मानान।।
- 71. युस मनुश दूशि रोस नज़रव श्रदायि सान।
 यि गीता शास्त्र काँसि निश ति छु बोज़ान।।
 सारिवय पापव सु मनुश छु म्वकुलान।
 थँद्य कर्म करनवाल्यन श्रेष्ट लुकन छु वातान।।
- 72. एकाग्र च्यतु दन्नजय बूज़्था यि गीता ग्यान। गोवया दूर मुंह अंदुकार बेयि अग्यान।।

अर्जन दीवन वोन

73. नष्ट गव कृपायि चानि ही अच्युत मुह म्योन। यादाश बेयि वापस आव म्योन॥ दड वेश्वासु किन्य संशय दूर गव म्योन। ध्यर बोज़ि सुत्य मानु आदीश चोन॥

UTIFIE I DE PER TRE ME


संजयन वोन


- 74. यिथु पॉठ्य में कृष्ण तु बेयि अर्ज़न सुंज़।

 में बूज़ कथबाथ द्वन महाप्वरुशन हुंज़।।

 यि शेछ यीचा अदबुत छि आसान।

 नठ सॉरिसुय शरीरस छम में बासान।।
- 75. व्यास जी सुंजि कृपािय किन्य दिव्य दृष्टी प्रॉिविथ।
 यि परम राजि कथ हैच में बूजिथा।
 इ्यूठुम प्रत्यख्य अर्ज़नुसुय वनान।
 पानु यूगीशवर कृष्णु भगवान।।
- 76. छुम गिर गिर ही राज़ु याद प्यवान।
 यि अदबुत तु श्रूच संवाद गीता ग्यान।।
 कथ यिम पानुवन्य अर्ज़न कृष्ण ओस करान।
 याद कॅर्य कॅर्य छिम ब्वकु में फ्वलान।।
- 77. यसुंज़ स्मरण कॅरिथ पाप नाशस गछान। ही राज़ तस श्री हिर सुंद रुफ छुम याद प्यवान।। रुफ याद प्यथ स्यठा आश्चर छु सपदान। हर्शस ति बारम्बार छुस गछान।।
 - 78. येति यूगीश्वर श्री कृष्ण भगवान। बैयि येति दर्नुदर अर्ज़न दीव छु आसान।।





तित ऐश्वर्य, वॆज़्य, वॆबूथ तु न डलुवुन्य नीती ज़ान। ही राज़ु म्योन मन यिय छु मानान।।

भगवत गीतायि हृंदिस व्वपनिशदस मंज़ श्री कृष्ण तु अर्ज़न दीवनि ब्रह्म ग्यान तु यूग शास्त्रचि कथ बाथि हुंज़ अरदॉहिम अद्या वॉच अंद। यथ नाव छु "वॉराग सुत्य म्वकलनुक यूग"।

(ॲथ्य सुत्य वॉच समपूर्न बगवथ गीता जी अंद) बगवान सुंज़ कॉचाह आरादना कर ज़ि म्योन कोशुर तरजमु गव मुकमल तंज़ी दयायि सुत्य।

> सन्तोश शाह 'नादान' जाम - सतमबर 2007

8008



